

分宜縣志卷八

人物志 名臣 宦績 忠義 孝友 儒林 文苑 耆老 壽母

列女 才貞 節烈 善士 隱逸 腐賢 技術

天生賢哲是為國家名臣首重宦績堪誇忠義宜旌孝友可嘉儒林植品文苑
生花者壽有福肉帛頌加列女有傳彤管揚華善稱鄉邑隱樂煙霞名賢流惠
小佳為佳製器尚象藝術不差留芳遺範景仰靡涯志人物

名臣

元

歐陽玄字原功號圭齋其先本邑南防里人父宦澤州教授因家於瀏陽玄魁
湖廣鄉貢進士及第歷官翰林學士承旨封楚國文公贈太司徒文章道德

御表當世所著有圭齋文集題咏入本志詩徵祀鄉賢人物志

明

劉仲質字文質西礪岡人洪武初為宜春縣訓導被薦入京奏對稱旨擢翰林
典籍奉命校正春秋本末十五年拜禮部尚書帝以天下郡縣並建孔子廟
而祀止京師典禮未備命仲質議之仲質乃與儒臣奏定釋奠禮儀頒行天
下學校每歲春秋仲月通祀孔子如儀時國子學新成帝將行釋菜侍臣有
言孔子雖聖人臣也禮宜一奠再拜帝曰孔子明道德以教後世其可以職
位論耶首周太祖如孔子廟將拜左右曰孔子陪臣不宜拜周太祖曰孔子
百世帝王之師何敢不拜遂再拜合朕有天下敬禮百神於先師禮宜如尊
崇乃命仲質詳議仲質請帝服皮弁執圭詣先師位前再拜獻爵又再拜退

易服乃詣彞倫堂命講席典禮隆重稱陛下之意詔曰可又立學規十二條

合欽定九條頒賜師生又奉命頒劉向說苑新序於天下學校令生員講讀

是年冬改革蓋殿大學士帝親製詔文賜之坐事貶御史後以年老致仕仲

質為人厚重篤實博通經史文體典雅不尚浮藻帝尚留意焉祀鄉賢明史

嚴益衡字衡中介橋人永樂己未進士授山西道監察御史衡形貌魁碩稟心

峻潔為御史正色立朝屢疏大臣不法百司憚其風采陞浙江按察司副使

蒞任之先夕胥吏不戒於火案牘燬在事當緣規避衡身自引辜受罰運軌

逾年有白其枉者赦命復職時法網稍密衡悉心平反至一牘中理冤濫數

十人遷四川右布政使凡三年卒於官輿輓歸舟無行李涉江風濤岸道傍

巨石鎮舟石卒委棄新喻路左土人用築蹊坎猶呼為布政石好事者銘其

上有扁舟羽馭是作滿羸沛淮仗信庸蜀著清之句祀四川名宦府縣鄉賢
五子析產各止田十二畝有奇長子理贈少傅叔子瑛魁成化丁酉鄉試任
四川提為教諭先耕鄰人田赴試時猶京鋤收芋田水里人至今傳之人物志
李春第漢人正德辛巳進士初授工部主事抽分徐州值歲荒捐俸賑窮瘼死
轉刑部郎竇擢廣東兵備道綏靖蠻寇朝廷褒之補任山西受命勘邊深入
撫勦懸陞四川巡撫都御史大理正卿引疾致仕清恬端莊宦報所經靡不
服其公廉家居敦尚孝友捐粟贍族修葺學宮卒祀鄉賢長子慶餘亦為孝
友人物志

彭大科號槐名西岡人萬應丁酉鄉舉初知漢川縣縣有河名劉家隔者巨鎮
也商賈絡繹歲額派商稅八百金協濟潞府以縣丞駐隔地徵收率以為常

冰丑河閘舟楫不通而歲仍徵稅大科與邑紳周嘉謨議請之大府列疏入
告得允裁冗員罷隔稅調知廬江有惠政陞壯城兵馬司特權瑞魏忠賢用
事大科守正不阿左遷景東同知會瑞敗擢工部營繕司主事監督陵工官
錢無所私歸卒祀鄉賢人物志 參舊志

張承詔號篤渠泗下人萬應乙未進士授蘇州推官廉明風厲吏民畏服為立
專祠遷禮部主事崇正戊辰擢戶科歷工部都給事中累決敢言聞三朝要
典劾諸閣臣風裁譽謬有漢汲黯遺風庚午主考山東所錄多名士陞太常
少卿南太常卿通政使刑部左右侍郎戊寅署尚書無何進瑞獄起始於鄧
希詔造奸梁四潛構成之事下三法司承詔與都御史鍾灼會審力主正議
按瑞以法忍改命東廠主之心復審易詞翻案承詔具疏確執前議忤旨聞

分宜縣志 卷之八
住卒祀鄉賢子士元孝友溫和丁內外艱以哀悼鬚髮盡白丁亥歲大疫餓
殍載塗元煮粥以賑全活者眾孫祖德亦舉鄉試 通志

嚴雲京字子初號志即介橋人萬歷乙卯鄉舉取經藝錄程崇正辛未授大湖
教諭擢知平原縣令修城繕器除弊救荒戊寅以城守著績陞兵馬指揮擢
史楊仁德給事中陰潤俱疏薦為臣對授御史屢有條奏為黃道周楊廷麟姜
曰廣劉同升等巡按河南兼監軍時汴園越月京疾趨受事促諸鎮左良玉
劉澤清許定國等進兵援汴園稍解未幾賊復合京激勵諸鎮賊報効而
諸鎮竟鼓譟引去值霖雨彌月平地成川賊決河灌城城沒而汴園獲解京
集舟數百編筏冒大浸營救宗藩吏民會上別遣監軍來代京乃歸杜門卻
掃林居十七年惟地方利害慨然引陳年七十五卒祀鄉賢 通志

鍾灼字淑憲號昭明山泗人天啟壬戌進士授中書考選戶科歷禮科都給事
中緝密不妄言嘗以袁賦浮重又遼餉加派煩多約諸紳在朝者疏請制減
卒以部議格未盡行庚午主試湖廣一時稱得人陞太常大理少卿順天府
尹大理正卿吏工二部左右侍郎左都御史灼體貌魁梧器識沉練時請公
且大用以逆璫事與邑侍郎張承詔會審秉筆忤旨語具承認傳中灼因曰
籍閑住林居十餘年罕談時事庚寅卒祀鄉賢 通志

黃希憲原名金貴字雙南泗背人天啟乙丑進士知順德縣擢御史兩淮巡鹽
時中費用事額課不足持疏更綱釐政一新巡按甘肅約浮費飭將吏禦愛
有方略遠大僕少卿應天巡撫三吳漕白二糧民苦已久希憲至力為請命
海寇王尚忠蹂躪崇明各村落殲渠散脅兵松悉平晉秩河道總督兼兵工

二部侍郎崇正末疏為宣城應聘建言諸生沈壽民學行可大用為部議所
捨不報也百值姦黨用事誣以河工冒餉下詔獄會喪亂出亡遇盜殺於紹
興江上人物志考府志

清

崇

嚴開祖字遠侯號澆亭介橋人康熙庚辰進士選知河南樊澤縣甫下車即減
火耗之半以蘇民因報最行取授戶部主事歷員外郎陞禮部儀制司郎中
已未分校禮闈所得多知名彥擢江南道監察御史時甘陝偏災祖請蠲漕
二十餘萬以備荒歉母憂歸服除補浙江道協理河南道事連上三疏一變
銅餉採辦一罷商賈馬匹一減蘇松浮糧銅餉馬匹二事旋奉允行浮糧一
疏格部議其人猶嗚嗚感誦至前周忱况鍾稱為三君子未竟所用四年

於官府志

歐陽瑾號予石防里人舉雍正癸丑進士授兵部主政時年二十五歲視部事
識守卓然先是郵傳支給兵曹郎率以減損常例錢省入度支為能瑾謂覈
核大過則州縣不堪民間必受其害執不肯署紙尾坐是錮一級大通橋運
官物至東便門外舍舟而陸向設車戶三十六網紀之官吏巧取自肥車戶
負官錢有至六七千金及萬金者瑾督運務立法拯之一年而釋前負三千
金官刑曹最久駁正外省命獄全活甚眾嘗輯為一書名曰欽恤成案在台
中章凡十餘上皆深達大體洞究本末督學奉天攝府尹覈正宗學釐定金
官人莫敢干以私署國子祭酒不以束修通謁為甲乙識拔多知名士由太
常大理太僕寺卿晉順天府尹其時適調東三省兵征金川會京師軍事旁

午瑾區畫裕如上以是益重之擢總督倉場戶部左侍郎瑾故官倉場曹魯
悉其間弊實諸欲見之施行俄而以墨誤罷官意泐然也明年起內閣學士
奉命祭告河南湖廣陵寢嶽瀆禮成復命遂致仕家居四載年七十有二而
卒者有三才本說子六愛福建峽縣縣丞惟恪監生忻悟邑庠孫八躋拔貢
嗣李歲貢曾孫九崇七酉副貢集七酉舉人任彭澤教諭

楊曰鯤號滄石防里人乾隆庚戌進士授刑部奉天司主事總辦秋審會丁內
艱歸釋服補江蘇司員外郎時開館纂修律例刑部堂官以曰鯤嫻吏治兼
明法律請上命充總纂官陞本部郎中克律例館提調嘗手疏大清律例及
歷朝刑法志蒐集漢律一卷刻有大清律纂修條例按語冊稿行世屢奉命
出獄大獄巡勘河工嘉慶丁卯科充四川副考官先是湖北廉使陳公右霖

外授陞辭上問刑部何人辦事右霖對李某錫某上諭曰楊曰鯤朕知道的
旋以俸滿截取繁缺知府引見選授襄陽府知府襄陽為荆豫七省要害經
教匪之亂餘孽未靖俗悍而健訟前守去積案百餘件曰鯤下車從容判理
月餘案無留贖所部有疑獄不敢上者提其案立決之七傷頌神明焉甫二
載卒於官曰鯤幼而孤奉母至孝家素貧未嘗就外傳四書五經皆母吳氏
口授之早有文名戊申冬計偕雇一羸僕被北上途間風裂面指僮真不得
屈不以為苦及其官中外也前後數十年囊無官資節減俸廉置田贍族餘
則以置書數萬卷每謂人曰吾不能以口宅貽子孫惟誨之讀書俾有成正
乃吾所以貽後也性嗜學平生手不釋卷博覽綜核於古韻古人考正極精
凡天下山川郡縣險易及尊黃濟運之法尤素所講畫所著有詩經經世輯

范吉令韻學通時紀聞若干卷藏於家

宦績

(宋)夏侯錫天聖二年進士衡州司理參軍稍遷吉州判官應知南康興化軍管
以善政聞治平中轉朝奉郎都官屯田郎中致仕于公績元豐八年進士喬

孫士章元末登第官終瑞州路學教授人物志

梁公价字寶臣梁坊人少孤力學熙寧中進士調贛縣簿稍遷承信郎守四門
博士前志

孫汲字公善寄籍臨江應舉授朝散郎監司知其才擢權吉州君素號頹劇汲
居不越月境內稱治時黃庭堅為太和令作詩送之祀鄉賢人物志詩入題

孫億字廷齡擢進士第知吉州永新縣吉民歲市繻六萬餘匹主外計者收婦
錢以供他費給鹽以償繻直億發其弊吉祖歲收四十萬斛漕臣意在聚歛

億預戒度吏定收什二以充羨餘守州約拒臺命出納一用倉式從知白州

卒邀贈葬余請為誌其墓祀鄉賢 通志

元趙榮字滎甫城內人由史學發身仕至朝議大夫萍鄉州知州致仕子考文

以賢才徵知閩縣事祀鄉賢

彭應雷字震卿漳溪人延祐間舉儒士授南寧路判官稍遷蘭谿州同知有清

白聲擢知泉州以奉訓大夫安福州知州致仕祀鄉賢 通志

明黃伯奇江夏人資性純篤雅尚禮義洪武中舉才行老成授金華知府莅政

嚴謹吏服其能祀鄉賢 明一統志

張瑞字瓊佩泗下人宣德三年選貢九年授布政司經歷會征徭大舉師老餉

匱時出願畫贊佐措置井井兩臺深器其能委任轉輸帑不糜而士皆風飽

訖奏膚功後積劬成疾引言歸里軍府節其勞績上聞膺殊擢授湖廣按察

司僉事終不就居家以廉讓型俗即先人故廬葺宗祠以收卹族眾知縣周

瑛為建承恩坊即今祠頭門故址額猶存焉

吳守清萬溪人進賢司訓處安之季子少聰慧穎悟過人長益肆力於學為文

敏捷操筆立就中宣德山知舉人選浙江蕭山縣知縣辭不就曰吾才拙不

能理繁劇作令恐曠厥職耳乃改授衢州府學教授飭躬訓士一表於禮有

陳生某素剛正或構陷上控太守將重懲之命報某生劣守清知其誣執不

可為力剖於太守而釋其罪捐俸倡修學宮營度構造煥然一新衢州人士

欽其學品負笈從遊者眾以老致仕歸諸生賦詩餞行猶依戀不忍別焉
歐陽文子伯魯防里人宣德間舉經明行修授開封訓導持正不受士贄值黃

河水溢壞廟學聖賢像捐已貲新之改永康邑人童睦失藏金至父子相惡
汶為解白且成就其學遂以科目發身購民地創尊經閣修永康志改國子
學錄大監汪直鉤距傷人文為上書力辨遷周藩長史翰所賜莊田子粒濟
軍匠食汝陽王縱肆啟國主申祖訓之禁卻其饋多金人有歐三清之目復
改伊府右長史王妃子患痘妃父引遊僧進因針灸薨王答妃父撻遊僧且
死汶舉祖訓諫王為賦詩志悔致仕家居嘗舉郡邑秋夏二稅過重請比例
鄰邑秦減知府董竟如所請入奏所著有介軒文集祀鄉賢參府志及行狀
袁象賢號啟庵小北門車田人資性穎悟初治詩後改禮記中永樂丁酉舉人
官刑部主事參決疑獄多所平反同寮咸服其才因父庠生彥明母梁氏年
俱高乞終養錦衣娛親里鄰榮之家居杜門惟日手一卷行為庭訓子正恭

正理正達並邑諸生能文有聲以壽考終都諫劉畫銘其墓

李雲雙源人壬辰進士授浙江海鹽縣令廉明方正興學校均差徭所治多惠

政士民德之任滿擢陞河南道監察御史以年老致仕怡情山水著有雙峯

詩集問世長子公信別有傳次公儀選貢任湖廣宜章知縣舊志

李公信雲子公儀兄首為國子生授襄陽衛經歷東安知縣廣州府通判清苦

自持所至有聲致仕歸卒兩任俱祀名宦嘉靖志

易鸞字鳴和城內人幼聰穎能詩正德十五年奉文建太常忠且祠鸞自呈願

以己地立祠助修登嘉靖癸未進士授和州知州下車手較權量使民畫一

時有易公秤斗之說政善民安修和州志皆出鸞自撰陞刑部郎中奉差審

錄旋病故時年三十八祀鄉賢人物志

袁怡號西園小北門車田人嘉靖二年貢入國學授廣東高州府推官居官廉明才能敏決案無餘積有古廷尉持平風莅任二載引疾乞休撫按堅留請益力知志不可挽命電白縣以鼓樂彩亭榮其行去之日郡人備張祖道怡涕泣謝之立專祠後崇祀名宦居鄉好獎勵人才里人德之卒祀本邑鄉賢著有見一莊文集子應樞由工部郎中歷任廣東布政司參議縣志

趙源城內人錦之子也幼習庭訓工詩文弱冠膺選貢授石埭令累遷惠州郡丞所至有惠政事親以孝聞撫姪如子處族里昆弟恤孤賑貧好引進後學邑人稱爲東谷先生年九十五卒所著有兩餘錄歸田稿寄適集若干卷藏於家子伯冠亦工古文詩詞以貢官雲南大理推官有治行甫遷養利卒所著有行寓錄滇中稿等書人物志參舊縣志

張允中字堯卿號柳沙西關人為人端方讀書淹洽最嗜金鑑錄文亦師事之由是知名試輒冠軍嘉靖壬子舉於鄉授始興知縣贖聲蔚起調任英德有惠政陞長沙通判尋遷本郡府丞奏最工考致仕歸杜門吟咏自娛及別後學無以器識爲先孝友爲訓祀鄉賢

嚴克忠號靖可介橋人天資英敏制藝秀異試屢冠軍萬曆癸卯恩貢授溫州府判溫湖海時多寇警適部丞缺兼理戎政督司稅務飭卒時儲帖然安堵署永嘉樂二邑篆邑倉夫差苦條陳利病申請筦鑰出納俱司官吏無累民治行稱最致仕居家發影潛修暇日復理舊編析疑義著精旨一卷祀鄉賢子二俱庠生次子堯淑學優性介孝友著聞孫雲棠雲泉俱庠生曾孫一燁歲貢訓導舊志

彭士遠字利見西岡人萬曆癸酉鄉舉初授廣西賓州知州移河池州素惡
 土寇士遠至恩威並著廉得其渠魁地方寧謐興學校拔子弟之秀者親督
 課開廩餼士尋遷鳳陽同知以河功加俸卒於京祀鄉賢 通志參前志

袁希孔字淑我紐村人萬曆二十八年舉人任四川筠連知縣政尚廉平捐俸
 置學勸農桑除盜賊時土寇侵境肆行掠希孔廣招鄉勇躬率堵勦民賴
 以安以功陞廣東肇慶府通判去之日士民遮留立碑頌德因假道省墓病
 卒於家時年六十歲

夏彥昇字訓五邑西石口人萬曆間任直隸順德府平鄉縣典史性嚴明多材
 嘗手除巨奸數人聞於上巡撫保定提督紫荊等關都察院右僉都御史劉
 學曾嘉其能獎以彈冠勵政執法除奸八字其弟考忠醇謹公正鄉人感其

德亦舉鄉飲賓

張兆觀號雲階西岡人溫厚嫻文辭三中副車舉明經通判邵武府鎮靜有政
 績擢守黔開州首建學校苗民始知書厭兵革而州以寧開州人於學旁立
 祠尸祝焉尋以補官道卒 前志

李蕃東漢人由歲貢任福建建寧訓導陞湖廣南漳教諭捐俸倡修學宮構縣
 事有富民萬霞者女字施某施驟貧霞欲毀盟訟於縣霞以三百金賄求判
 離蕃伴受之次日堂訊呼霞責曰爾所以毀施某婚者為施貧耳今我贈金
 三百施氏子不貧矣事詳南漳縣志崇祀南漳名宦祠

張問明字日章西關人初失怙恃弱冠方就學勵志節 天寶三年以例貢任太名府
 魏縣值寇殘鄰邑抄掠城下單騎撫諭去以治河著功時督府盧嘉其能署

參永平軍戊寅己卯間大水丁亥奇荒糶粥施米全活甚衆司理王廷禔題
其廬曰德門遺老祀鄉賢人物志

趙鳴鈴字彥聲又字一鷺號廣陽下趙人順治丙戌舉人其大父雷州倉大使
名炳機父孫諸生壩初報小試父督責甚嚴驅之楚牧輒置書展玩不墜欣
志後登賢書值丁亥奇荒買米散給活人無數為上猶臨川教諭時年多士
以禮義廉節督學王曰藻嘉其賢總督張朝璘巡撫蔡士英薦彼有學固留
心朱陸文更上宗漢唐之語康熙甲寅益廣平知縣致仕絕世事惟陶導
後學生平嗜學好善事父母孝故不衰處宗族鄉黨謙恭卑牧平易仁慈享
年八十一歲子淑孔歲貢生淑願應貢而逝淑曾邑附生俱以文行著

李一騶字景章號虞庵雙源人天性純篤明季鼎革盜賊劫掠鄉村虞庵方冲

齒護其母遇賊請以身代辭氣哀懇賊兩釋之長受業於胞叔授貢世芳為
文力追隆萬中順治丁酉舉人辛丑會副任廣東遂溪縣令十載任滿復署
海康事所至廉明有聲以簿書勞瘁卒於官

鍾必顯字履祥鈴西浪溪人博極羣書才鋒四溢熹宗登極以義經三試拔置
第一廷試第三丁卯擬元懷宗初授海門令上特勅曰聞者海氣不靖以為
朕憂凡瀕海之邑必良吏撫摩而捍禦之以綏安我民爾直隸揚州府通州
海門縣知縣鍾必顯勁骨堅凝長才敏練掄英江右剖竹海濱操勵飲水塵
滿史甄政成游刃化同偃歌赤社祥鸞明時瑞鳳教訓三載薦贖屢騰是用
授爾階文林郎錫之勅命夫廣陵枕江背淮而海為襟帶近日水鼓民飢倘
鯨鯢鼓浪海門之民其魚乎爾尚克虔乃心懋乃績以迓荷休欽哉時瀕海

水溢為民患公築上下十六堤以捍之且為饑民請賑得報可全活甚衆捕
奸擒寇治聲赫然各院交相獎薦遷乾州守改兩淮鹽運副兼巡鹽安東日
照通流寇驟至攻劫郡邑安東故無城郭一時文武官吏洶洶請計公命積
鹽為城廣袤數里賊不能破上特差內臣駐劄淮安內臣怙勢營私報公與
盟公力拒之自陳詩酒廢疾告致遂歸林下日以賑卹鄉鄰訓課子姪為事
著有大海迴瀾易燈諸集行世甲申聞國變憂憤成疾踰年尋卒同宗左都
御史烱公為之傳子四長景星國學生次景運景明賜俱庠生孫峰秀郡廩
生鳳宸峰定庠生曾孫際雲庠生餘皆業儒

歐陽亮字孔昭防里人前明崇禎間歷官白沙守備時流寇煽動中原道途梗
塞王命不行亮招集鄉勇結寨自衛迨甲申三月乃棄官從間道歸越一月

大清兵入山海關破走李自成定鼎京師以禮葬崇禎帝后令天下臣民服
喪三曰亮聞之北面再拜稽首曰大哉堯舜故主銜恩矣年九十有四而卒
(清)李松生字棟吉城西人性醇篤嗜學康熙己酉鄉舉任大挑知縣捐修文廟
培植士風姚邑鹽課最重松生為繕鹽井減鹽耗畝苗民恩威並著地方利
弊力為興除以勞瘁卒於官

鄧宗健字子範七都人歲貢任崇仁訓導持躬端謹有師範崇邑學宮記捐俸
倡修文風日盛士頌德不衰

張聯珂字介璜西關人嗣載子生平篤孝友力學砥行工吟咏雍正六年由拔
貢教習選授零陵令邑蛟水大發漂沒數百家捐賑二千餘金全活甚衆攝
祈陽篆決疑獄數大案以廉能調保請苗疆甫下車革除陋規邑舊無城池

前任估築土城珂詳請捐三年養廉改建石工邑諸營造經理皆裕如土司
舊以民間男女為隣種饋物珂徧諭難民親屬呈報詳請關回七百餘口俾
完娶樂業廉得奸苗將謀獨獾密會鎮守控渠魁立斃杖下眾苗畏之如神
明編立保甲改十六旗為十六都都各立社會捐穀碩以為民倡設義學延
師訓諸生捐給修金膏火詳定歲科弟子員額世新興知州引見赴任至常
德卒著有坦園詩集子中基附貢生外同職事二親竭誠養志父聯珂性嚴
毅稍不擇必長跪請罪俟霽乃起父官遊隨侍左右務稱親志功服尊長遵
父命為之謀安全弟姪為之受室其慷慨好義如此入保靖名宦祠

嚴宗嘉字二猷號孚亭介橋人關祐次子康熙甲午鄉舉署穀城咸寧二縣沔
陽州事請盜殲宥有能名實授直隸高陽縣新學校輯邑乘梁猶龍河以易

舟渡人呼嚴公橋謂王田創義塾田課士邑有文二高工接蒞運河刻人謀
毀舊堤紓己害以登鄰監司己入其議宗嘉力持不可爭之三年卒得直隸
蒞州牧改延慶量移開州革除里書改道順莊冊按地徵賦歲省里甲雜費
數十金年六十餘卒於官為人孝友脫篤出於天性歷任繁劇賑水旱災者
七理軍需者二應大差者十有七民皆陰受其德治獄仁恕實為同官會鞠
平反申二找子等一十七人所至每留去後思司寇錢陳羣銘墓子三季秉
璋幼慧年十八以古學受知督學湯聘拔第一著有云云詩草甫弱冠先卒
府志

習敏字適志塘西人雍正癸卯鄉舉年十一失怙家貧遵母氏教敦品讀書終
身服伯光恭之訓撫幼弟惠友于無間性坦易衣冠言動一率其真積學為

名孝廉壬子廣東同考官所得八人多知名士十工公車屢薦不第由明通
後星子教諭上游捨其學行充白鹿洞監院院中佳士就質文藝開誠授以
法度遠方遊學者踵至破格分俸給膏火後授寶德知縣繼前令築障海壩
三年而後工竣闢良田民賴其利調繁惠安值頻歲告歉賦額多積逋數權
宜措法課完而民安堵及解官里居捐田奉祠祀賑貧恤乏多所全活內行
質實稱其為人年六十四卒

嚴宗喆字學聖號愚齋介橋人闕祐三子雍正丁未會魁長身豐鬣風度嚴正
授吏部文選司主事陞員外郎門無私謁得好書舞文狀立白家宰革之充
乙酉廣西正考官號稱公明事竣擢永昌守禁革土司饋送減關稅征額土
夷歡服晉洱逆苗之亂無敢犯境丁內艱服除補衡州府別獎除奸清積案

五百餘件闕石鼓書院與諸生講學郡嘗有龍旺山明舊產鉛奸商希院司
意呈請採試遽聚眾洶洶宗喆立詣敝封禁散其眾以專擅自劫歲荒糶倉
穀濟糶不待報以失揭未陽令左遷江甯江防同知卒前後所歷多要地以
清節著聞平生好讀理學書切己體認作文原本先正著有愚齋遺草

楊師游字篋淳達塘人雍正癸卯選貢肄業成均棟發廣西借補龍門司巡檢
秩滿擢平樂知縣時宜山縣白土苗民蠢動大兵進勦檄辦軍需審決俘囚
千餘人多原情矜釋以軍功調宜山邑境舊無麥游捐資市麥種沿村散給
自此宿麥連雲皆食其德丁內艱服闋需次適武進縣缺人特旨命往旋改
婁縣婁臺橫詐財誘婦士人號懶皮師游廉得其實重懲之邑頌為楊佛有
四野歸心圖之獻

黃汝茂字時育樓霞人雍正己酉鄉舉儀狀魁碩甘貧勵學揀發廣東試用後臨高邑篆更萬州所至以勤慎稱後仁化令興學校增義塾德意均平鹽價民尤利賴之布衣蔬食不改寒素風凡二年卒於官府志

張世棟字瞻雲號松亭邑西泗下人資穎培貴穿百家言雅善屬文由廩生出力營田議叙膺保舉監督興平倉補常州海防同知兼督寶蘇局錢法諸所專司靡不次第登舉負氣翫驕馳逐俗委蛇在常三載遽解組歸居常任義使好與人為善初需次都門浙人錢清不諧於其鄉避寓京邸以文調世棟奇之助之金入監旋捷北闈海防廳駐江陰署側有錢生者亦為士家貧無力畢婚嫁世棟聞而贈之金與人感誦其他慷慨好施如是居家捐貲修祖祠置祭田有范文正之遺風弟世均篤於行誼士林推重

張學鵬字飛漢長富人以歲貢任永興縣訓導改蓮花廳時廳學新設諸興舉振飭有條為文敏捷工吟咏詩人多傳誦之府志

鍾定邦號甯莊朝溪東山人由選貢中乾隆壬辰進士初躋鄉闈氣不少挫益肆力於經史古文故學有根柢鴻臚袁芳松學士饒學曙咸推為燕許鴻才及主政兵部讀律明體要司務無巨細必親決披牘恆至兩夜一時猾胥皆為斂手時大司馬周璜為定邦選拔座師深相引重每謂人曰鍾君遇事精詳謨畫多中此座終當屬之也未分枝禮闈所拔多名下士偶得他房遺卷謂有卧子才思百川理法力爭得薦揭曉為新城黃嵩齡黃詣謝定邦拒弗見曰吾為國家得士奚謝恩私室為嵩齡感其言卒為循吏應即署二十年以俸深將保舉繁缺知府忽遭寒疾假歸至徐州道卒囊無餘蓄清風勁節

人比之宋陳師道云著述多散軼僅制藝百餘首

林大宏字副聲號實堂乾隆己未進士大定仲弟也幼時親陪超羣通籍後京師諸名宿並以翰苑雄才目之及廷試過而未遇當道挑取武英殿行走以親老辭歸教授里門十餘年嗣起選籤掣廣西雒容縣缺初抵任見地瘠民貧思欲調劑而安南邊境生事大宏外籌軍需內恤民隱斟酌盡善又因水災相度地勢借帑築一長堤以後免至橫決調署平南聽斷公平盜賊為之斂跡縣前正對南門有古馬頭局面開展為文運所關歲久閉塞大宏徇邑人士請力圖興復料第倍盛於前調署貴縣值西隆內訌征車絡繹大宏仍前在雒容時行之內外肅清調任懷遠苗疆因俗為治毫不擾民為地多巖崗素不產穀值歲歉有錢無市大宏札商鄰邑販運流通糧食併請於上官許權宜碾米全活甚眾縣治偏處一洲四面皆水春夏盛漲城不沒者三板大宏捐廉鳩工培築各溝居民安堵無恐身歷宦途近廿年四與考校每至一邑憐憫公事外日與士子講論文藝無異師生併纂修雒容縣志懷遠縣志若干卷晚年致任歸里身無長物惟以一編自隨所著有經史合璧十二卷半閒詩鈔二卷

歐陽星號石溪防里人平度知州進士光緒曾孫家貧力學習業西明山寺中危坐待旦閱月家人往視而襟猶未解遂得淹通經籍以文名乾隆己未成進士己巳北上道經東省夢漢齊相曹參曰子為治當以清淨無為處之比選得青州臨淄令淄故齊治也地瘠民貧星一以拊循為意邑西萊田數百頃舊為衛屯地屯廢供稅如故歲籤殷富者輸之民計蕭然屋則別置一圖

募農墾植請大吏蠲其稅之半名曰順莊又疏二王窪古皇城等故渠悉成沃壤有王某者劇盜也數為郡邑害是以計捕之置於法會壽先有關殺獄械囚十數皆不承臬司蠻星往獄甫至於擗人中指一囚曰彼邑變而自動者是也一鞠而伏辛未翠華南巡中丞檄縣令十餘督修驛道他令多以資不給取助於民星頷金止數千躬理其役民無困者故淄人美其德政云清積獄囹圄空勤撫字催科不擾政成而請陞或道誠孚而疑訟立剖皆紀實也莅淄四年改臨江教授又十餘載而歸沒年八十二長孫敬嘉慶己丑進士令連山

嚴秉璩號寅齋介橋人州牧宗嘉次子幼聰慧勤於學志存經濟輕科目中書舍人新建表翰周見而奇之妻以女弱冠由儀徵舊江司附江寧布政司理閩制府高公藩憲姚公交相推重護兼護南北通判晉邳州知州內艱起復會大兵征金川上從阿大將軍請使往四川以知州用歷署松潘樂山理繁劇皆裕如既解餉金川大營改用滇南護理普洱知府兼署思茅同知修築城垣及征辦茶稅不為民累土司芑苴不入遠人帖服題補路南州知州遂以料理九龍江軍務染瘴告病回里而歿情未竟所施云初宗嘉通籍後嘗捐百金助祠祀璩繼父志更捐如其數置祭器定祭式先世祭典以舉年五十九歲子三恩濤恩瀚俱國子生

嚴思濬字叙揆號潛庵介橋人州牧宗嘉孫乾隆丁丑會試第三人成進士為人疏節闊目不立城府好讀書目下數行發為詩古文頃刻千言筆不加點獨制舉藝管度不輕脫稿蔚然有經籍光大父宗嘉持清白作吏數十年

恩濟復繩祖武而天性質厚甲戌持祖服不上公車數遊幕府得館穀以養
繼祖母父母既官靈山培植士類興學校修文廟靈士不列科名十餘年庚
寅大比遂有舉鄉試者朝廷方征緬甸兩粵有辦馬之役恩濟四處購買良
馬五十餘匹赴滇事集而民不擾及權歸善篆務值徵兵回國過其境千餘
人諸供應經畫裕如毫不累民制府熊卓交重之舉卓異正為入覲年四十
七未竟其用而卒所著有潛庵詩鈔四書文稿以上舊志

林大任字衡可號尹堂有席從子少孤從諸世父學資性敏達年弱冠以府試
第一附郡庠越歲領鄉薦平日事寡母鍾氏孝養備至友愛弟妹尤篤居世
喪與弟大伊飯粗糲三年不入卧內服闕赴會試薦而未售大挑二等選授
奉新訓導以教官責甚重而稱職難取重難二字願其軒訓誨士子首重品
行其以文藝相質者悉盡心裁成之邑下游舊建九天閣東為改嶺向有塔
並傾圮大任以為文運攸關捐廉倡修由此科名益盛至於振飭風化表彰
實行尤不憚煩難如孝子鄧沐任烈婦王鄧氏均悉心採訪詳報請旌入祠
嗣推陞饒州教授邑人士繪圖綴詩送其行莅饒三載士林慶得人師由饒
截選福建仙遊知縣甫抵任值大旱大任虔禱即沛甘霖每訊獄不輕用刑
而奸黠之徒皆自吐實情邑人有傾心共喜隨車兩革面無須破柱雷之
頌上憲特加器重擬調侯官晉江均辭未赴丁卯奉調入閩所取皆實學兩
主司以名眼推之自司鐸迄為宰官凡二十餘年所至皆卓卓有聲平時留
心搜羅當代名家古文制藝郵寄世父有席評選近百餘家闡發幽光人感
德焉卒年六十有二著有石廊山房詩稿以上龔志

張德謙號益齋西關人嘉慶庚申舉人善吏治歷署直隸武強涑水故城廉明風勵兩獲盜案制府重之補廣昌知縣肯下車訊巨案得實邑人帖服會差辦佛爾門道舊病復發遂罷任而歸年五十有二卒

趙錫齡號臨莊東關下趙人幼失怙勵志舉業長從林實堂先生遊善文章期許匪淺貢成均試南闈未過援川楚例登仕籍分發四川應署西昌縣丞裁眉主簿適川省教匪滋擾委率鄉勇堵禦去池縣不避艱險以身報効大憲嘉其忠勇奏請軍功加二級紀錄二次旋補秀山縣石堤巡司在任恭奉車恩二次蒙恩加二級貶贈父母復封本身後奉慈諱返里督課子孫詩書外事不與服闋有勸其出山者曰官到殘棋局可收日以吟嘯自娛可想見其為人卒年七十二子九源道邑庠廩廩晉邑庠選候選從九達國學孫曹林

立俱業儒

張祭字慧光號海蓮西關人候補教諭勅封修職郎迎軒之子生有奇慧九歲通十三經十一歲補諸生鄉先達咸以大器相期許乃竟屢薦不售以廩貢例被教職扈官建昌府學教授上高臨川等縣教諭臨川舊有清風門聽形家言稍移諸左直業陳戶於是郡盛而陳衰其後再修城垣陳有一老儒請改門訟諸縣委典捕尉往勘尉疑其輕已使隸胥啗啞叱咤關至縣庭是時海蓮甫抵任諸生集訴海蓮語縣縣不納遂於縣之鈴閣外榜示諸悍吏縣怒益黨尉且欲罪三舍海蓮與之忿爭以事聞府府斷清風門如故命尉宴謝各紳士大懲諸隸黜陳生海蓮又力救之陳並獲免人以是德之至公稱道弗衰嘗總理十二府同宗祠務錢穀出入衆情贊服邑南鄉舊有寶

興局年久費缺力倡捐輸規制復振縣中節孝坊及鄉間橋路或倡或助無不資其力焉初海運未蒞冠時就有鄉試臨川直隸總督李公敏第五孫國子典簿達莊公閻其名遂以女若華妻之若華曉文史精術數賦詩大六壬數先儒註疏若干條皆有至理延師教課外攝檔家政井井有法以故海運得道遂書圖終其天年當時比之秦嘉夫婦云子二伯煜瑛卯舉人大挑二等任贛州府定南廳訓導加光祿寺署正銜並加鹽提舉銜軍功保舉以知縣在任候選伯煦邑附生孫四

張秉機號叙香西關人布理閩中祿第二子幼聰慧能文章弱冠補弟子員屢薦棘闈弗售遂援例授直隸州吏目官四川忠州吏目任舊有常例雜費錢以貪吏處之歲可得八九千金叙香至一切罷去公餘則宴坐小軒茗碗琴

尊恬然自樂見上官往往疎於禮節上官亦雅重其品弗咎也或進以逢迎之術則對曰余馬用是余本開澹人為愛蜀中山水來游來歌稍遂七不堪之性若一行作吏非素心也因謝病而歸彼都人士額以溫恭慈惠立於訟庭以誌不朽享年六十有二卒子伯熾軍功保舉以從九歸部遇缺前選用李榮椿字遐齡號金山檀溪人天性孝友人品端方初習舉業應童試屢拔前茅兩次已入彀以詩字小疵被黜因援例授職任廣西來賓界牌巡政署誤歸里家居十年造波橋修道路嘗費數百金復任山東費縣關陽巡政所至皆有賢聲關陽古武城地舊有祠祀聖門曾子言子澹臺子捐廉倡修邑人欽之卒子官嗣二子維鯨國學生維鯤文學生

袁鳳齡字鳴詔邑增生車田人明敏英達有匡濟才父春臺官雲南胞叔東堂

以廣文需次在籍深器重之謂異日才可大用惜數奇屢躡場屋東堂愛其
才命以他途進爰援例捐廵檢棟發湖北時教匪猖獗全楚騷擾鳳齡奉委
參贊軍務議叙二等軍功借署保康縣尉保康俗悍健訟鳳齡聽訟時婉轉
曲導每教以終凶之理處處見愛民息訟至意邑人士有訟庭草色青如畫
行館棠陰綠未刑之頌繕軸送署縣令楊公開鏡多賴佐理嘗嘆曰袁君為
官御民是醇吏幹事是能員真吾左右手也其欽服如此越數月旋奉檄往
施南府勘田施南府屬六縣經教匪之亂兵馬蹂躪田概荒棄鳳齡拓集流
亡按畝清釐田復井井如故事竣回省院司文口稱其能已題儘先補用卓
薦候陞因父年老陳請回籍終養途次聞喪其父死之日即與陳請之日相
符人以為孝思所感云及抵家撫棺號泣不食者三日旁觀人無不泣然自
是絕意進取惟以教子讀書為事家居數十年足跡不入公門至邑中修聖
廟建考棚暨倡立賓興殿大端與諸同事贊謀必力城鄉紳耆迄今尤稱公
正焉年七十二卒學師梅閣齋銘其墓子三人俾人玉俱業儒熾邑庠生孫
曾林立書香蔚然

鍾師唐號安亭邑西長溪人父毓瀾工詩文屢躡棘闈隱居教授門下多知名
士生子二師唐居次幼即聰慧絕倫博覽羣書尤善春秋左氏傳平生賦性
灑落飲酒吟詩不以家貧介懷由邑廩生中嘉慶庚申恩科舉人聯捷辛酉
恩科進士授福建羅源縣令居官不愧清慎勤三字符以拿獲洋盜數次超
遷漳州詔安縣令詔地瀕海時多盜警師唐以德化之帖然安堵是時賢聲
蔚起惠政種種重建丹詔書院增修膏火勸課諸生文治一新制憲汪保舉

卓異進京陛見因餉事不媚當道改繁調隔左遷寧德縣尹寧俗彫殘師唐
戴星披月筮勞拮据地方乃有起色東城外長橋係師唐捐廉創建民感利
濟特取橋名曰福星泐碑記頌享祠長生祿位至今祀焉嘉慶二十三年洋
盜餘黨滋擾部議以約束不嚴着即辭任引見巡撫汪君紹蘭深悉前後情
事大為惋惜欲為師唐捐復師唐以年老多病力辭解組歸休優游林下嘗
賦五柳先生詩以見志卒年六十一子四長成本國學生次成樞巡政廳三
成傑四成勳同科游泮俱食廩餼膺恩貢

嚴升偉字荔村邑東介橋人少稟殊姿志在通經致用詩古文詞追蹤歸陸楷
書正字恰肖鍾王英年入泮食餼回家世清廉節守固窮識者知其必發中
道光己酉舉人大挑一等籤分湖南知縣初充湖南鄉試同考官歷任通道
武陵芷江等縣循撫安集奸猾斂迹一時有嚴青天之目並江密邇熟省銅
仁逆匪竄擾沅州駱撫委辦沅州邊防兼辦撥黔兵餉戰守經年調度有方
鎮遠偏橋等處次第恢復與有力焉大計卓異以知府選用陞加道銜年近
七旬解組寄籍湖南自號懶叟享年八十七著有資治庸言懶叟遺集前次
辛未修志首主纂修

易炳晃字筆山邑東水川人道光壬辰科舉於鄉己未科殿試進士即用知縣
歷任南皮曲陽獲鹿豐潤博野容城等縣初任南皮時縣試取張之蕙之洞
案首收入門牆讀書衙署後中狀元至宰相世以明眼稱之繼任曲陽時有
賊誣良公勞心訊究昭雪冤枉賊則歸案治罪終任豐潤境南瀕海時以英
夷不靖辦理海防晝夜勞瘁外患得以隱消該縣紳民贈以政繼二南匾額

子六山東典史廩生國學附生無白丁孫四均入膠庠不墜祖風

彭啟昆字雨棠邑南楓溪人幼攻舉業聰穎邁羣弱冠領鄉薦久因春闈留京師館於山陽相國汪文端公家汪重其品學為之揄揚大挑一等以知縣分發山東歷任八九縣官壽先時值水災後啟昆為民請命豁免田賦民賴以蘇獲劇盜置諸法有從者遣歸民賴以安建書院課士優給膏伙民賴以達果為大吏所重奏請獎勵如同知銜并補直隸州解組後於村中築石橋七孔費數千金同治辛未纂修縣志子三次毓海舉人別有傳

歐陽集字小虞邑南坊里人侍郎瓊曾孫歲貢嗣李第三子也道光己酉科拔貢旋領鄉薦與胞兄棠同榜授彭澤訓導彭邑自髮匪竄踞後文運日落集蒞任為諸生改正詩文力求實學復見彭邑無至聖先師誕祭乃捐俸置屋

設祭郡人士有淵迴砥柱澤衍書巖之頌幼侍父秋樵讀命作紅葉詩其結句有云倚檻漫憐風景異露光萬丈照天衢當頭一片隨風起直向天門化鳳鸞壯歲值髮逆擾亂江右密與伍許漢歲貢彭夢九孝廉練兵防寇有詩云冥冥氣稜起東洋萬里征兵出海疆欲塞漏卮葵廟算為持異議失邊防撤關自聚鯨吞勢擁衆偏容蠶尾狂誰與勤玉清風恨腰儲尺劍試鋒鏑其憂國之心可見一斑賊平後劉中丞委辦軍餉留之幕內疑難案牘處決如神因授彭澤訓導著有蕉雨山房詩集凡十卷享年七十有四子孫均在庠

鄧思謙字西園邑南白芒人咸豐己未舉人授長寧訓導人多謂縣僻俸薄勸勿就思謙憮然曰所慮吾無可為訓導者何乃言俸也及之官召諸生為詩文課最以人倫大義士有貧寒者仗助其家念長寧荒遠士無出境從海內

通儒遊於是為立鄉學報賓與乎定條規先是愚謙改貧讀嘗無燈輒披書
坐然香一炷誦忘拂其烟翻書取驗如是者十餘年遂通經史政居官自勤
自苦在長寧十四年歸數日卒享年六十有八

鍾霖字潤山邑西長塘人進士師唐之孫恩貢成勳之子幼秉庭訓勵志舉
業中光緒己卯科舉人授石城縣訓導旋調信豐縣教諭居官振飭士風師
範森嚴陶甄多士先器識而後文藝解組歸任龍標書院山長因材善誘門
下多佳士性情慷慨剛直無私鄉里有虞芮爭片言立解邑中大建設多所
摩劃如聖宮文昌宮魁星閣西北樂津堂洋江三樂堂皆係倡建享年七十
有六子四長家鸞次家鳳俱國學三子榮邑廩生歷任江西諮議局省議會
議員四梓材師範畢業

李華年字祝三邑南洽村人品端學粹言表行坊為文必獨標新穎尤工繪事
山水人物花草鳥蟲寫生入妙由廩生考取光緒己酉科拔貢朝考二等任
湖口訓導彭澤教諭陞贛州府學教授在任之日以培植人材為己任列門
牆者多飛黃騰達如郵傳部參事徐敬熙江西民政廳長楊賡笙省議會議
長歐陽莘皆及門高足居官廿餘載清廉自守歸田時除書籍外惟袍笏青
檀而已著有餘詩草因匪亂散佚子士鐸邑廩生孫宗泌江西法政專門
畢業

張伯勳字芝耘邑南石鎮人幼從名師游與兄伯煜有機雲之譽以廩貢赴吏
部謁選授崇義教諭崇義偏僻文風落後伯勳集優秀分子來署講學如塾
師然士風為之丕變明禮義尚氣節江西巡撫以伯勳教導有方保陞南昌

府教授南昌為人文淵藪以前教授多難久於其任伯勳在任近十年故家
巨族均奉為圭臬清鼎革始解組退隱家園無病而終子二寄沂湖北試用
知縣關沂安徽補用縣知事

忠義

唐南盧絳字晉卿自言唐中書舍人肇之後讀書畧通大指喜論當時利病屢舉

進士不第往來金陵丹陽間久之乃上書論事陳喬吳之用為沿江巡檢募

亡命習水戰宋師來討以絳為凌波都虞侯守秦淮水柵屢勝諸將忌其能

說後主遣出授潤州節度使劉澄出送降款率所部走保宣州金陵陷絳獨

不降謀南據閩中過歙州怒刺史龔慎儀不出迎殺之而行大祖使絳弟襲

招之至京師授冀州團練使過慎儀兄子頴於朝曰是殺我叔父者執至殿

陛訴寃詔屬吏樞密使曹彬言其材畧可用願宥其死使自効太祖曰是貌

類侯霸榮何可留也斬於西市

南唐書

元彭繼凱漳溪人至正末歐普祥陷袁州繼凱募義勇起豐樂鄉迎戰大破之

會安福義士袁明東等亦引兵來賊退走州遂反正乃下令禁殺掠修城池
繕甲兵弔死恤孤民賴以安迎舊守寶童歸嫉其功令刺客殺之明一統志

郭鈺哭分宜義士彭繼凱云風折旗竿卧洛暉殘兵揮淚脫戎衣徒聞即墨
田單在不見成都鄧艾歸獻凱何時承寵渥爭名自古抱危機宜春元帥還

相問近報洪州未解圍

蓋凱復袁州遣迎蓋郡某元帥以下歸視事守土將某忘其功遂殺之

明袁天啟挺秀鄉紐村人元末歐晉祥臨袁州天啟集民兵禦之不克祥怒屠
其鄉天啟匿江灣柳下獲免洪武初舉儒士授本縣儒學訓導祀鄉賢志安

黃子澄原名湜以字行豐源人洪武十八年會試第一由編修進修撰伴讀東
宮累遷大常寺卿惠帝為皇太孫時嘗坐東角門謂子澄曰諸王尊屬擁重
兵多不法奈何對曰諸王護衛兵纔足自守倘有變臨以六師其誰能支漢

七國非不強卒抵亡滅大小強弱勢不同而順逆之理異也太孫是其言也
即位命子澄兼翰林學士與齊泰同參國政謂曰先生憶昔東角門之言乎
子澄頓首曰不敢忘退而與泰謀泰欲先圖燕子澄曰不然周齊湘代岷諸
王在先帝時尚多不法削之有名今欲問罪宜先周周王燕之母弟削周是
翦燕手足也謀定明日入白帝會有言周王楠不法者遂命李景隆率兵襲
執之詞連湘代諸府於是廢楠及岷王梗為庶人幽代王桂於大同囚齊王
樽於京師湘王相自焚死下燕議周王罪燕王上書申救帝覽書惻然謂事
宜且止子澄與泰爭之未決出相語曰今事勢如此安可不斷明日入言
曰今所慮者獨燕王耳宜因其病而襲之帝猶豫曰朕即位未久連黜諸王
今又削燕何以自解於天下子澄對曰先人者制人毋為人制帝曰燕王智

勇善川兵 病恐猝難固乃止於是命都督宋忠調綏邊官軍屯開平遼燕
府護衛精壯隸忠麾下召護衛胡琦指揮關童等入京以弱燕復調北平左
右衛官軍分駐彰德順德都督徐凱練兵臨清耿璠練兵山海關以控制北
平皆泰子澄謀也時燕王憂懼以三子皆在京師稱病篤乞三子歸泰欲遂
收之于澄曰不若遣歸示彼不疑乃可襲而取也竟遣還未幾燕師起王泣
示將吏曰陷害諸王非由天子意乃奸臣齊泰子澄所為也始帝信任子澄
與泰驛事副藩兩人本言生兵事非其所長當耿炳文之敗也子澄謂勝敗
常事不足慮因為曹國公李景隆可大任帝遂以景隆代炳文而景隆亦無
能為遂敗於鄭村壩白溝河喪失軍輜士馬數十萬已又敗於濟南城下帝
急召景隆還敵不誅子澄慟哭請正其罪帝不聽于澄拊膺曰大事去矣萬

景隆誤國萬死不足贖罪及燕兵浙南與齊泰同議外密令募兵于澄微服
由秦湖至蘇州與知府姚善倡義勤王善上言于澄才足捍難不宜棄間遠
以快敵人帝復召于澄未至而京城陷欲與善航海乞兵善不可乃就嘉興
楊任謀舉事為人告俱被執于澄至成祖親詰之抗辯不屈磔死族人無少
長皆斬姍黨悉戍邊一子變姓名為田經遺赦家湖廣咸寧至正德中進士
黃表其後云楊任洪武中由人才起家歷官袁州知府時致仕匿于澄於家
亦磔死二子禮益俱斬親屬戍邊後大常祀鄉賢明史
按明太常卿黃子澄靖難之禍株連十族異姓致命者五十四人其臨危勁
節類皆皦皦可泣鬼神然事久而軼者夥矣徵文考獻畧散見於他書焉
趙子昇城內人為子澄姑塔早世無子及難作遺其兄孟昇與弟蘇州巡檢仲

昇並置於法

袁子良小北門車田人為子澄姊壻良既就拘其子彥鼎彥輝彥溫俱在緝中良姪彥英素好友尤任義俠見子良合門被戮懼覆厥宗泣請彥溫逃匿星塘冒頂軍戶自以其身出代被誅同時袁氏懿貞子良女亦代兄死詳列女郭汧杰南岸人為子澄受業師年八十歲禍延日子邑庠生子敬不忍老父受刑願以身代弗許遂併見殺

按文皇執方孝孺至詰之曰將誅爾九族孝孺厲對云便十族奈何後併坐子澄十族郭氏之及以此此外見聞異詞亦弗深考要之慷慨捐軀其致一也

黃潤字彥清子澄子也年十餘能通論語尚書好讀左氏傳西漢書夜分不寐帳中恒有光一日同兄彥修從父于澄謁皇大孫侯於殿外遇解學士綰至令對面曰兩位黃生偶潤齊齊入侍黃扉修清應曰一名大老綰紳肅肅進班大內父叱之玉毋得稱長者之名曰此解公字也曰小子何由知之歷滿朝名字無不知者復對曰萬年赤帝金城奕奕來朝赤鷄縉大奇之因以言之於上命皆為國子生兄玉素患腹疾每試多不與潤必奮屬在優等會壯兵起潤年二十七上萬言疏上嘉納之命為五經博士持方畧謁齊尚書奏為附馬梅殷軍督鎮淮楊北為之阻道得請以翰林博士兼提督常著用世畧海上紀部下數千人用命拒即位詔圖興復護駕南避上建文尊號兵力不支殿而死之生於洪武甲寅至洪熙元年附葬馬鞍上陽道八子皆幼夫人顧氏亦被難兄彥修為之撫養成立者三人曰鉉鎬鐔會分寧伯仲子

洋輩脫繫散居海上黃溪浦皆其後云前志

張兆蘭字以綺西關人性豪逸強記能文崇正乙卯督學廣成侯峒曹拔第一
辛巳選貢壬午廷試唱名禮部諸生皆跪伏兆蘭獨長揖宗伯奇之入大學
鄉試報罷歸癸未冬憤張獻忠陷袁偏署官屬糾眾謀殺偽知縣龍方捷恢
復邑城事覺為所執殺之萬年橋上始終無屈詞士林悲之祀鄉賢人物

張自新青竹人崇正間任京山縣尉適有賊匪盤踞羅嶺自新統民兵往剿因
眾寡不敢竟為賊傷死之通志

彭允中東岸人由貢生任石城訓導崇正壬午陞衡山教諭敦樸寡言動作合
度邑人多以為迂癸未張獻忠陷衡山居民竄避允中與一老僕閉署端坐
待賊比賊至破署門搜允中出欲降之不屈偽知縣夏雲謂之曰教官有何

名節而倔強如此允中曰惟為教官故不可降教官士子之師教官降何以
表率士子雲慚怒喉賊殺之崇祀衡山名宦嘉慶四年祀鄉賢祠

趙賡禹城內人年十一補諸生旋食饑崇正癸未流賊陷袁州賡禹年方二十
七倡糾義勇與賊戰於邑之南墩失利奔身投桂王行在投兵部職方司主
事旋擢大僕寺少卿與大學士吳貞毓都督鄭元元等十八人同心輔政權
奸孫可望謀篡位借故械繫貞毓賡禹十八人誣為罪首處斬就刑時形色
不變大呼二祖列宗賦詩大罵而死其妻合瘞於安龍北關之馬場勒碑大
書十八先生成仁處語在明史吳毓貞傳至清乾隆四十一年奉特恩凡勝
國殉節諸臣分別予諡追諡賡禹烈愍入祀本邑忠義祠以弟鳴鏜之子樂
顏贊願為後

劉應祥施溪人崇正九年鄉飲被張獻忠賊兵執於路自知不免懼覆其宗詭云家藏金帛當盡出以相從賊蜂擁至家祥語其嫂具酒食相待陰囑其子令族屬逃匿賊酒酣命出金帛借之去乃罵曰吾義豈從賊遂殺之其嫂亦以罵賊被殺

嚴宗璧字泮英介橋人開祜季子為人豁達有大略忠孝天植生而為童時即感泣矜奮敬服諸兄之教力學砥行逾弱冠登雍正己酉科鄉舉選知四川長壽縣戒匪安良興學勸士邑有白蓮教一業蔓引多人宗璧一無枉縱所矜釋保全尤多大府深器其能會大金川用兵委督大役赴軍營輓運盡瘁遺疾臥留熱龍關提督岳鍾琪慰遣暫還辭以軍旅方殷義不反顧卒以死勤事歿口外年僅四十餘府志

彭忠念漳源人宋高宗南渡陸仙太后師次虔州之種忠念助粟為解官之不

就賜朝奉大夫選

採彭氏家乘補登

黃及蘇字子瞻邑貢士少司馬希憲子其姿華傑擅文名崇正甲申間京師陷感憤悲泣當食飲輒廢性素豪多蓄姬媵至是悉屏去乙丙間少司馬死紹興福建乾隆武舉尊號時楊廷麟萬元吉等開撫贛州吉安州縣尚附故明君呼集民伍欲復分宜城以應贛吉師眾抵城下方合圍官軍乘之眾遂亂君時騎白馬握刀咤首號白馬將收殘眾圖往安福謀再舉官軍追至橋南力戰挫之噴血罵誓斷脰折脛而後死

趙鳴鐸字適以邑諸生性雋爽不羈乙丙間與黃少司馬子友蘇合謀舉兵友蘇死君逃之他所益奮烈不能止聞永歷據兩粵妻于單身赴之入閩部

即慶為
事出

瞿式耜幕內有十八先生號若居第四王師定身闔部抗節死幕下諸生皆不屈以殉其寄友書云天崩地裂知有若父清風明月懷我良朋可以見其志矣

嚴一躍字性震邑諸生每讀書至忠孝節烈事則高歌抗激聲韻悲壯明亡常痛哭切骨甲午歲永歷勢復熾遣人走江西湖廣遺家舊族圖恢復君受劇聯絡義旅欲起兵與相應事洩鎮守袁營兵攻圍其宅執付獄刀鋸並加詞氣不撓幾閱月迺斃第一柱諸生亦與其難

外史氏曰此三烈士當明祚已傾奮不顧身赴鼎覆家以殉難可謂死得其所矣國家於故明末造殉義舉兵諸大臣皆大書特書以表其忠某承耆宿傳述用敢為此補誌史所未備午夜燈絕寒光激射三烈士英魂毅魄肯附

草莽丹墨以顯其神靈耶悲夫古今來仁人志士殺身取義而名湮沒不傳者亦何可勝述哉 孫易堂文集補登

監生謝伯宗收村人咸豐辛酉七月十一日髮逆竄邑東收村伯宗與其子光榮先後被擄十二日下午光榮走至行山地方見道旁一屍認係父痛哭罵賊賊怒欲殺光榮泣曰父死我豈貪生因向同被擄者大聲曰我收村謝伯宗子名光榮我父被殺我不能逃諸位有還者懇報我家賊遂殺之八月初有自賊中逃回者至其家報信其家備棺收殮兩屍而歸道路觀者僉稱光榮之死可謂慷慨殉父難矣

劉梓材邑附生大行人素守臥碑咸豐十一年遭賊被害

張丕烈邑武生北溪人咸豐十一年父武生寅初督率團勇禦賊被圍丕烈奮

力克敵救父出圍大股賊至遂遇害

李邦慶職員陂田人公正厚重咸豐七年為賊被殺人咸惜之

黃松寶邑北芳山人寄居城內傅家巷咸豐十一年遇賊脅之去厲聲大罵被殺死

黃裕光字含章洞村涂塘人咸豐十一年被髮逆鎗傷馬不絕口旋即斃命丁

卯年蒙 恩給卹銀入省垣旌忠祠

楊見持邑南人咸豐六年八月賊眾住防里兩日索酒肉見持貧不能供賊殺

之友解其尸割兩腿肉炒食家人收檢頭顱殘骨而葬閭村悼惜見持死年

三十二歲

劉應龍庠生大漿人帶團禦賊被獲擄至焦睦地方應龍厲聲喝曰汝欲殺我

姑必待因急取店家筆墨大書大漿劉應龍五字于白巾繫諸身賊遂殺之

過者見白巾字奔告其家昇尸歸塋丁卯年入省垣旌忠祠

袁斯遵字順行花園里監生為人爽直每以廉義自矢見髮逆入境大罵逆以

匾楹橫縛兩手鈎籍兩嘴角並用香火一把挿入口中殺之

彭燭明即篤明粟里監生帶團失利被逆鎗死其子童生奇香逆倒吊割割姪

童生懷秀亦被鎗刺死若彭氏之父子兄弟可謂忠節一門

林虞廷白水埔上人髮逆竄擾堵禦力竭慮其父受害入山尋之為賊所執曰

吾得見吾父瞑目矣逆殺之於井頭其族兄熟十年七月餘用木鎗禦逆逆

亦殺之

張維留軍名清和長富人同治三年隨統領劉帳下赴江南勦賊陣亡恩給卹

賞銀五十兩

同興岐邑武生醴家隴人道光二十一年隨營堵剿喫夷給軍功六品咸豐三年署理宜春分防府四年署理太平關印務五年十二月賊撲袁城奉委偵探遇害恩給卹賞銀二十五兩

咸豐七年六月間歷次打仗陣亡姓名

勇嚴福榮

易玉輝

范貴和

陳壽松

張體嚴

張三牙

張齊倫

易品倫

袁長壽

張彩威

嚴細夢

羅生牙

潘煥達

嚴光廷

嚴尚賢

百嚴為體

長彭燭明國

嚴北蘭

胡思傑

胡祿高

嚴鍾秀

李邦慶從

李賢玉

李維香

李春榮

李節文

李文晉

周潤古

蕭宗閔

李清泉

鄧克元武

鄧德中

鄧有祥

鄧登祥

鄧周才

鄧楚堂

鄧榮興

吳顯明

劉洪川

龍接春

什袁有斌

袁斯遵

袁洽九

袁填六

袁培六

袁瑜四

盧銀牙

陳位烈

戴裕牙

李相四

以上殉難

伍拾名

咸豐十一年七月間歷次打仗陣亡姓名

同劉應龍附武

張丕烈

黃含章

趙選

劉梓材

宋舜遇

童袁乙照

周光裕

彭麒祥

彭懷珍

張中慶

張學成

張三古

張珊珍

張遇光

張星照

張細古

張毅行

周光輝

袁敦叙

袁嘉茂

袁煜二

袁仁四

袁品一

袁漢七 袁荀女 袁財喜 袁容八 袁荀牙 袁峰二

袁健一 袁皆九 袁優九 袁傳一 黃霞溪 黃騰六

^生袁光廷 黃照五 張達父 張燦雲 張國珍 張源泉

張性善 張朝授 張金古 張堂古 張邦勳 劉禮茂

^生嚴克仁 劉智茂 李裕古 李年古 萬體仁 ^生傅掄秀

賴旺元 以上殉難伍拾伍名

咸豐七年六月間遇賊被殺姓名

張俸十 張銀一 游江二 鍾超喜 潘相七 潘梓二

謝帝行 晏根七 黃清五 黃雷一 張財發 孔秀文

潘福牙 張連二 張堂六 張喜一 張兆六 張清古

張年喜 張財然 謝姜保 劉占黃 徐命古 黃銀五

林虞廷 林熟十 王省牙 何光威 黃林秀 林正棠

辛茂發 羅通元 黃煌二 邱晉三 鄧世甫 黃增四

黃均五 黃攀一 何相二 以上殉難叁拾九名

咸豐十一年七月間遇賊被殺姓名

涂建福 劉老大 馮中秀 李雲修 陳材三 潘湘一

周洋六 王階七 潘材七 潘茂三 黃松一 黃生八

黃劍七 黃鏡八 黃錫八 徐貴德 黃定有 王偕七

龔大桂 陳蒼八 彭坎三 黃桂七 陳年一 劉林二

陳宗牙 李思鳳 黃教化 劉清泰 陳朝四 嚴念四

呂才三	黃榮四	黃坦一	鄔烟子	黃卷十	黃森九
黃春六	黃春九	黃露六	黃露七	李定六	陳老子
黃煥一	黃煥二	黃德光	黃輝光	黃坦十	李漢高
楊寶古	黃成賓	夏侯嘉言	黃春三	李睿成	李耀才
李康才	楊發行	李謙高	李銀牙	袁克明	袁謙受
夏侯文元	<small>武生</small> 任敦叙	趙尚芳	趙高行	袁萬福	李朝選
夏侯富榮	夏侯史生	袁啟群	楊富珍	任平行	李九牙
謝仰成	謝凌雲	謝文仁	以上列難七拾伍名		
新增					

嚴為良字心田介橋人天資超邁議論個儂有雄辯驚座之風膺咸豐四年恩

貢平日講求韜鈴武備是時粵寇猖獗竄入分境當事檄良為團長良控禦堵截處處得力丙辰冬賊率大股自新喻來聲言將屠介溪良先事預防率團勇進擊斬偽將一人頭目數人賊由是膽落由軍功保舉教諭年八十有

四

歐陽紹郊字惠棠邑南防里人清優附生府院兩試冠軍入洋幼與弟紹和齊名天資聰穎工書善畫時人有郊和並第之望紹和登第後供職京曹留學東瀛嘗數載不歸鄉邑公益事務惟賴紹郊担任如樂英局興賢局道平會建築募捐皆力任其勞民國十八年匪警類仍南鄉危在旦夕紹郊邀集三南丁壯前往會勦匪叩之刺骨榜其名于通衢欲得而甘心後因全鄉匪陷化粧逃出藉訓蒙機會在東西北三鄉秘密組織勦匪民國提倡南鄉購槍

自衛協助國軍廿四年七月二十一日奉政府命備歐陽清張文楷彭企虞彭富年歐陽萬里歐陽誕楊汝造諸士紳回鄉建區中心小學築松山里碉堡是夜悍匪包圍松山里紹郊率壯丁開槍攻匪因眾寡不敵失敗被捕時歷數賊匪甘賣祖國戕殺同胞奸淫婦女麻醉青年盡感宸工各大罪狀罵不絕口遂被害經縣政府呈報軍政部有政府優給卹金予祀忠烈祠于鎮楚師範畢業

歐陽清字瑞生邑南防里人清附生以教書為事業注重修己行己克己從游者多成就鄉人爭延為西賓民國十八年在城建祠匪陷縣城與其孫及族人歐東被擄至吉安新喻峽江各匪巢甘言誘降誓死不從反力勸匪黨投誠服從三民主義匪念其忠厚索重資釋之歸避居東鄉密謀勦匪事機不悞一切動作為匪探悉遂于廿四年七月匪探其在松山里建築中心小學寅夜包圍遂與歐陽紹如胡日照等同時被害經縣報請軍政部有政府優給卹金祀忠烈祠

李政優字績募邑南長隆人清附生民國十八年七月被匪殞命赤匪先以吉安之七里為巢穴蔓延我邑南左花坑檀溪等處淫擄劫殺約年餘適安福赤谷七月駐有國軍一連負責清勦邑人公推績募往赤谷請國軍出兵一面通知各村會合城守防兵往勦不意車谷駐軍是日黃昏開拔匪偵探消息次日嘯聚為合千餘彘夜入城燒縣署擄縣長蕭景忠捉紳士李績募梅庵歐陽瑞生祖孫歐陽馭東袁振海等十餘人搜括財產天明仍返巢穴柳邊縣長繳槍六枚銀數百元懲堅未滿既斃景忠復誅求瑞生祖孫馭東各

五百元挾制歐陽氏家人五十名具保勒索銀數百元又勒索贖身千元剛如數繳清餘幸釋回惟續身被慘所最慘者身無完膚任石人亦為之下淚祀忠烈祠

林兆元清優附生邑北白水人舉孝廉方正生性剛直重義輕財民國十九年代理本縣縣長乘匪猖獗之候肩任鉅艱誓與城共存亡被擄成仁邑人悲悼若失長城建亭中山公園以留紀念祀忠烈祠

李詠熙字硯農邑南雙源人中學畢業精明強幹熱心公益民國十八年任本區區長時值南鄉匪陷被迫民眾紛紛逃出賴其保全者不少二十五年受江西縣政訓練後復任本區區員是年七月二十一日被匪所擄脅從不屈遂被害於雙源區長蕭舉之邑紳歐陽清歐陽紹郊等同時被害報經省政

府從優給卹並祀忠烈祠

歐陽鎮川字遵德邑南防里人臨江第五師範肄業民國十六年三月遊粵奉前江西督軍李烈鈞命回贛招募革命新軍與同邑嚴興國赴南鄉懸張招兵旗幟適遇匪首李毓青統帶烏合由南左花坑窺擾至松山里縛鎮川昇懸空中鞭撻身首血流肉飛脅迫從匪堅不屈伏遂遇害殞命卒年二十有八祀忠烈祠

袁成之邑西禮教坊人民國十九年九月紅匪黃公畧由宜春蹂躪至分宜縣城擾亂到邑北湖澤一帶淫殺燒搶民不堪命成之不忍坐視召集西北民衆組織民國每戰身先至水口一役成之上前指揮不幸中彈而亡

林黃二年二十四歲鈴北顧村人民國十九年九月股匪由楊橋圍顧村黃以

土匪守險擊匪卒以寡寡不敵被擄至南左數月匪因其督力過人脅從為匪終不屈而死

鍾能亞邑北山泗人年二十四歲富有膽略勇過人民國二十一年九月率十餘人持鎗尾進紅軍孔荷龍軍隊於官塘嶺上力戰半小時嗣因力竭彈盡中彈而死

黃敏學邑北山背人秉性忠直民國二十二年二月率子福生媳鍾氏及同居數十人與土匪力戰因寡不敵眾敏學與子媳三人同時中彈而亡

黃炳五邑北泗水人年二十八歲勇力過人兼有膽識民國二十二年十一月與國軍合力勦匪猛力冲進被匪擄去罵不絕口立即斃命

鍾錫奎字梅占號介廷邑北東坵人清附貢生性忠直民國十九年九月股匪

由楊橋開隊圍統該村被擄錫奎率赴分宜縣城適逢錢錫奎不屈以身殉之時年七十

殉之時年七十

黃秉鈞字敏行邑北山溪人高小畢業民國二十二年二月匪陷山背率眾抵抗被匪虜去通錢通降不從受害殞命子三長壽生肄業中學

袁樟九鈴北禮堂人民國十九年九月十九日股匪擾湖澤附近地方樟率族人禦於安衝竭力與匪戰旋因匪槍四射中彈而亡

附新建忠烈祠烈士姓名列後

中龕祀

分宜縣縣長蕭景中宜春人

分宜縣縣長林兆元本邑白水人

分宜縣第三區區長蕭舉之萍鄉人

分宜縣第三區區員李詠熙邑南雙源人

邑附生歐陽清邑南防里人

邑附生歐陽紹邨邑南防里人

優附生李政履邑南長隆人

第三區第十一保保長胡日照邑南松山里人

陸軍第十八師五十四旅中尉連附李才傳

陸軍第十八師五十四旅連附曹唯

左龕祀歷年勦匪陣亡烈士

張福春 楊必春 劉連 蔣潤生 孫忠國 唐維寅 盧桂雲

陳福屋 魏冲 譚玉生 王大環 張貴生 彭桂林 鄧玉堂

張金生 黃振鴻 張維新 何大山 鄒桂 王金山 葉樹勝

曾茂華 王又清 詹雲生 李金生 王國安 劉端梅 黃其祿

以上江西保安隊及第十八師士兵

嚴萬牙 嚴運長 袁鳳閣 袁鶴鳴 袁福禎 袁發根 袁方有

鄭志能 張歡之 謝鵬高 袁成之 胡凱牙 以上均本色壯丁

右龕祀歷年被匪殉難烈士

周才雲 歐陽華祖 歐陽鎮川 嚴人傑 張筱雲 趙日照 孫兆麟

趙百川 孫寅生 謝騰芳 劉松生 張景星 鍾瑚璉 張能成

歐陽學強 張秀發 王才烈 羅增山 張邦榮 管星燦 黃菊二

周幹卿 袁斯馨 周善從 張貴榮 謝國桐 朱桂山 李竹齋
劉友生 張學餘

第一區歷年勦匪陣亡烈士

夏侯富盛 夏侯庚生 任永安 夏侯文遠 夏侯秀發 夏侯敦行
以上均餘溪人 譚朱苟 譚逢恩 譚元牙 羅發文 鍾慶仁
以上譚家邊人 彭行高 彭才康 盧長臣 任效范 任兆惠
何雲鵬

第一區歷年過匪殉難姓名

袁大泰 袁曰笙 袁曰德 以上均車田人 譚靜然 譚家邊人
嚴啟祥 吳彭氏 介水人 嚴忠苟 隄江人 張增修 張汝元 泗水人

趙克仁 鳳水人 張秀發 西開人 宋步瀛 清源人 袁秀雲 山龍人

第三區自民國十八年起至二十五年止歷年過匪殉難姓名

李光第 李三才 李儉祥 李榮章 李普章 李斐章 李玉鳴

李賤生 李成古 李厚古 李蒼松 李志道 李鳳鳴 李蠻子

李撫松 李秉德 李吉固 李儉生 李金光 李輔新 李桂生

李文國 李信國 周五古 黃才傑 黃文安 黃生 黃榜 妻袁氏

李光第 妻趙氏 以上均雙源人 郭勉之 郭平山 郭愛春 郭累成

郭幼竹 郭春古 以上均下沿山人 李克昌 李添年 李喜安

李貴生 李清泉 李遵道 李贊堯 李長生 以上均路邊人 程龍章

程起鳳 程毓深 程樹深 程成康 程嘉章 程坤康 程笏牙

程天民 程金章 程伯章 程煥章 程南仔 李德昌 李煥奎

李幹廷 李修道 蔡春華 朱懷之 朱道之 朱中生 王啟明

尹仁安 彭翰香 彭樹雲 彭紀雲 彭二古 王清明 汪松芳

張連茹 張連府 余二腊 以上均九都銅嶺人 吳善能 吳懋德

吳萬庫 吳和德 吳進福 吳長發 吳悟乾 武屏 吳首乾 吳青選

吳萬選 吳珠牙 吳待選 吳賤古 吳仁川 吳福牙 吳榮茂

吳高茂 吳峻宇 吳旭照 吳松甫 吳玉甫 吳四古 吳敬信

吳滿堂 吳富學 吳武大 吳高照 以上均坊上人 朱春芳 朱福祿

朱清祿 朱嘉祿 朱修日 朱榮祿 朱新章 朱高秀 朱松高

朱新選 朱貴明 朱尊榮 朱恩榮 朱燦玉 朱向榮 朱萬生

朱春榮 以上均山口人 張信裕 張善裕 張順牙 張嘉祥 張寬祥

張連漢 張任荀 張迎祥 張修澤 張竹茂 張振曜 張雲牙

張梯山 張昆玉 張恒玉 張定登 張昭澤 張文藻 張金聲

張本祥 張禮全 張首登 張千祥 張永齡 張甫山妻鄧氏 以上均長富人

鍾德尚 鍾天成 李財源 李誥牙 宋恩茂 邱宏發 邱來祥

袁夢牙 以上均下午人 張謙光 張信乾 張賤牙 以上均地上人

張福牙 張牛牙 曾斗南 以上均禮貴人 潘榮慶 潘能學 潘發祥

潘保運 潘有祥 潘曉牙 潘堂年妻歐陽氏 潘恢宏 潘俊賢

潘全秀妻張氏 潘晚牙 潘憲楨 潘章華 潘嘉學 潘鳳學

潘青年 潘春秀 潘裕芳 胡雲章 胡察牙 胡方來 胡瑞來

胡華廷 胡汝生 李大慶 妻潘氏 李其昌 李細梅 李義親

李仁親 李宣堂 李百川妻張氏 李德發妻劉氏 楊文淵 楊南秀

楊見明 謝祥增 謝香贊 楊健行 周文義 周日榮 周炳榮

周露榮 以上均新址人 謝玉春 謝其水 邱禎祥 胡愛國 曾恒和

李皇苟 謝順廷妻晏氏 謝來之 以上均堂霞人 謝安賓 謝和華

謝壽域 謝行揚 謝仁庫 謝家書 謝忠書 張大業 張備業

張寶林 孫思文 以上均陸元人 潘憲範妻盧氏 陳種牙 古雙貴

范積善 范生福 以上均賀元人 朱承欽 朱集成 朱寬成 以上均南山人

李竹齋 李景賢 李志大 李仁大 以上均白芒人 李楚珍 李周尚

李國瑞 李鳳化 郭年牙 郭玉庚 宋和茂 以上均霞社斜江人

李順清 張萬元 蕭國達 賴邦顯 賴德厚 以上均小芒人 胡嘉興

胡峻德 胡照清 胡榮昌 彭開光 彭思成 彭思忠 彭必泰

彭必發 彭思方 王有福 王榮牙 嚴福恒 嚴森牙 以上均新澤下田人

郭倉庚 尹敏行 李旭照 宋德輝妻彭氏 宋榮茂 宋和茂 以上均霞社人

周嘉善 周純善 周威高 周和恩妻彭氏 李其華子學祥 潘長慶

以上均松山里人 劉長庚 劉豐生 劉梁棟 劉生才 劉謙讓

劉恭讓 劉三古 劉恭儉 劉欽邦 彭益齡 彭延齡 彭作立

彭奇珍 彭仁壽 彭友善 彭漢善 彭邦大 彭義才 彭李氏

彭正大妻李氏 彭燦升妻李氏 劉長仁妻李氏 李升南妻張氏

朱瓜生 戴用光 廖金聲 郭嘉祥 郭貞祥 張受慰 歐陽益德

歐陽賤牙 以上均小淮共前八

彭用章 彭用之 彭貴仁 彭國壽

彭春仁 彭金善 彭梓材 彭奏古 彭予古 彭俊才 以上均船形上人

李慶堂 李輔安 李鎮南 李冬牙 李反善 李厚清 李龍春

李元春 李仁新 李綿生 李輔安妻李氏 尹象山 尹堯山 以上均長隆人

郭鵬飛 郭仰初 郭連初 郭大初 郭裕章 李奇初 郭啟春

郭念章 郭廣輝 郭志章 李邦麒 郭邦輝 郭發春 郭文淵

郭鸞青 同貴福 李春華 以上均淮元大坑人 彭忠涵 彭和平

彭益順 彭荀古 彭豫順妻李氏 周述善 胡康生 周桂福

張麒德 以上均漳源人 劉夢生 李彭氏 李志儔 李志馨 李志義

李志仁 李志銳 李錫鶴 以上山田田心人 吳文華 吳光榮

朱黎茂 朱崇昌 朱裕昌 朱學昌 朱女古 朱桂馨 李羅牙

朱黃占 劉平垣 劉吉巴 周恭賢 王斌才 劉才來 項牛古 以上均井

頭新池人 曾呈秀 李鎮南 李樹聲 彭學基 彭紹基 邱家勤

謝同邦 管瑞貞 周學從 康錦齋 李鏡堂 李芝毅 管秀生

李仁人 以上均洞江口人 康郭才 康光俊 康降財 康國俊

康裕才 曾身修 張春秀 張永年 戴細佬 以上均花園人

歐陽驥德 歐陽細根 歐陽思賢 歐陽英賢 歐陽行五 歐陽實德

歐陽經文 歐陽叙五 歐陽博鵬 歐陽潔生 歐陽訪賢 歐陽量宏

歐陽炳仔 歐陽修德 歐陽渭賢 歐陽祥仁 歐陽莘仔 歐陽雲章

歐陽鈞章 歐陽愛新 歐陽育新 歐陽范氏 歐陽錫庭 楊友厚

楊淦泉 楊清喜 楊定謨 劉叶腊 以上均防里人 劉仁善 劉星燦

劉忠然 劉炳星 以上上施人 王仁壽 王念修 王厚生 以上

均挑後上人 謝名揚 謝寶善 謝贊揚 謝學琴 謝國才 謝言行

謝芝茂 謝俊賢 謝拱辰 謝春元 謝清牙 謝定元 謝道元

謝考祥 謝河清 謝森牙 謝洪左 謝利達 謝震贊 謝善元 以上

均錄溪人 胡建益 胡理益 胡明益 胡光華 胡金質 胡虞書

胡日章 胡成章 胡有牙 胡後牙 胡新牙 胡用行 胡牛古 以上

均後上人 田生古 田余古 田有成 温祥古 温得珍 楊順生 以上

均祝背人 項顯達 項善達 李竹根 李望牙 李義才 李朮才

李邦怡 李賤古 李麒才 李九牙 李大牙 李明輝 陳善之

陳潤之 以上均溪人 蕭鳴鳳 蕭洪茂 蕭金青 蕭本善 以上溪人

何家遠 李寬厚 李敦厚 李其祥 李洪祥 李良才 李深雲

李瑞南 李裕官 李高照 李佑後 李全秀 李榮生 李龍雲 以上東坑

人 潘為接 潘海明 潘鳳儀 潘象儀 潘化龍 潘傑才 潘桃牙

潘平生 潘顯明 潘庠序 以上易溪人 朱景春 朱仁山 朱榮茂

李桃華 李宗顯 李思厚 李仁厚 李滋厚 李賢厚 李蘭之

李國厚 以上環塘人 袁水泉 袁大泉 袁安泉 袁吉泉 袁人文

尹有祥 尹星輝 以上均土塢上人 鍾協南 鍾保生 袁宗根

邊星高 邊圓牙 邊茂昌 以上嚴塘人 袁玉宗 袁亮成 袁峻登

袁智宗 袁仁宗 袁芝苟 袁華陽 袁化勤 袁生洪 以上基塘人

袁智宗 袁仁宗 袁芝苟 袁華陽 袁化勤 袁生洪 以上基塘人

袁智宗 袁仁宗 袁芝苟 袁華陽 袁化勤 袁生洪 以上基塘人

袁智宗 袁仁宗 袁芝苟 袁華陽 袁化勤 袁生洪 以上基塘人

傅元發	傅炳牙	葉昇平	葉文斌	葉寶榮	以上上四人	李人文
李海清	李文斌	李品牙	李長文	李風清	李國才	李錦化
李煥祖	李夢生	李光輝	李利生	李歲年	李國才	李細佬
李化牙	李家清	李福來	以上江東坪人	張錫勸	張克儉	張仁照
張若牙	張祥國	張華英	張開祥	張閩吉	張道益	張謙益
張多福	張理中	張斗魁	張潔行	張教牙	張德行	張福祥
張友牙	宋友茂	以上均北坑人	李益華	李漢善	李良善	侯恒明
李祥光	以上山田人	李貴榮	劉瑞堂	劉桃仔	劉生苟	以上小恒山人
戴財高	婁德發	婁永昌	黃盛全	黃日生	黃篤生	黃義生
劉文定	黎義達	鍾照華	鍾照才	鍾德成	鍾彬成	鍾日尚
						以上

長坑人

孫作霖	孫才行	孫仁秀	孫發人	孫文秀	孫化秀
孫炳軒	孫人文	孫雙魁	張氏	孫張氏	以上木公陂人
周德立	周喜樂	以上禮家隴人	張和仁	張才仁	張載仁
					以上均幽山人

補前

鍾品南邑北泉坵人中央軍校教導總隊五團十四連少尉排長于民國二十六年十二月十二日在南京抗戰陣亡時年二十六歲當蒙國府給予卹金並遺族年金

李
明
造
字
鏡
初
檀
溪
人
元
祐
間
由
袁
過
吉
訪
歐
陽
氏
道
經
安
原
見
山

孝友

元

李明造一名明遠字鏡初檀溪人元祐間由袁過吉訪歐陽氏道經安原見山水環繞風俗淳厚流連不忍去遂奉父喪葬高峯下廬墓三年墓側生蓮理枝每朔望有白鹿遠墳之異事聞於朝賜號純孝處士有文集二十卷陳晉公為之序

詳新喻縣志

明

朱允恭字君培石陂人舉萬歷戊午鄉試授望江知縣臺司交薦時淮海雖殘恭以循良高等遷守海州焦勞拮据地方稍有起色會忤當事去任終知成都新津縣以慈惠著聲恭早失父而貧事母純孝撫弟弱齡至老不衰凡所

入不以自私丁亥奇荒雖日不能再請猶簡被衣鬻於市周親族之貧者其好義如此祀鄉賢及忠孝祠 參人物志

李宗聖泗下人縣廩生事繼母黃氏以孝聞母病衣不解帶者半餘日焚香願天願以身代居喪哀毀邑令江載清以聞巡按張嘉旌其閭年五十偶遊田間呼童具泔泉就洗洗畢更衣危坐而逝 舊志

清

林嘉會字一維白水人邑增生幼齡失恃依祖母楊氏仁孝孺慕侍奉三十餘年尤謹事繼母氏黃曲得其歡心及愛異母弟嘉渤人無間言順治戊子鄉中斃一盜坐其弟以主名拘捕臨門黃氏仰天大慟嘉會曰証吾弟並傷吾母將何以覩顏人世遂身當其難繫臨江獄中三年當道察其寃得釋康熙

丁巳秋孫際元就試臨江試卷已錄而限於額其夜嘉會感夢於督學邵吳遠儒冠長揖自道姓以里居及長孫文堪上進得際元卷嘉其古若拔第一時瑞袁臨諸生環集居其子育蘭告以學劬以平時衣冠舉止皆符慨然嘆曰非其先人潛德蘊隆不至此親題善有餘慶遍額行縣旌其門 參府縣志

林育蘭字弄靈嘉會子也康熙間歲貢生平教本任真有讀書癖教授里中群尊為嚴師任宜黃訓導修聖宮振學校課迪士子一以所教於家者施之年八十引告歸宜黃人士為刻半壁好者以誌不忘子五並克紹前人德朱文端誠為著孝友傳其文學尤著者際陶字館山為文務去陳言試屢冠諸生年四十三卒際虞字賓麓於而鄉舉第二人性伉直有志當世之務博通經史著禮記講義卒年五十二際元別有傳

張嗣載字坤合西關人嗣旭弟謹厚篤實兄弟友愛無間然為文莊重有體以
歲貢任安福訓導遷龍南教諭課士有方七十歸休林下撫卷吟哦至老不
倦卒年八十四崇祀龍南名宦子聯昌郡廩生聯星邑附生聯珂別有傳
歐陽徹字匹周防里人父光緝南城訓導以文行為晉司成環所重著有究楚
家謀徹遵其教工吟詩補邑諸生幼事祖母即能竭力代父勞嘗負之避兵
荆莽中相保無恙事繼母氏伍委曲將順得其歡心兩兄先歿遺孤幼撫之
如己出母頗有私蓄獨嘉徹孝養盡學以畀之徹亦欣然從命迨母卒諸子
咸立乃涕泣告母靈三折之有欲舉其孝行上聞者曰君子愛人以德母以
是增予痛也晚年開戶授經事事吟咏以嫡孫御史瑾贈如其官
張祖煥字公祐癸卯歲貢泗下人侍郎承詔孫也嗜學敦品有獨行君子風孝

於所生服勞奉養必恭必誠不肯假手臧獲同懷叔李早折曲為存祀晚歲
分推族長家範嚴肅孫世塾克繩祖武竭力祇事厥考厥考年踰大耋世塾
亦已周甲猶依依作孺子慕兄弟五人及歿無死生間質性樸不苟隨流俗
年十八餽於郡庠試屢冠其年應乾隆丙子歲貢

李遂遠字升聞沔溪牌坊人雍正二年歲貢幼失恃繼母氏林頗難事遵委曲
將順感而成慈居恒謹身潔己不處世緣四壁蕭然手不釋卷邑廩真每以
書愁目之其他導鄉人惟標先賢格言罔有不率至訓課子姪尤嚴姪龍詔
列明經科子天詔孫鳴球鳴璫鳴璐曾孫嗣鼎元孫大年來孫培庚俱列膠
庠

嚴一輝字光遠介橋人少失恃事繼母潘氏以孝聞父大學生雲粟患痢家人

傳染殆遍莫之近一釋獨朝夕侍奉彌月父卒哀毀異常時以未報生我之德為恨比司鐸寧都過卑恩亟請貶贈以慰夙願任寧都時刻有梅江課藝歐陽鏡字堅載防里人幼穎異能文章為名諸生試輒傾其曾御廩饋弗食性孝友與弟欽讀書相砥礪常反愛如童子時事大母伍氏稱順孫能得父母歡心樂施予喜文遊父母歿喪葬一準家禮課子嚴明有法初以子瑾官都曹膺褒封年僅四十有六鏡時在京師里中同官皆榮之鏡曰榮不以封無忝茲封斯榮耳即買身歸布袍深衣以禮法訓其鄉人癸亥歲饑傾囊贖穀以贖里黨而不責其償累贈通議大夫

袁淑齋字克言禮教坊人子鏡子也由附監考職縣丞先世自明高縣教諭袁倣至淑齋孱從子孫傳衍七世未析爨稱義門壽篤性天母黃氏惡乳痘齋以獨子侍病累月不就臥室再從子梅解臂弱冠不永其年遺孤芳與芹並撫教為諸生芳母郭氏芹母李氏並以節著齋家素封而好禮所以交皆邑閩人蓄藥餌濟親族平治橋梁道路累數百金無所惜子自樹田拔貢任兩淮鹽運經歷守官和易不懸貳為俗吏生平好義樂善如其父

趙廷楫字時坦城內人由歲貢任龍泉訓導幼孤依祖母歐陽氏家貧侍養無缺甘旨讀書母氏燈帷背誦琅琅母亦樂之壯以古耕自給為文一研墨而就多以自然流動為主作詩亦然晚年一官冷看吟哦自適解組歸居白田別業天和頤養年近九十而終

歐陽去任防里人平度州牧光緒季子綰調陝西時去任將受室潛然曰吾父遠為異域吾何忍以家為逐襁被走長安待父旅邸十餘年以勞瘁得疾卒

卦聞諸昆環泣欲前獨姪仁計諸父高恐不耐寒著淹滯中途願兼程往代
諸父念其執摯允所請即日就道比至大父病篤仁侍牀褥衣不解帶垂兩
閱月已而大父不起仁哀毀異常格問闕扶二喪歸里中稱孝子順孫萃於
一門仁以子星官臨澗知縣贈文林郎

黃汝明樓霞人天性醇厚尤篤友愛同懷弟汝中由武科應丁未春闈武額滿
列乙榜挑選發浙委署雲和令奉文採買以未審燭墨議鴛座賠補帑給汝
明營已田二百餘畝出售代為完項家計坐是蕭然迄無悔怨課子其保應
選貢授官學教習補崇仁教諭陞來賓知縣兩遇覃恩得邀贈如例

趙被字時魁號南庵城內人乾隆丙子鄉舉歲貢生選顏第五子也母蕭氏遺
腹生被弱不好弄城居猶如處子稍長讀父書如接庭訓觀子澤輒淚下

事母一本於誠貧而能養承歡之餘每雜舉古事以博色笑侍病尤曲至居
母喪三年飯粗糲不入臥室族黨稱其孝苦次錄古孝子二百人各繫一詩
借帛古以紓己哀後試教職借補吉水訓導蕭然冷署攜其從子飲食而教
誨之一種自揮歌聲出金石修脯肩肩弗計也嘗署臨川寧都教事門下士
重其學品來問字無虛日去任時祖道饒別者雲集素工詩兼善書法卒年
六十著有南庵詩鈔南庵新草藥欄集行世子應遠孫元吉乾隆甲寅同渡
知沈雲椒學使

夏侯煒字峻淑邑西莊溪人幼失怙依節母氏任同懷第二俱齠齡仗煒家督
煒性孝友善承母氏歡每念父早見背輒泣下沾襟煒日設奠哀號終其身
罔攸數年二十二妻李氏辛誓不再聚二弟成立析生產煒以肥美相推讓

子曙受室後屏諸一切抱樸含醇類懷萬遺風為接待名下士意致殷勤累日不為疲倡族置學田鼓勵後進書者蔚然壽八十二而卒

李發培字本植雙源人負販子也善事父母服勞奉養備至父卒焚焚依母母間出取蔬知必迎還盛夏燃驅蚊具代帳冬夜烘被旦烘衣行之數十年如一日有食以肉者輒懷歸鄰蕭氏高其行誼妻以女母壽踰八旬卒過葬所必號泣蓋其孝行出於天性云 以上舊志

張逢吉字遇淑號竹亭泗水人性純孝尤為大父天衛所鍾愛中康熙丁酉武舉揀選衛廳後數年當就選逢吉以奉侍重堂堅辭不赴家居終身孝養生歿盡禮最工書畫龍偶一揮毫人得之如拱璧壽八十有四日親四世易箚時囑其子孫祔葬祖塋俾相依地下世人嘆曰足不以仕宦為念而以天倫

為樂云

嚴秉瓏號純甫介橋人諸生工於文筆性溫厚正直少孤事母以孝聞母黃氏好施與瓏左右其間承順意旨無吝色撫孤姓思禮殷切每語人曰吾見姪如見弟云武林閩廬因畧弟介懷日惟一卷岸幘胡林間怡怡如也顏其齋曰怡園著有怡園存稿年七十五卒子思岱夢麟俱郡附生孫芳偉邑廩生中乙酉鄉榜官湖南欽加道銜

張尚禮字立範歲貢雒水人家貧嗜學性雋曩倫年甫十餘即以館穀為孝養計及親歿先世所遺微產悉推以弟作婚配資已惟專於舉業及教四方功課嚴密造就甚眾生早正真剛方不阿世好丙子甲午兩開房師力薦弗果售子二文榮歲貢生文瀾丙子舉人

百任廣字廷玉歲貢生邑西州頭人家極窘無立錫地就傳數載父即見督常
負新易未上奉慈母夜則擁卷照讀於母氏織紵之旁漸覺有會遂自作制
藝詩古就止於鄉先生學業日進著有平山小草

歐陽恪防里人戶部侍郎子石公第三子少肄業國子監有文名數試南北闈
薦而弗選然淡於富貴通曉大義處異母兄弟親愛異常能讓人所不能讓
亦不出於好名侍郎在內閣見忌當路將去官同列欲奏留之恪獨以年老
告歸勸時吏部尚書彭公芸樞聞其事推重其人手書楹聯贈之曰完名全
節成親美先志承顏盡子心蓋記贊也恪性耽吟咏所作戒密山房詩鈔皆
錚錚可誦足跡徧天下五獄已歷其四一夕夢遊北獄醒而病遂至不起年
五十有四元配張氏贈登仕郎諱聯鳳公女繼李氏直隸總督臨川級公孫

女事詳江西詩徵及縣志才女李葵月傳子嗣李道光辛巳歲貢就職訓導
著有秋樵詩集十三卷孫崇嗣貢生有薜林詩文集四十二卷次孫集道光
己酉拔貢本科舉人任彭澤教諭蓋其先世由宋咸淳間起家進士歷二十
餘代以至於今科甲簪纓嫡脉相紹代有其人殊不愧青箱王氏云

黃其魯字希魯邑西樓霞人戊辰進士汝亮第三子事父母能得歡心兩兄一
弟及愛亦如童時幼穎異喜讀書作文及長附諸生籍試輒高等學使者並
相稱許年踰六秩乃食餼家極貧以硯田作生涯接親友遜遜溫雅煦和之
氣薰人眉宇遠近知其學有淵源來乞誌銘傳贊者無不立應所輯有制藝
詩草與雜著數卷壽八十一始卒 以上龔志

劉旭珍號金石邑南下桐嶺人性篤孝幼時父母疾幾劇醫曰必食青魚之枕

珍官雪持竿釣於鑿潭獲魚徑尺許食之目遂明母癆瘵將不起珍銜泣無策禱諸神割股肉和參以進是夜母夢神告曰有子如此天已益汝三齡矣次日遂瘳又三載而歿邑令黃步堂聞而奇之為中詳大憲以獎其行
文童劉定元禮溪人有孝行母老病危需參力弗及割股肉煮湯以進疾旋愈年七旬餘以壽終定元衣數骨立寢苦枕塊不茹葷腥關恒閉門猶居不忘孝思

歐陽迎邑南坑邊人秉性淳謹友愛同懷五人長枕布被門內之治肅如也時迎壯年失妻不再娶惟撫其諸姪成室愛若己出鄉里稱卓行焉其先世有節孝先生者為司馬文正公高弟以元祐黨人見錮歸然碩德實配享富春嚴子陵廟事詳毛西河集今迎祖徙居江夏坑邊已歷多世聚族而居少長秩秩有禮林泉風趣居然節孝家法云年八十有一

劉輝成年八十六歲江溪當巖坑人素性孝友不事雕琢善承父母歡父母俱年高服勞奉養終其身周攸教尤能克盡友於兄弟五人輝成居長分析生庶概以肥美讓與四弟手足情重怡怡如也妻賀氏克盡內政凡輝成所為比多贊成族鄰無不稱賢夫婦齊眉偕老四世一堂咸謂厚德宜昌云子四長上芬饒有父風生平仗義疎財隆師課子其懿行重重又為鄉閭所矜式年亦八十二歲子孫林立均食其德次上芳業儒三上蘭鄉飲四上蕙從九登仕郎劉上芳江溪當巖坑人天性淳厚古道照人父母兄弟克盡孝友數十年如一日至好義通財尊師重道尤徵德量恢宏族鄰交口稱善士鄉紳張公海蓮贈有玉杖承恩匾額妻李氏確守女箴勤襄家政夫婦齊眉壽偕八

十四歲迄今孫曾繞膝人咸謂祥和之氣蒸為瑞徵云

孫宜權字雙魁本公波人幼失怙家貧業農析爨時與長兄星魁分任債務以次兄品魁子女嗷嗷不顧累及之也母志中風不遂卧起需人雙魁服勞奉養九年如一日病劇使弱不能自理雙魁躬親洗滌母嘗向天祝曰佑我雙魁養我殘年諺云久病無孝子如雙魁侍疾之久毫無倦容實屬難能胡源濬字立齋邑南新齒人業首入庠丁酉科拔貢為學使李黻藻所器許於朝考就職直隸州州判分發江蘇任用性重孝友於孀母前每卧必妥被褥每起必問安好每食必具盛饌每病必親煎藥數十年如一日兩兄間雙雖早分自黃口以致白髮和愛無間

彭奕字英邨邑南漳溪人清附生授醫學司訓存心濟人毓嶺抱瘋脚病七載難於行止背扶出入躬侍藥湯依依膝下未嘗遠離克修子職孝行堪嘉一

子附生維綱

國學授文林郎歐陽曉嵐之妻李氏入門後孝敬翁姑勤操井臼恤孤濟貧隆師課子年滿九旬邑教諭南豐舉人張履福祝贈長篇詩章以紀實族進士紹和撰序以贈子六長子七十三率諸弟子姪上壽者數十人五子曾蔭拔

貢浙江州判

彭開顏字信齋西岡人幼慧聰授書能誦師講二十四孝牢記胸中長考前茅入泮旋食餼學業淵懿專重裁成一時名士多出其門平日品格端方孝行卓著父年老多病纏綿床第于湯藥視嘗外便溺撮傾始終如一毫無惰容鄉黨皆稱及老逢恩出貢咨部銓選裁分直隸州州判壽臻古稀知縣贈額

以旌其門

盧大智字濬齋邑西古嶺上人國學生身體魁梧孔武有力幼隨父獄從軍及長府縣委帶鄉團生平善居積積子母附近居民無不依賴其貸借週轉金融于是富冠一邑性至孝問寢視膳數十年如一日母於歲氣凌人時一聞父母呵叱聲立即改容息爭子二長夢麟附生舉孝廉方正次夢奎嘗代理分宜縣長

黃貴修邑北泗水人賦性重厚事父母本承其意不敢稍逆對兄弟素無怒容始終相愛數十年如一日子孫男女二十餘人雍雍一堂人咸稱為孝友之家至通財好義尤為鄉里所贊許子瑞龍勤學樂道設教各村不取束修實堪繼承父志云

黃曰周字思臣邑北文溪人清九品銜鄉飲正賓每於父母寢時必為溫清枕席被褥晨起後躬自整理父母床榻一生皆如是至對諸兄友愛和好即家財亦分與之子啟焜邑附貢長孫桂芬邑增生北京朝陽大學畢業

盧志曾字有三邑西嶺下人邑增生幼勤學好古道事父母朝夕敬恪不敢違命兄弟間和悅親愛數十年恒如是其肅雍一堂真不愧孝友家庭子三長德榮次康眾各畢業於江西監獄專門學校

林啟秀字靜山邑北顧村人幼穎悟誦讀章句歷久不忘見父博學能文屢試不售深知試藝必切合時代於是獨闢蹊徑揣摩時俗風尚累入縣庠以成父志性孝及親在時除晨昏定省外每飯必奉甘旨自己則食粗糲父母有病食不甘味衣不解帶求醫問卜禱神默祝願以身代宗族皆欽其孝思子

分宜縣志 卷八
三長鎮國著浮梁縣縣長三安國贛中畢業充二區中心小學校長二區區長

儒林

東漢陳重字景公宜春人今隸分宜 旌儒鄉少與鄱陽雷義為友俱在豫章郡學魯詩

顏氏春秋太守張雲舉重孝廉重以讓義雲不聽義明年舉孝廉重與俱在
部署有同署郎負息錢數十萬責主日至重密以錢代還終不言慮又同舍
郎有告歸者誤持鄰舍郎袴去主疑重所取重不自申說市袴償之後歸者
以袴還主其事乃顯與義俱拜尚書郎義黜退重亦以病免後舉茂材除細
陽令政有異化拜侍御史卒後漢書祀鄉賢

按人物志陳重與雷義後皆不仕同隱居雞足山卒合葬今其地名陳雷
里

唐盧肇字子發宜春人今隸分宜 旌儒鄉兒時見宜春令盧萼奇之曰子異日當有聞

肇於是益力於學舉會昌三年鄉試入京獻書侍郎王起時起知貢舉遂擢
進士第一授潼關防禦判官初肇之未舉也李德裕謫州長史殊遇肇後肇
應進士德裕復入相見肇至曰吾喜為金榜得狀元矣遂魁天下雖受裕知
絕無倚附久之使相盧商大尉裴休左僕射盧簡求先後奏辟從事稍遷著
作郎除倉部員外郎充集賢院學士持節歙州諸軍事肇於是觀日月之運
察盈虛之理為海潮賦成上之詔褒諭宣付史館移鎮宣池二州遷吉州刺
史卒所著有文標集子文秀咸通中進士為長安令有聲官至宏文館學士
豫章書祀鄉賢

李服宜春人

今隸邑南
下午村

父游刺史封宜春侯服治易詩書教授弟子累徵不應

詔錫以粟帛賜號三經處士嘉靖志

按李服為游之子縣志列唐人物嘉靖府志作宋者誤

宋宋斌字文叔本係城內人少從黃幹李燔登朱子之門受四書大義學禁方
嚴羈旅因阻年且八十矣臨安尹趙與權延之事以父行奏乞用旌禮布衣
故事不報死葬於西湖上私謚淳固先生與權歲一祭焉斌游大賢之門履
賢尹之禮其問學行誼有足稱者雖同寓居湖山而不得如林逋徐復顯被
旌禮斯遇不遇之異哉據杭州府志採入

李觀士安從姪度量如漢黃叔度文章如唐元次山嘗著論有類于幾之內孔
子幾之外之說史傳諸書過目成誦慶曆二年試南宮賦偶失韻主司嘉其
策特奏名登第時方冠知清江縣事熙寧初為大官令會重修御廚奉神宗
旨撰記尋言役法不便出俸括蒼題詩值廳有自知不是公侯骨夜夜江山

入夢來之句元祐初監江州太平興國司馬先為相以書召觀觀許之後淹留江上日久比至京先已薨除虔州不就請監南嶽廟以歸觀嘗創玉谿洞自號玉谿叟為之傳洞有抱一堂水仙亭香雪塢錦繡谷常醉吟其中於世味淡如也少好神仙常遇異人劉海蟾後撰萬載燕州神記及岳川呂公亭記每以得道自任而排斥釋氏至老不衰將卒數日不食惟覽太平廣記神仙事跡且曰蓬萊方丈吾其歸乎卒年七十三累官朝議大夫人物志

按李觀府志載宜春人分宜舊志士安傳列城西人觀與士安為父子兩說互異姑存竝攷

彭持字知權漳源人少喜學西漢文為諸生時知軍州事張禹稀簡接士求見者先令賦詩方得通士無敢進者持奮曰是謂秦無人矣因入謁禹令作日

新之謂盛德賦藏器待用詩皆立就張大稱賞貢入大學與臨江孔武仲齊名擢進士甲科元豐間累遷至司農丞出為監司號霹靂手終奉議即江西提舉祀鄉賢通志

歐陽中立防里人初試部郎上書言新法不便以司馬光門人坐元祐黨籍廢卒弟子私謚節孝先生前志

沈莊可宣和間進士知錢塘縣嗜菊庭植常數百本晚年退居益放情於菊後以九月九日死朱子哭之詩曰愛菊平生不愛錢此君原是菊花仙正當地下修文日恰值人間落帽天生與唐詩同一脈死隨陶逕葬千年如今恐向西郊哭東野無兒更可憐祀鄉賢人物志

歐陽椿字永年防里人本廬陵歐陽修族紹興中進士瑞金玉簿稍遷至道州

判官改判臨江軍轉儒林郎永州教授進通直郎賜緋魚服未老以奉議郎致仕蕭散林泉號宜林老人有自修集軼祀鄉賢通志

易充字正翁號中州唐狀元重之後幼聰敏拔羣年十六七博通易詩書號三經處士教授鄉閭遠近從學者甚衆所著有中州文集祀鄉賢通志

趙若燭字竹逸城內人景定中進士知光澤縣子嗣城博通經史宋亡不仕立教於鄉及其門者衆所著有詩經箋註名曰麤通祀鄉賢通志嘉靖志

按若燭通志列元人物誤今更正

元歐陽自強字南翁防里人延祐間科目盛行再試鄉舉不愜即幡然息進取志以著述教授自任為文明白純粹扶持道教族弟雲霄以處士薦弗就年六十始從太守張子元之聘為郡學師課諸生以孝弟力行為本更故宅建

樓曰意山揭傒斯記學者稱意山先生所著有周易說約春秋辨正朔尚書閨法詳說等書皆發前儒所未發子貞別有傳府志

明歐陽貞字元春防里人從學士揭傒斯鄉進士夏鎮學工古文元季不仕洪武初以易經魁江西鄉試授考城主簿改扶溝以老歸後登洪武十八年丁顯榜進士所著有周易問辨三十卷史提鈎七十卷餘學初集龍江叢稿東齋寓錄貧樂集自號石戶農祀鄉賢人物志

趙杞材城東人幼穎悟超羣受業梁石門先生徧究六經之旨建文壬午詔選學識優長者入成均先生以邑諸生貢大學選授湖廣長沙校官永樂壬長丁外艱歸里旋丁內艱服闋補四川什邡司訓居職教育有方人材輩起兩邑人士爭道之任滿考績天官稱最擢翰林院檢討力求退休不允乃以

詩上楊東里少傅有老去思鄉井歸心寄故園句少傅知不可留乃請於朝
予告歸里別構一室彈琴灌花馳騁翰墨自娛為文古雅宏逸邑之碑銘序
記多出其手有止庵集行世邑侯何澄贈以匾曰理學名儒卒祀鄉賢

歐陽誠字應遠防里人孝友端誠博學善考據談古今事歷歷如掌以貢入國
子中嘉靖辛卯順天鄉試授湖廣景陵知縣未赴任卒 嘉靖志

嚴堯日號用汲介橋人選貢舉庚子順天鄉試讀書淹貫詩文力追古大家善
真草書署太和教諭合郡士俱來學吉水劉同升臨川陳際泰並師資之大
司馬郭子章稱曰建學以來未有如先生者也吉水鄒元標偕會講學堯日
究晰性理鄒為推服己卯分校蜀試壬戌鄉起都察院招為幕屬力辭復署
汾西卒生平見義慷慨關分邑學門屢舍署泰和築壩建浮圖著汾西建魁

樓皆極力擔荷居家孝友所著有白華館稿西昌雜草行世祀鄉賢孫一晁

順治丁卯鄉薦 通志

李日新字欽謨城西人萬曆庚子鄉舉生而穎異淹通經史為文根據理要自
期遠大登賢書後益閉戶遠養居城西非公不至公庭甘清貧不事家產者
定祖墓置祭田以妥先靈屢戒族人曰吾家發源憲公以子游刺袁州遂家
州之白芒憲就養沒葬紅花仰瞻世世子孫歲加省視無以眾祖相推諉其
敦本睦族如此兄日華亦以文名由歲貢任吉安訓導講學課藝門下多知
名士

清彭萬祥字嘉正號菊隱漳溪人順治庚子鄉舉為人純摯孝友同懷弟萬祺
出繼家常不給屢推所有以應其他好義種德不求人知鄉里自相推服行

文根祗經籍一本先正理法陶冶人才甚力所著有四書纂要易經衍義第
 三子錄號振齊幼失父事母能以色養兄弟相友愛賞焚借券不責貧者償
 尤精舉業文名馳諸生中父子皆以文行著以子泗鼇任金谿教諭贈修職郎
 黃瑞芝字九靈樓霞人由歲貢任東鄉訓導生平慷慨敦氣節積學能文守道
 施閔章引重之行部至縣必招芝講學賦詩居官造士有方羊城名士多出
 其門考滿赴京值滇警工書執事陳論侃侃多可採者所著有詩文集今軼
 張嗣旭字熙甫西關人幼穎敏年十三鎮郡庠肆力經史古文從守道施愚山
 講學白鷺書院惟以反躬責己為要由歲薦授饒州府訓導隨材陶鑄深得
 士心以疾卒於任所著有繭形集一鴻亭草子聯軫歲貢生苦志力學旁及
 諸子百家操履端方望而知為獨行君子孫申階亦歲貢生家貧嗜書精楷
 法恂恂儒雅有古人風

嚴一沅字幼初介橋人康熙丁卯鄉舉品純學優以經術自勵五上公車不第
 一意成就人材教授里中族子開祖出其門下佩師訓為名御史士大夫競
 以幣招沅絕意干謁嘗佐邑尹周開緒合表忠祠建義學工竣為記其事從
 子開袞亦受學於沅備謹老成一經外無他嗜好家酷貧以館穀治生善誘
 無疾言遠色士樂從之遊由恩貢舉雍正己卯鄉試二試禮闈不第卒於京
 師

黃抱奇字又常號松峯上松人幼奉庭訓勵志勤學貫穿百家所作詩文若夙
 構然典雅工切雖吉先片羽皆足膾炙藝林嘗推本太極圖說行為啟蒙圖
 於五性感動善惡源流之分各繪以形綴以韻語極明白簡要取便覽誦其

教授里中隨材善誘一時能文之士多出其門登康熙丙子賢書任陝西洛川令甫下車廉得邑中舊有雇役錢司胥染指太為民累力裁減之從前積弊釐剔殆盡尋引年告休以陶隱居自况署號松峯子有松國學生

彭裁字汝斐西岡人康熙庚辰歲貢潛心學問有聲黌序操履端慤動不踰純尺富道欽其文行文延在義塾訓迪有方不以私干政府府志

林鳴鵠字慎占際元三子康熙癸巳鄉舉讀書矜氣節剛直敢言郡邑中大興除多出其力為文博通古今剴切事理高安朱文端軾家宰楊汝穀深引重之任都昌教諭整飭士習蒸蒸日上新陞建昌教授時太守徐天麒興時江書院課士引之為助教拔造就多為知名士鵠兄弟幼俱師伯兄鳴鶴鶴籍諸生有學行偃蹇不遇鳴鴻歲貢生太守薄履清薦舉鴻博撫藩兩試並置第

一人為人嚴重勇於行義邑學改建北向鴻與邑紳及弟鵠鵠力主其事並服其公正林氏累葉孝友鵠晚年家居鶴鷺已先卒與兄鴻弟鶯偕老林泉年各七十餘鬚眉皓然鶯率羣從左右兩兄之間極襟裾至愛作人經師五十年晚膺歲貢人以為不愧學校坊表參府志

宋式燕字用賓城內人康熙丁酉鄉舉事孀母愛敬純篤積學勵行思發憤為世用己酉鄉試應聘湖北截取赴部學習志不甘小就歸南莊書齋益究心六經之旨以苦讀成疾而卒府志

歐陽欽號抑齋防里人年七十舉乾隆辛巳進士殿試日羽林門卒呼為老梁灝時恩旨進士年七十俱用翰林欽獨不與乃就教授任南康會郡守將詳革某生父子欽請曰法宜寬去子留父何如守不可竟詳之部駁如欽議守

慚因中以他事辭組去先是欽受知於金海注姓後督學安徽聘入幕至任
西江聞欽家居因薦掌南安道涼書院戴可亭蓮士兩相國皆出其門性友
愛道遙林下獨偕季弟鑑龐眉皓首尋童稚之歡年均八十餘而卒子三美
珠皆邑庠

林有席字儒珍號平園鳴鶯長子承三世明經業孝友一室性耽寫無他嗜好
讀書別有會心工經義力追先正為督學金德瑛賞識咨送豫章肄業是時
陳文恭宏謀撫江右閱其試卷尤刮目相待壬申成進士謁選授東湖令東
湖正宋歐陽文忠所治彙陵地也初莅任即葺城垣疏溝渠復修廟學邑志
治獄案無留積公退輒進士子嚴義利之辨以通經學古相勸勉縣民建政
通人和綽楔以誌感戴適丁內艱旋因公註誤邑紳郭江等為撰文獻碑記

頌其德政歸家宦橐蕭然繼丁外艱居喪一準朱文端欽儀禮節畧括柱扶
衰獨為於舉世不為之日同懷弟三有廩有彥有廩先下世抱痛錫原異於
尋常生平有餘財必分潤親屬無德色仍仿許魯齋治生言授經遠近與生
徒講學不倦閒時與宦者春衣芳杏選袁陽文徵二集考異卷一集名文有專
稿多經論次嘗校定座主馮浩宋史節畧增刪得州志聘修吉都韻郡志及
本邑志並精於譜法鄉隣多取請裁定年六十二兩目失明因以耳代目有
詩文就質者即評定改削時從子大任司訓新吳遊其署卧榻醒寤拈題口
占成文得數十首題曰七十偶作續選古文雅正十六卷清古文雅正十六
卷體例一倣蔡文勤世遠其增批蔡選原本均為當代名人許可又評選四
書文百二十家五經俱有劄錄分讀考論辨解說為六門共若干卷自作雜

著十六卷雜騷經參解二卷古今體詩十二卷俱待梓至彙選鈴陽六子詩
鈴陽詩徵所著高林詩鈔四書文上下二編已刊印行世平時訓子弟悉本
陸象山家法子一大佐歲貢孫二為鐸為鈺並諸生居鄉以禮化人舉族長
遇鄭息違言必與平亭論者比之王彥方云享年九十有一
嚴秉璉號慕庵介橋人宗璧長子幼負奇姿經史子籍成誦日竟十餘卷年十
三補弟子員為學使子公器許既長學益富聲望益隆由選貢聯捷成進士
鄉試五策並呈士林爭錄焉是時南昌彭芸楣名動京師號稱當世才見秉
璉輒折服遂定深交彭醉後嘗語人曰嚴學尚精細我喜涉獵合二人而為
一當不惟西江獨步聞者信之初璉居父憂毀瘠廬墓人推古孝子持母服
亦然其居官也治青城新城賑荒災平鹽價即忤上官弗介意林東湖平園

所云資事父事君而敬同慕庵慕父母能至終身斯真能慕君而移孝作忠
也可謂作郭有道碑無諛辭矣尤篤夫婦誼年三十喪偶不再娶旁無姬侍
語具平園慕庵傳甚詳且悉所著投壺考切音正鵠天經地緯圖亥步寅賓
諸書博奧淵微宿儒莫能究年七十卒孫翼邑增生

嚴思發邑廩生字景肇介溪人增生秉中子積學有素品行端方為諸生拔列
一等十三次遷於易制藝精刻鄉試屢薦平生整飭風化敦行孝友於每月
朔望日集鄉族於祠講鄉約督其力行課生徒師範森嚴引掖得法邑名士
多出其門著有存拙文集及應貢而歿年六十有五子升銳升曉膺歲薦升
悅為諸生

任蟠字時過橫坑人由歲貢任興安訓導素行篤實力學能文學使者屢褒其

優行居官振飭士風嘗率多士修葺文廟廊廡待人和易坦白後進樂從之尤精易撰著之數恒不欲以是自見人以為有漢長者風

袁汝璧字聯輝禮教坊人諸生袁芹子也乾隆辛酉選貢性無矜飾敝衣敗冠不為恥嗜學多所漁獵學使趙大鯨試明經善其濂洛關閩論特拔之屢應科無所遇帝以膚意讀書賦詩自樂尤工五字詩多自道其甘苦閱歷之况其發見天屬者益悲愴幽咽不自勝卒年五十八所著有易堂詩文集先儒粹言以上舊志

張世塾字敬修泗下人幼穎悟篤學砥行沉酣經史人莫窺其涯涘既冠附郡庠試輒高第生平渾厚質樸藹然飲人以醇布衣蔬食風味自賞雖居近城市絕無浮囂氣樂於後學每談經史屢不倦入鄉闈六薦未售以歲貢終

弟光世幼師之亦以歲貢終

楊杏材號西園防里人性耿直家貧積學為制藝出入經史力追先正壯歲肄業鹿洞書院山長郭祚熾稱其文靜細醇雅有楊澹餘風試輒高等屢薦弗售困於諸生漕院清江楊勤恪公薦諸南淮署入幕三月遂辭去遊歷吳越楚粵諸名境皆有詩以紀其勝及歸清貧如故授徒里中遵朱子白鹿洞書院遺規生平事親孝交友信介然自守不與俗浮沉嚴毅之操歷數十年如一日年五十五卒所著有西園詩草四書理解子曰煊曰燾孫體元俱諸生曾孫受祺副貢

張曰紳字廷颺歲貢生西關人性孝友敦實學勵實行正直自矢非飲射讀法公門無私謁設教環翠樓兼掌義學二十餘年諸子姪列膠庠貢成均皆所

成就其門下士成名者百餘人士林咸推重之著有桂園詩草

嚴秉章號淇園介橋人宗賀次子由恩貢任安仁教諭生平孝友性成博通經史制藝潤澤豐腴為諸生時屢冠其曹教授里中隨材善誘遊其門者皆以能文著聲郡守名進士李允性曾延主講席及官安仁課廸士子一以所教於家者施之見學宮漸圯捐俸倡修併率首士紳於赴鄉勸輸邑人感其誠篤踴躍應之廟貌重新工竣邑人士為立勤襄文事名額以誌不忘時學憲汪重其學行保薦卓異堅辭弗就卒年七十子塗廩貢任彭澤訓導恩繡郡庠喜讀父書惜年不竟其志藩國學生孫升珪邑諸生

楊福豫號小滄防里人滄石仲子出嗣叔父曰鯨幼穎悟讀書目十行下精鍾王楷法天文歷法勾股算術學及堪輿攻黃應童子試受學使王省崖知目

為西江才士第一手楹書贈之云大蘇著富五千卷小范胸藏十萬兵其器重如此弱冠中嘉慶丙子科鄉試己卯會試不第明年遂以疾卒於京師福豫於經無不通而尤精於書所著有武城訂誤康誥臆評高宗彤日仲虺之誥禹貢五服解等篇皆能發前賢所未發己卯留京時嘗謁學士鮑覺生縱談及於是鮑引閻百詩古文尚書疏証福豫退就閻書辨正百餘條更質鮑鮑大驚服拊其背曰老兄固非一世才也初滄石博於學節俸置書數萬卷使福豫校訂政餘輒叩其所得庭寒暑無虛日出守二載終於官福豫哀毀喪葬盡禮奉三母以孝聞性高淡與人落落日惟據胡床坐萬卷中博覽躬行仿黃陶庵自鑿錄作日記十九卷一以攝心治氣為宗殆庶幾乎古大儒為己之學云以上龔志

歐陽元字馨山介橋人清歲貢性坦易胸無城府幼家貧耕讀並進喫苦不苦
年二十四受何棟珊學使拔擢第一入津博通經史刊落平廣詩尚王歐文
進班馬在庠三十有五年歲科兩試屢列高等三次呈薦不中雖以歲貢終
老然業文章活命卒稱小康不妄取與人無間言卒年六十有八子曰榆清
廩生孫學韓學蘇能世其家

歐陽璋字豫生邑南防里人清增生誥贈中憲大夫幼稱神童聞塾師講歷史
上忠孝事畧輒手舞足蹈心領神會課後即與同學演習忠孝故事師驚為
奇異嘗摘明儒學案疑義數十則就商於長沙王先謙錢塘許乃普兩宗師
王許邃於理學引為同調縣試冠軍入庠督學使者吳仁傑賞其書法得松
雪真傳拔列高等性恬靜寡慾工詩善畫齋中懸王石谷萬朝岡山水寢饋

其間藝益精求畫者一幀餽百金不受亦不畫惟洗盥盥飲則欣然至主東
於低斟淺酌時密置紙筆於席旁璋醉後自往拈毫渲染一揮即就不計值
亦不索報嘗獲小竊將責之竊呼曰母老子幼事蓄所迫奈何璋聞其語泣
下贈米釋歸竊感其義卒悛改為善士諸生某不容於父母璋踵其門述父
慈子孝先正事畧某父子動容改過璋九歲失怙賴母袁太恭人教養年四
十猶侍母寢不離卧榻子二長紹郊邑庠生祀忠烈祠有傳次紹祁進士工
法二部主事纂修縣志孫鎮楚師範畢業通高中畢業

張秉謙字撫齋泗水人明尚書承詔後裔幼喜讀性理書駁辨經傳數十條推
陳出新脗合橫渠精旨尤擅長小品文每一藝出士林爭誦弱冠采芹旋列
超等補增廣生舌耕四十餘載門弟子近千人除束脩外不妄取一錢邑中

嘗推為祭酒壯遊粵西蘇軍門元春重其品學率部曲奉若師保歸里後遂
勢倡獫狁內守軍奉調整裝待發秉謙率民衆萬人焚香跪道旁挽留匪聞
之遠遁城賴以保生平著述旋作旋燬不留一稿其燈聯詩謎今尚膾炙人
口卒年八十有六子二次翼鵬邑廩生

嚴澍甘字雨三邑東介橋人清歲貢生赴部謁選就職州判幼聰穎超羣博覽
經史工駢散文尤擅長詩賦十五冠軍入泮二十領廩聲譽藉甚胡學使有
才力富健詞擅樹幟之評王學使仁堪按試命題冰壺先生全場愕然不識
出處澍甘曰此薺菜也時萍邑喻方伯兆蕃與之同試致其淵博後因文章
惜命屢薦不售遂淡於仕進教授鄉里垂五十年知名之士多出其門家雖
貧取與不苟周急濟困惟力是視經大吏據實呈報黎大總統錫以義聲張
國匾額卒年七十著有冠石山房遺稿待梓子四長膺猷邑附生次寅旭優
貢生安仁縣知事四嗣光校長孫上達大學畢業

張增知字禹門泗水人幼聰穎嗜學文筆俊逸屢試不售援例入成均生平敦
仁重義好善不倦凡地方公益如聖宮尊經閣賓興樂泮城隍廟岳諸廟出
力最多此外慈善事業如惜字亭三板橋孟蘭會資其臂畫克底於成一邑
推為領袖尤善排難解紛被感化者衆時人比之王考方晚年善於攝生不
親藥餌年躋耄耋手繕經傳猶能作蠅頭細楷一子壽彭字香九生有異稟
讀書多玄悟精研經史百家下筆如宿構府試冠軍旋列前茅補增生屢薦
秋闈不售人多惋惜壽彭獨不介意居縣城杜門嘯歌自適其天終身不干
謁官吏著有存養山房詩文集待刊子一占釐清拔貢生朝考一等禮部七

品小京官入民國任國民政府文官處科長簡任待遇

黃瀾字海門邑北芳山人性質端方氣度恢闊弱冠入庠不以一得自封雖薦而未售然文名噪甚設帳授徒從遊者多知名士居家形端表正一舉一動中規中矩即飲食言語之微不露簡褻不形詬誶一邑推為祭酒鄉邑大善舉經其手鐵肩承擔無不善始善終通觀厥成邑北民氣強悍械鬥爭奪他人所不能解者瀾至片言解決無不心悅誠服大化為小云轉為吉數十年内保家族外靖隣鄉北門鎖鑰為力最多子秉鉞清拔貢湖南州判民國署理信豐雲夢宜春永新等縣縣長孫繼農中學畢業分宜縣政府第三科科長

鍾茶字明珊邑北泉坵人歲貢生幼聰智過人好學不倦弱冠游泮矢志青雲經史子集彈心博覽下筆千言立馬可待旋食廩餼於庠屢試超一名冠全場惟艱於鄉遇數薦未售僅以歲貢終士林咸惜之又因家貧親老兄弟婚配諸事悉賴維持連年設館於外被其教者雖愚必明遠近負笈相從之弟子極夥門下亦多知名士鄉里時有桃李盡公門之誇子元欽法政專門畢業曾任吳城區長

文苑

(唐)盧邈宜春人

今隸分宜文標鄉

肇次子唐末江南西道觀察使鄉貢進士獻迴文詩

三百首官至秘書省正字

按孫縣君墓誌碑更正舊志稱族子誤

(宋)傅公謀善文章常作小詞曰草草三間屋愛竹旋添栽碧紗窗戶眼前都是

翠雲堆一月山翁高卧踏雪水村清冷木落遠山關惟有平安竹留得伴寒

梅家童闌門看有誰來客來一笑清話煮茗更添盃有酒只愁無客有客又

愁無酒酒熟且徘徊明日人間事天自有安排其詞清雅曠達抗世離塵可

想見其人風度又與邑令許及之詩并無遮傍語皆調笑可誦集不傳於世

(明)周與學字可共醴襲人精通經義學者多遊其門黃太常曾從之受書洪武

山丑太常赴試臨行贈詩有京華咫尺觀光近道路馳驅去國賒此去岳門
知變化蛟龍終不困泥沙之句是年果會元及第後輔導皇孫薦與學為國
子監司業任數載以年老乞退改授本邑訓導

胡永常字久微水南人秉性醇樸力學能文中永樂甲午舉人任高郵州訓導
捐俸倡修學宮教導有方士人尊為師德長惠崇祀名宦今六都新社登雲
坊即當時與鄉舉謝文同建故迹

彭鳳號夢瀑西岡人嘉靖己未進士選庶吉士授編修以名節自持冊封岷藩
卻諸餽遺甲辰會試充同考官時相欲徇所私鳳峻拒不納撤棘後有撫拾
科場之弊者波及鳳竟用罷歸家居分俸贖族割田供祀敷行孝弟嘗引呂
氏藍田約參酌成編講家約一年四舉西岡彭氏家法遂冠一邑著有逸休

堂稿祀鄉賢季子士兆選貢生亦以博學孝友稱前志

易宏器字任夫號字亭鸞子年十八中嘉靖丙午科解元家居清澹博古善文
未仕卒

趙錦城內人少負逸才未三十厭逐隊講生中棄去養親耽於詩翰年八十五
郡守季舉鄉飲賓不赴錦賦七律以謝有賢侯有意求遺佚博士將函及老
農之句又萬年橋詩云鈴岫雨餘橫玉竦清源春漲起蒼龍其手度可想祀
鄉賢恭舊縣志

宋希堯字叔中城內人性宕蕩和易下筆如注萬曆丁丑進士初張四維受卷
希堯文進呈第一已經闕讀至傳臚時忽置二甲第一時江陵不丁母憂鄉
爾瞻特疏叅劾希堯亦侃侃持論為所忌授刑部主政未幾稱病卧鈴岡越

歲出補工部營繕司管京倉竹頭木屑必親以過瘁得病卒祀鄉賢鄉廟瞻
有墓銘通志

嚴堯雲字望卿號漢理介橋人堯日同母弟也性疏朗立志節博雅善談名理
屢試弗售以詩文自豪遍訪知文遊金陵荆湘黔蜀吟咏成帙年垂九十舊
嚴堯武字定寰號文峯介橋人孟衡六世孫幼穎慧一覽不再行文靈快簡易
嘗與宋希堯肄業吉祥寺擬對殿試策林瀉數千言俱根據性理舉萬曆山
邱鄉試公車報罷怡情詩酒家故貧不肖治生產惟好聚書貽後子七人俱
斐聲泮壁凜庭訓也

潘懋璋坊廂人明崇禎十五年壬午選貢廷試第二門人翰林陳祖綬贈有文
冠羣英區額選浙江海寧知縣甫抵任遭甲申之變棄官歸隱年八十餘

清歐陽鍾字儕雲坊里人學富今古一日可十餘藝而法精理密才大不失於
肆善麟經得其傳者輒高第由廩生舉康熙二十六年鄉試赴春闈擬元卒
不第人咸惜之所著有清門塾課清門雜草行於世

習廷獻字勉臣塘西人文章原本六經為諸生十試冠軍督學何棟延入幕衡
文後以選拔遊雍魯司成瑗評其文有方孟旋楊維節風作詩自出機杼不
襲人牙後語嘗曰生乎我朝即為我朝之詩何必凌唐駕宋耶家居以禮讓
化其鄉遊其門者多知重器識而後文藝所著有內省草尋樂堂詩集四書
解鑑論等篇以購書卒於江寧弟廷泰廷見劄劄二千里扶柩歸

歐陽倩字肖曼防里人博通經史作文風發泉湧而法度森然甲申饑出粟貸
鄉人償不償勿問中雍正癸卯副舉邑令諱廷圭西席課子一領鄉薦一為

名進士有子六四列膠庠第三子琴乾蔭二十三年歲貢胸次灑落善屬文尤敦行誼為邑南名宿

嚴宗墳字峻聲介橋人雍正己卯鄉舉墳幼慧年十五冠童子軍補邑諸生制舉及詩古文詞並工著作等身嚴氏自明方伯孟衡起家歷侍御雲京稱世族墳兄弟六人而齒雁行為家督處家皆有經緯延名師率諸弟治經先後五登甲山科以功名顯墳以太守簿履青薦試博學鴻詞旋丁繼母憂未赴兄弟並善事繼母高氏其遺腹弟宗璧墳教誨成就尤篤一堂之上融融洩洩僉謂德星聚一門宗吉己酉鄉舉為人渾穆無雕飾宗周邑諸生謹約持正以病不就鄉試宗嘉宗喆宗璧俱別有傳

彭即達字敏及漳源人由歲貢歷任南城廬陵訓導為諸生時屢試高等為文

揮灑如意不名一體而風格自高教授里中多所成就及居官設教多士亦為傾心嘗率廬陵人士改建學宮居家有質行兄弟相友愛晚年宦成歸身居族長諄諄以教睦易子姪著有讀史錄

張元瑾北溪人息貢行文清真雅正不涉險僻詩亦饒有廬陵風味所造就皆淹雅士修家廟置義田捐館穀以為族人倡士林多之

張經字正邦邑南桃源人少失恃善承厥考歡工詩文屢試高等尤工行草書法筆鬆屢空晏如也平時持重寡言酒後興酣上下千古益徵學養之邃從遊者皆知名士惜數奇以歲貢終

嚴宗定字友黃號得村介橋人學問淹實為古今詩文字皆力追先正屢試冠其曹膺戊申選貢會詔行保舉以知縣諱獻策薦分禮部儀制司學習親老

七任秦州新興場鹽大使性方直不能諧時三年解歸家徒壁立授徒著述自娛經指畫者多以文章科名顯所著有可繼錄負書草及四書文稿同懷弟宗寬字又吳少服伯兄宗定教積學為古今文詩與宗定齊名遊歷吳楚閩粵聞吟咏適志友教幕府耿介無所脂葦宮師楊錫紱每以冷友稱之由歲貢授弋陽訓導陶甄多士為人倫師表引年致仕著有學樂編竹園文鈔府志 以上舊志

林有序字尚賢歲貢生際元次孫也幼慧記悟俱超習科舉文章卓然隆萬家法當道共以大器相期許因天屬不完僅兩就鄉闈不復圖進取惟慇懃督課諸子生平小心謹慎不苟言笑士林奉為楷模年週甲而兩子大定大宏同科報捷繼而大宏成進士三子大完亦附於學壽踰八旬夫婦偕老孫曹

羅列歲為食錄遊庠者相繼閭里榮之

嚴秉玠號謹庵介橋人宗詰長子姿英敏負鴻博才涉天家卷數山經地志等書及壬遁奇式靈素琴瑟諸家學靡不精貫於詩古文字走筆立成輒推擅場遊京師藉甚當道兩薦北闈不售以貢職授縣丞分發雲南所至輒有名署賓州知州卒於任年四十有七惜未竟其用著有逸仙詩鈔天台侯嘉縉為之序見鈴北五子詩集

李承培字篤材邑南檀溪人歲貢任大庾訓導為人簡樸不尚聲華力學善屬文甫弱冠督學王恩訓極加稱賞拔為一郡魁楚後歲科試屢列超等戊午獲薦鄉闈以三藝稱短置之居官以課士為務常捐俸倡修學宮栽培士林浚邑文風由此浸浸日上卒於官庾人有水流雲散人何在竹死梧枯屬不

來之句歸櫬時素衣滿城哭聲遍野戴笠園先生贈以文

林大定字正乾號健齊有序長子出繼胞伯有慶幼淳謹聰穎過人年十五背誦五經全傳學使深加器重乾隆己酉以拔貢生與仲弟大宏同登鄉薦生平持身儉約存心忠厚前後教讀遊其門者多騰達有聲譽嗣遷授信豐教諭一以敦品立學為訓值歲歉饑民鼓噪公庭當事掣肘定謀諸在城紳士勸輸平糶通商接濟民賴以安當道皆重其才學又以地方難育寫遠應鄉闈者多缺費定倡舉賓興一會多士賴以奮興旋陞贛州教授督課士子與在信豐時無異未二載以病告歸攀留者相望於道卒年七十三

彭泗鼇號洙亭邑南漳源人德性醇厚制藝精工中雍正壬子科舉人九試春官不第留京師家青原方伯延為西賓館夏邑十餘年門下士多擢高第選

四川潼川府安岳縣知縣補授撫州金谿教諭歷官十載致仕歸享年八十有六孫大度郡廩生元孫啟昆舉人

馬士明字懋德田心人幼年失怙事母至孝攻舉業弱冠補弟子員屢試高等與弟士華士昌號為三馬乾隆壬午鄉試房師李夢聰閱其文大加激賞呈薦擬元主試稍為塗山房師力爭之輒許遂置之李大痛惜加評連續至有難邀青目淚溼白袍之語兼精軒岐術郡伯學師贈詩甚夥後以歲貢終

嚴升銳字念常介溪人愚癡長子幼穎悟甫冠即蜚聲譽序品學兼優孝友無間三十失妻誓不再娶讀書外無他好杜門課子孫非除夕元旦弗輟購書無資凡子孫讀本悉出手抄至老不倦屢薦未售膺乾隆五十五年正貢年七十三子為棟為樑為柱俱列膠庠孫性善中式副榜曾孫效鵬為邑

諸生

周大猷字若昔號華亭醴醴人幼失怙承祖峻督課精專中式乾隆丙子科鄉
舉授鄱陽儒學庚子丁艱服闋改授南昌府進賢縣儒學壽七旬致仕歸里
主修家乘著有家規祭條諸則課訓子孫文藝古今體詩成集享年八十六
楊柏材號南坡逢塘人幼失恃侍父躬溫清尤能事繼母伍氏內外無間言教
姪日照早歲入泮得承厥考歡生平苦學為文力追天崇先正少應童子試
邑侯趙頤稱其文有老成風補邑諸生試輒傾其曹乾隆辛未卻廩領弗食
壬午擬鄉薦不售家無宿春授徒著述里中尊為嚴師嘗游岳麓浮洞庭濟
沅湘探屈景古蹟有紀游閑草賦性慤直剛正無所逢迎好接引後學同里
張申祿延主西席二十餘年課其三子俱有聲譽存年七十八卒子曰忻邑

庠曰燧國學今張氏家塾猶奉祠本主歲時祭奠弗衰其感人如此可以知
其概矣

歐陽惇字克敦號秩齋防里人瑾猶子有雅才少好學博覽於書無所不覽能
文尤工於詩白水林有席見輒奇之曰他日必大成家貧隨伯父瑾走京師
以親老感毛遂捧檄之義就翰林院儒士數年得授清流縣鐵石磯巡檢抵
任書所治廳事云此心常如鐵石吾輩自許清流足以見其志矣大軍征臺
灣督兵鉤東渡天風海濤鼓角悲壯雲時出沒數千里陰陽顛倒莫辨東西
如炊五斗米許吹泊師公澳曾為詩紀其事名從軍泛海集有可憐一夜春
帆掛飄泊東陽不見山之句又書事一首兵力何嘗解荷戈農家寸鐵各爭
磨一時義憤天驅策兩地生靈日網羅書劍從軍悲薄宦鼓鼙竟夜起長歌

黃華亦嵒君王地須掃鯨鯨靜海波既渡海事竣返泉州遂卒於泉撫臣為之奏得恤典乃克歸葬一子美邑廩生

嚴升曉字瞻旭介溪人思發四子穎悟最高筆力超脫自幼即與長兄升銳齊名生平存心正直喜維持學校整飭士習尤於天文地理考核精當膺嘉慶六年正貢著有四映堂制藝年六十五子為榮孫從麟列府縣學

鍾秉章字實合觀先人思貢生自幼英姿卓犖冠補弟子員夜以首拔食廩籩為文深入顯出法律謹嚴為宗工大匠所器重清數奇屢薦未售教授里中勤於課督一時知名士多出其門如邑孝廉黃崑圃親矣尤久家居敦倫紀崇孝友言笑不苟見者憚其威嚴享年七十有八子四長晟邑庠生餘皆克自振立不墜家風

彭城字實連邑南東岸人幼失怙四壁蕭然依母氏甘藟粥度日賴兄均小經紀俾從師里塾年十二即能詩嘗從同侶釣池中有叮嚀莫釣池中鯉留待來春好化龍之句素性恬淡為諸生時恂恂自謹中甲寅鄉試歷署撫州新城泰和教諭補上高訓導維精學校獎勵士習為邑所欽承年七十六解組歸家兩舉鄉飲正賓以壽終子錦郡廩生試輒高等惜未竟其所學

歐陽躋號詣堂防里人瑾孫乾隆丁酉選貢時年二十一廷試京師過浙謁督學彭芸楮公賞其丰度叩所學大悅之至京試事畢將就教習聞母召遂歸性樸厚善書窮年弄筆衫袖烏彷彿與坡仙同好云年五十餘卒子二趙錫疇字冠南號壽田下趙人質敏好學博通經史尤工於詩性澤灑不治生產家漸落晏如也就各宦衡文聘持正秉公不苟取與品行端方人故皆敬

而愛之后回里授徒宜分諸邑從遊者多所造就屢赴棘闈薦而弗售晚膺
己巳恩貢適值父邑庠生淳八秩壽期邑紳廣西懷遠知縣林大宏贈有國
恩家慶匾額享年六十子源經郡附生

歐陽敬號心蘭所里人進士星孫年九歲補弟子員為文豔而多風既長學益
富翦紅刻翠琢玉雕瓊人或見所作如聽新樂靡靡之音使各心醉又如身
入萬花谷目為之眩轉也制藝亦然既而規模儲中子作論文四絕句亂頭
粗服活水源源足以想其志舉嘉慶己丑會魁後連山知縣甫抵任中夜秉
燭危坐恍惚美婦人向榻而拜遂病語其家合上帝命我治鄱湖水利胥役來
相迎矣盛服而沒著有盤谷集聽雨集種蕉山房集叶韻發明句股發明諸
書子一

萬上達字殿卿輜同人拔貢生幼失怙聰穎過人耿介故俗酷愛輞川詩畫行
草細筋入骨珊珊欲仙晚精山水林壑深遠有尺幅千里之勝一時名卿無
不折節下文互相唱酬欲作布衣忘年友嘗有別友白云長有青山懸馬首
可憐白髮老龍鍾又有愁城百丈壓眉峯之句嘗屬詞風先生寫鏡吾圖于
卷一軸其題詩者類多不世才如金蘭畦黎湛溪曾賓谷張四香聶蓉峰龔
而原吳蘭雪諸公輩各種題咏備極風雅其尤稱絕調者更莫若許庸使之
雙清心迹高徐孺三絕才名老鄭虔二語足以想見其為人子乎生員頗有
父風

袁山號晴峯車田人家貧好學刻自攻苦未弱冠即藉硯田為生涯遊其阿者
造就多知名士性嚴正足不履城市間遇諸塗雖童子對之亦肅然也老而

嘉慶
九年

不遇以歲貢恩賜國子監學正年踰七十卒

袁壽齡號靜山車田人年十歲與童子試郡守高公芝命屬對曰窗外芭蕉映
紙綠即應聲階前芍藥襯袍紅高奇之贈以詩有十齡好童子一介小書生
之句旋以春晴詩受知督學李綬李稱其他日不為名臣必為名士其幼時
譽聞有如此比長學益富漢唐而下諸篇什辨若淄澠披吟刻苦幾於手長
吉分宜唱渭城者首推嚴介溪靜山其流亞矣為制藝橫縱排募不拘鄭元
程朱獨感家言即古體亦若是性孤介附郭而居足不溷塵市間或過之則
惟酒樓茶肆中白眼觀天彷彿棋亭書屋時也所著作六千餘首小袁山房
全集僅見十之三惜多病一榻一几未能遠出使放眼名山大川當必能鑿
幽鉅險云兩中副車不過年五十一卒以上藝志

嚴宗燧號臨齋邑北介橋人十七歲入津品學兼優尤精書法由昌邑相聘
入幕府崇司奏摺中堂劉石庵推其楷書不多得徵援例入監考充國史館
謄錄期滿授主簿轉遷四川叙州府經歷借署蓬州吏目適福大將軍勦川
湖教匪藩臺楊公揆引薦惟慳中恭軍機掌奏摺積勞成病歿於長樂縣家
莊大營時年五十有三大將軍馳檄沿途護送命其子附貢生秉鑑扶柩歸
甲子軍功議叙特加卹典贈國子監學錄賜祭葬銀兩子亦工書法有父風
趙文蔚號霞村中趙人幼隨父徙居小芒山莊質最敏窮經究史目數行下擷
其精義以便記覽尤揣摩唐宋八家及國初諸名家文為諸生試輒傾曹早
食餼中乾隆壬子經魁任南城教諭課士子端品行勵士習為首重學校攸
關務修舉維持風化由是科名益盛先是石門馬俊良選清明兩朝試墨簡

鍊百篇內刻其首藝門下士多讀之幸親炙其教聞字無虛日解組歸士子
祖錢塞途其品學感人若此生平渾厚質樸布衣蔬食風味自賞家居每念
在任數載未逢辜恩援例晉中書職肥贈祖若父兩代徵仕郎尤徵孝思不
賈云卒年七十有二著有詩韻會通二卷制藝二卷韻字彙求十二卷藏家
子三元璐飲賓嘉瑜上庠同懷兄文藻天質高邁有文名文蔚師事之晚精
岐黃術以諸生終

李炳星字文匯號東園邑南上雙路溪人幼失怙依母程氏為生比長頤而秀
器度豁然才識可經世弱冠補諸生年二十七中乾隆甲午鄉試謁太守於
宜陽守奇其狀貌坐與傾談注月久之曰今比鄰辭試止君一人獲薦其吉
先片羽也乎書生報國從今始吾子勉旃房考吉水今朱廷基以楹聯贈之

云節義與文章並茂萱花偕桂子齊榮情未躋強仕而卒襄陽刺史楊曰鯤
表其墓

習家駒號惠圃塘西歲貢生祖厚長子天資豪爽文尤敏嘉慶山丑進士任河
南銅陽縣有治績衛靈市魁斂逆民立頌德碑戊辰入鄉闈旋告養撫子姪
輩課讀不輟文籍選本可汗馬牛皆自手抄訂睦族有義莊卒年七十五門
人多黃甲教陽鄭秉恬尤著

習家駟號真齋家駒胞弟性孝友刻苦成學工試帖制藝謹嚴嘉慶山丑與兄
同捷南宮任湖南永昌縣監監自勸勤於撫字上憲嘉之丁卯戌長同考官
得賀熙寧周樹槐等十餘人庚午夏月卒時年五十四子世名扶觀歸圖書
一篋行李寥寥人稱為廉吏

送李表三信
而計奉加車

送李表三信
任州南補尚

林上倫號仰山邑北顧溪舉人孝友性成博通經史著有盲左周禮解家素封好義舉相父倡建賓興培植人材遊其門者科名接踵任崇義教諭振興學校獎勵士習宦遊十載囊無餘積年七十卒於署其遺孀云半畝書田遺後嗣終身樂業十年任籍愧冷官兩袖清風配樓霞進士黃汝亮胞弟汝襄之女筆燈位讀著有賢聲享年八十有八子二長光第邑廩次光策邑增孫曾林立壘邑增生餘皆傑出

歐陽鵠字似翔號蘭谷防里人性溫和平神灑脫習於墳典能探其大畧文如其人一和三笙姬媚昭貌玲瓏其聲嘉慶戊辰科舉於鄉數試春官再薦弗售大挑得知縣分發山西舟抵武昌疾作而歸數月卒雲南鹽法道霞九觀察王公其同年也時在告過墓弔之有斜陽黯慘新塋兆靜女妝梳舊壘文之句四顧傍徨長歎而去

歐陽進字驥騰號晉山防里人性樸儉勤學隱屏教授與古為徒然詩筒酒盞好遊歌山水中道先乙亥鄉試舟抵章門了當畢遂遊西山再宿遊帷觀而歸將以次科公車北上語人曰吾聞匡廬岱岳多異境此行想應接不暇矣倘得結交燕趙士使吾詩字字作燕趙聲不更快哉後以疾彌留不果喟然嘆曰滿城桃李屬春官吾無分也夫且江山勝迹天何於我乎獨斬耶遂卒袁三錫號康侯車田人讀書有奇慧精於八股每絃誦之暇往往遊心書畫以自娛數能得鍾王董北苑筆意為人敦履璞忱恂恂不愧長者辛酉舉於鄉後授玉山訓導教化諸生一本經義治事齋遺法時玉山育嬰堂久廢將歷年所積俸計四百金概捐為之倡建由是民之子女得以全活者甚眾雖貴

父之慈惠不異過也邑中有貧不能棺者棺之不下數十而未嘗有德色夫以一官之冷祿入無幾而猶拳拳力行善事若此則真可謂仁心為質者矣六十八歲卒於官子一敬宗孫二

趙應達號侶蘭城內人孝廉被仲子同兄若環奉庭訓兄性灑落文如之安於晦達淹貫經史善詩古文詞八比力追隆萬先正年近艾攜子元吉應試同受知於沈雲椒學使極稱文斷輪老手補弟子員家素貧而介取與不苟憑硯田作生涯汲引後學多知名士居近市身外事不入早晚惟一卷自適殆老不厭於學云享年七十有一著有侶蘭遺詩十二卷雜著制藝若干卷藏家子元吉優增屢薦舉飲賓孫師孟優增屢薦早世士林惜之

楊學曾字貫融號蓉舫防里人工詩善屬文書法辦香鍾王年十二補諸生十

七登拔萃科廷試畢歸自京師益肆力經畬市井罕識其面諸大老皆以偉器期之其祖山如名堪立尤秉異姿澄心圖籍真行草流麗端莊手朱子小學一編規行矩步務以誠甫逾弱冠痛弟堪言過哀相繼逝既而答舫生人謂天不於其祖而於其孫他日將必能鳳舉鴻軒補祖所未及無何又以英年遽疾卒命夫意夙根香國紅羊劫換未容久淹與所著有詩癡詩鈔進士阮文藻嘗為之序

習世賢號士疇貌和而性介篤於親嘗草荆花藹如也為學根柢程朱由選貢登賢書往來浙水燕臺多闕闕名家延以課子舉比所至成駿徒後司鐸武甯士林尤篤辦香焉年六十有二卒於署

夏侯岫號級崖恩貢生邑西餘溪人幼服庭訓力學能文為諸生拔列一等十

邑諸生學使趙鹿泉嘉其文進先正有天崇風壬子已薦弗售抱道歸隱著
有西樓逸編亦園臚草四書駁辨詩韻考正等書道光庚寅仲弟秉機以吏
目銓選赴京攜詩往御史那竹汀見而異之題其集曰菴公手筆曲江才更
書楹以贈之云德盛齒高解洛社學深詣遠紹橫渠邑侯曹藹廷舉孝廉方
正辭不赴邑侯楊蓉渚慕其名屢招不就僅詩文往來而已蓉渚嘗嘆曰偃
室非遙子羽獨遊和戎西齋吟使我托芳思序我南溟行勗我填王事余與
雲林名聞而身不見此真所謂神交也學師梅閣齋稱其詩步趨昌谷而得
其瘦硬亦謂雲林之詩雲林之為人也生平潔已篤行足不履城市者數十
年古樸自處寄跡田園故邑宰重其品士林羨其操其行證有迥異乎人者
年七十卒子伯熊邑庠孫曾林立長孫寶壑邑庠

趙錫寅號中田由廩貢例授司訓職下趙人性醇靜穎異日坐家塾小樓窮經
究史及諸子百家靡弗淹貫作文力追夫崇先正法密機圖弱冠補弟子員
旋食饑饉戰棘闈十餘次屢薦未售洵如也先是同懷兄錫齡奉例登仕籍
巖掣西蜀授石堤司分司曾為弟錫寅例授教職決意不就分發官謂冷署
游優本非素願惟業求日精必得志於主司乃快年踰古稀猶買舟赴秋闈
及報罷踰月遂卒其生平功名之念殆無時不懸於懷云所著有果能軒詩
集六卷待梓子源縉舉鄉飲孫曾俱業儒

林為荃號野香大任次子中壬午科鄉舉賦性孝友每上京以母老在堂總戀
不忍去必諄囑兄弟善為敬養寓京邸同鄉之資斧歸里者輒為借貸甚至
典衣相酬無吝色與廣平太守蕭義卿姻親聘為西賓遇風月良宵借幕友

同社飲酒吟詩人以為有賀白風云未大就二等辛丑北上路遭風霜行
至玉山扶病而後銓選金谿教諭未赴任而卒年五十有二

夏侯琬號輝堂邑西旺溪人幼承庭訓博通經史年十七與堂兄珍親光球同
受知督學劉公躍雲劉獨奇琬文選刻試績越歲拔超等補增識者咸目
為大器乾隆甲寅科房師左公圖東力薦莫售自是絕意進取日以詩酒消
遣嘗有句云百歲以前渾是夢一杯之外更何求其胸次灑落人化之有明
唐稅二公生平慷慨好義城內賓興局管理數十年一塵不染合邑共欽倡
首兩都文昌會獨能極力擔荷維持不逮迄今大小場優送卷資都人士尤
食其德晚年好幽靜築室洪陽洞側杜絕外事攜子若孫閉戶授經顏其軒
曰夢醒草舍邑侯黃仲香與學師梅閣齋慕其高風親造其廬野蔬脫粟盤

桓竟日黃贈聯云袁嶺峰高天籟擬成盤谷序洪陽路近桃源載見武陵人

梅贈聯云山色泉聲居然李愿棲盤谷詩情畫景堪比王維賦輞川為名公

飲賞如此著有松房小草袁峯續草藏家子燮等孫喆等書香代傳英津壁

袁人伯字友人號片園郡庠生因丙子薦而未售遂絕意進取為人豪邁不羈

日以詩酒自娛家園栽菊數十種每逢花開盛日邀集邑中詩人酌酒聯句

賞花暢飲至年暮恤其友之無館者厚贈之凡古今名人詩集購買滿架性

愛白香山陶淵明陸少游詩即其詩亦恍惚似之現有片園詩集若干卷侍

梓其胞叔靜山刻有小袁山房詩集行世人以為詩有家風云

歐陽上恭字景洪梅田其號也幼穎悟父石溪鍾愛之石溪公解組歸田督課

益嚴左規右矩無之而非教而公則無之而非學石溪公嘗喟然曰吾老矣

伏櫪之志猶尚在也嗣吾汗血其可乎及長補博學弟子員好為詩清逸俊
永有晚唐風格制藝規仿先輩其從子故名進士也未遇時每讀其文嘆曰
公往往自出新意能成一家言非吾所及既而由廩貢歷官吉安贛州兩郡
訓導兩郡庠士咸慶得師出其門下亦多偉人公乃賦送初翻然作南園計
優游林下數十年每春秋佳日趣尋名山勝利為娛所至浮白高吟詩囊酒
甕常以自隨邇來歸林後醉唱渭城者則惟公云昌山渡險屢遭覆溺嘗輸
數百金助建浮橋衆利賴之族中寒士多議興義學手百金勸成厥事皆感
德也其大概如此

趙錫蘭號鄭堂邑增生城內北廡人英敏謹嚴偕弟邑庠錫蕙力學能文工書
蘭臨米蕙臨趙各擅其妙同凜尊人邑增至珩庭訓蕙早世蘭文取法熊劉

屢試高等晚坐家塾善誘後進子姪及來學不受脩脯列庠序者多所造就
通政黃銜醫贈藥餌樂善之心可類推云享年七十有餘公舉介賓子洪駒
邑諸生

嚴 塗字錫予號麗水介橋人教諭秉章長子素性渾樸和易近人學行如其
父由廩貢歷任彭澤興安撫州訓導所至皆潔已訓士為撫州同寅進士盧
公殿衡狀元劉公繹所推重年六十六卒於官

歐陽嗣李字秋樵邑南防里人進士侍郎瑾孫清歲貢少穎異年十三侍郎命
作詠史詩有閱世人成千古夢讀書身繫一生緣之句侍郎色喜曰此子將
來風雅中人耳然非清廟明堂器也後學殖日富經史子集靡不貫通及闡
試主司奇其文擊節賞嘆滿擬入彀因得卷較遲竟以額滿見遺於是不復

進取晚年教授於家門下士多一時名宿著有秋樵詩集凡十三卷享年八十有三子二長崇副貢次集舉人

歐陽棠字薌林邑南防里人與胞弟孝廉集同登鄉榜時人稱為眉山三蘇棠幼天資過人自經史子集以至醫理算術無不通曉父秋樵老於詩棠承衣鉢年十七賦落花詩百首贈炙人口而愛才者因其命題往往以才大福薄惜之又作殘雪詩云此日仙人猶白足明朝野鶴識青山嗟君早掉泥塗足快隱廉泉潔白身皆恬退口吻大有父風弱冠後學殖益富遍遊燕齊魯蘇浙覽山水之勝留都下四年若辛筠谷侍郎王震九周小湖侍御相與談讌出塞過龍門蔡阮兩太史訂為忘年友贈詩有豫章材大出地來細柳軍奇自天下之句唱和之詩附錄蔡阮集中南旋贈弟集詩有云圖開家慶方

為福氣養大和即是春蓋置名利於度外矣所著有覽雲集詩餘四六文凡數十卷燬於兵燹晚教授於家若知縣安福阮文藻進士楊承烈舉人張伯煜彭慶齡拔貢楊學曾並其胞弟集從遊較久皆承造就

楊福謙字子受邑南逢塘人襄陽太守曰鯤次子舉人福裕胞弟十齡即博通經史弱冠為文倚馬可待尤擅名鍾王書法有龍跳虎卧之勢人目為眉山小蘇登道光甲午拔萃科甲午領鄉薦屢試禮闈不第授宜黃訓導饒州府教授解組歸享年六十有七子四承烈進士承憲候補福建縣丞

楊承烈字式穀邑南逢塘人進士襄陽太守曰鯤孫舉人饒州府教授福謙子穎悟過人援筆揮灑千言立就皆從經史鑄鑄出來故一試即列首選中道光丙午科舉人庚戌科進士分發甘肅即用知縣年三十三以疾終於甘肅

官次人咸惜之

袁士彥字春樵車田人清副貢生而穎異十歲能文有倚馬才弱冠補弟子員旋食廩餼家雖貧而學益力日以詩酒自娛邑中改建聖宮增修縣志皆勝任裕如著有小仰山房詩集快園詩話快園隨筆待梓子二長鳳翔州同次日與附生享年七十三

歐陽經字醉六邑南防里人少負聲望淹洽經史弱冠補弟子員學使咨送豫章講院肄業潛心司馬史學同治癸酉登賢書遊楚湘間歷覽衡岳七十二峯效司馬借山川為文學之助嘗引其族祖圭齋元春異齊遠承經學作經訓堂記故以經名惜積學未售僅設絳帳教授於西河河汾間從遊者多知名士子三著有余心詩鈔待梓

彭毓海字觀亭邑南漳漁人知縣啟昆子由監生戶部郎中中清光緒己亥科舉人學養深遠胸羅廿二史學使洪鈞試袁屬各縣過分宜親謁其門受毓海贈序一篇入京覆命代游揚於部院間情會試不售中年捐館著有詩古文詞五經闡藝待刊

袁玉麟字棣齋小北門車田人清舉人十齡能文詩古文詞一揮立就登己丑賢書五上禮闈不第乃就教職署臨江府學司訓安仁縣教諭改分湖南直隸州州同著有棣華館詩古文草待梓子四長延壽孝廉方正享年七十二有林友梅字廩山邑北顧村人清舉人綽約英姿有名士風度性直而與貌溫而厲年四十二逝世人咸以雁塔未題惜之屢充本邑山長陶冶後學聲望所敷老成宿儒多所崇仰子三繼照繼熙畢業中學

黃蘊春字笑山邑南新齒人生有異資博通經史詩文下筆不落恒蹊許漢生
學使試以文選爛秀才半賦題惡評嗜食三咽文題有應有盡有半字用典
乍陰乍陽嘉魚雋才之評拔入縣庠孫學使試列超等食餼又有上下千古
四字之獎文名大振府縣修志特聘列席詎料馮居易老卒以數奇不過歲
貢終身自號叢皇工人所著趣園詩鈔十餘卷待梓被匪焚劫卒年七十一
子裳優廩生

吳大魁字梅臣邑南鳳形下人天資慧黠授讀經史過目不忘縣考業首入泮
適歲科合併即考超等補廩甲子棘闈獲雋名震鈴陽朝考以揀選知縣任
用其人魁梧其貌秀雅其性風流不為俗跡所拘享壽不高人多惋惜

彭慶齡字夢九邑南楓溪人熟讀文選所作時文律詩力矯庸腐獨標新穎中

同治壬戌科舉人揀選知縣作秀才時授徒邑北石門菴門弟子八人是歲
采芹食餼者七後魁虎榜貢成均接踵而起藝林傳為佳話延師者必舉慶
齡學識為模範

歐陽理才字蓮舟邑南防里人清恩貢前同治辛未協修縣志麟之家嗣也弱
冠游庠屢試超等食餼書法有王右軍春蚓秋蛇之妙善於辭令人比之淳
于髡東方朔一流遊楚學益進識益超詩詞歌賦語必驚人適廬陵彭太守
家驥署岳州一見如舊相識聘充幕賓六七載宣統庚戌以恩貢北上就職
直隸州州判分發廣東鼎革回贛邑侯李臣淑延辦學務策進教育晚年仿
袁隨園預徵輓聯以光泉壤時人稱其曠達卒年七十三歲于二次鎮民能
紹其業

嚴宗吉字謙德邑東介橋人歲貢教諭閩祐第三子也己酉舉於鄉與長兄宗
壘季弟宗璧同捷世謂之棹華榜後山東臨邑縣知縣於催科中寓樞字政
簡刑清業績之餘惟以琴書自娛尤好提倡文化訓課生徒崇尚實學有文
翁教授之風卒年七十有七孫思清歷任巡檢

嚴寅旭字威邑東介溪人通經貫史援筆為文千言立就年十六縣取案貢
補弟子員郡守傅鍾麟奇其才每試輒最宣統己酉選優貢生名冠全省朝
考一等授陸軍部七品小京官監木工商部民國初元署安仁縣知事有循
聲旋游浙攝温州南鹽場知事不數月引疾歸元江西省立第八中學校長
為諸生講授經史百家之學在職七年成就甚眾國民政府成立復出遊當
道聞其名爭相引重然性冲遜所司以文書詞翰之事為多為實業部科

員時僦居隘巷蕭然無長物人皆服其雅操卒年五十有三子二福荃法政
畢業學窘武漢大學文科畢業

袁大純號禮泉邑北紐村人幼聰穎勤學游學宮食廩餼戊午入貢成均己未
恩科中副舉旋授儒學訓導遠近學子多負笈相從士林咸宗仰之子二長
宗葵國學生次家詰邑庠生

黃濬源號心泉邑北七里埭人簡默厚重敦品嗜學為文理法井然不喜矜奇
立異弱冠食餼於庠以事蓄之資訓徒為業承啟迪者多知名士如國會議
員林金相縣長林兆元等其尤著也居恒取儒者立志爭千古不爭一時爭
終身不爭一日及不作風波於世上自無冰炭到胸中諸格言相勗勉以歲
貢生終民國九年總統徐世昌題給里黨觀型匾額子允文邑廩生長孫際

泰中學畢業

袁榮號玉階邑北水頭人秉性聰智不事粉飾入黌宮後力精舉業經史百家博覽廣記因俯仰為艱歷設教於樂育梅村諸書院出其門者多知名士每屆歲科試必有弟子數人游泮水列超等同治三年甲子科獲中鄉榜九年入京大挑知縣曾任龍標菁莪兩院山長西北士林咸宗仰之子二次昭漢

范序生

黃潤號巨川邑北方山人幼聰慧異常未壯入泮宮夜食餼於庠每試必冠場屋文章可倚馬待兼抱經世才鄉邑咸敬重之道光丙午科舉於鄉咸豐庚申大挑知縣同治辛未與修縣志平時主太常龍標兩書院師課士林佩服子良士邑附生

善士

宋

李士安字永和城西人以特奏同學究出身為人不忘喜怒累為州牧後請老得養生之術視聽不衰年九十七卒官至朝奉大夫

明

胡銘俊字仲賢水南人洪武間官大理寺評事年七十二致仕仁孝純篤家饒裕喜賑卹貧乏人咸稱德以次子彥清為黃太常塔遺株連并所著述抄毀無存

趙炳旭字晉之城內人少遊黌序嫻於詩文為人具至性溫厚正直邑中興廢多所折中父伯冠任養利卒於官大父源以惠州同知致仕家居娛情詩酒

分宜縣志 卷八
喜賓朋座客常滿炳旭左右其間承順意旨一無所拂歷四十餘年如一日別駕
許康得其行誼舉順孫後領歲薦辛孫鳴鏜亦以文行著以歲貢任永豐訓
導

嚴克臣字良鄉號印洲介橋人性穎達博聞強記髫年鎮於庠家貧好施與不
以錙銖為念研究古今自成一家言足不履公門見邑中大利病則從公見
白以孝友仁讓相先邑里隣族無間言十困棘闈舉明經卒長子雲京為名
御史次子雲台歲貢

袁應梓車田人性恬淡鯁介不能脂韋居家寡言笑慎行檢說詩書敦孝友雖
為諸生論高士者必首稱將應詔授儒官隱去屢舉鄉飲賓

黃灝號應川樓霞人生而穎異工詩文好義喜施里中有不平事常求質其成

晚怡情柳菊結廬楊梅之末號柳中居士

嚴雲炫號元素介橋人父堯佐有隱德尤嚴庭訓炫負資敏力學強記不隨時
僥仰惟謹廉隅敦儉素崇正乙知拔貢署新昌學博訓勵多士一以質直相
尚毫無苛禮解組歸休優游林下卒年八十餘

袁以諒邑西下園人性孝友砥名節天啟歲貢任寧都教諭陞武進令勤勞著
績引年致仕

清

嚴雲台號心印介橋人博學有厚望試輒首拔與兄志印有二難之稱為八端
敬和易足跡罕履公庭與人交不設城府過鄉里緩急周濟不辭平生好訓
勵後學沐其教者類多知名以明經終子槐楷榘榘孫開貽等俱郡邑廩諸

張祖植字公庭泗下人歲貢生少聰穎克負奮勵淹洽能文為人重氣誼敦善行不怠若家以孝友稱司寇承詔子孫眾多植獨捐私不惑屋歷忘諱營葬成禮任會昌訓導憐才樂育學中租稅悉以贈貧儒陞翰林院孔目

宋廷珍字翼明城內人崇正間選縣丞國初題授知縣未任順治十年袁郡請汰浮糧院司據實入告事下部核時需廉幹之人賣冊赴部廷珍奮力北行勦力任勞迄成事而還邑東江有鵝頭灘水石奇險約里餘往來每壞舟廷珍獨賃募匠植水鑿險舟行利賴丁亥奇荒倡義社施粥未平生不爽然諾不設吟域排難周急輕財好施有古人風

嚴雲會字子際介橋人篤學問重行誼名著黨序尤樂善喜施歲荒捐穀賑饑

修橋道施棺藥汲汲如不及舉鄉飲正賓子一心字淑尹穎悟有才畧以文學例補國子生康熙丁巳征南將軍穆進勦湖南應徵入內幕參贊戎畧事平授攸縣教諭招安柳衝餘黨投誠者千餘人在任修學校飭士習後以例格回籍子開昶令熒澤作官箴十七則貽之皆老於史者之言也祀攸縣名宦父子俱祀鄉賢

李慶時字用我箬溪人博通經史一試弗售遂不復進取徜徉山水間妻弟大理丞吳三益延主西席贈金註史選天啟七年授蘇州常熟縣黃泗浦巡檢急公奉法盜輯民安及致仕樂引後學散財發粟尤能以德綏鄉人云朱允清石陂人知州允恭之弟也為人質直端方樂善好施丁亥奇荒願穀價至五百兩僵尸載道傾倉六百餘碩賑貸饑者近鄉遂無餓殍嘗以醫藥濟

人雪夜叩之不惜徒步往視未嘗取貲直指董題擬賜冠帶晚年始舉子祚
閩人以為隱德之報

張士達字伯允泗下人歲貢生學行卓越慨慷大有伏波風丁亥太款施粥占
星聞見餓殍即為瘞葬邑人僉稱為佳公子

嚴雲涓三歲失父及長事母至孝事叔如其父撫孤姪如子丁亥奇荒捐粟賑
饑周急瘞死還金恤媪好善喜施不務豐殖惟課子力學長一礪次一礪俱
以廩生名粟庠序司理王延禔縣令江載清等屢議舉鄉飲堅辭不受卒年
八十有三子一礪一礪己未癸酉先後膺歲薦以母孝以年高不赴廷試恬
退侍養兄弟杜門讀書不齒利祿母年九十終長孫開勳補邑庠曾孫宗黃宗
宰俱增生宗定宗寬另有傳

嚴一桂字文幹介橋人御史雲京之子讀書勵志節有匡濟才以恩貢考授中
書侍父林居弗仕篤於內行弟姪早孤撫訓如子樂施與周族里貧乏丁亥
奇荒捐粟煮賑全活甚眾邑有汰浮糧大田諸事皆力為建白當事推重嘗
毀家以紓族人之難子二開禧字集公開祐字嗣叔俱以文章孝友為世稱
任教諭潔已訓士所至克舉其職著有二難詩集開禧子宗塔附貢生端方
正直慷慨多義行開祐子六登第者五以宗詰官知府兩世贈中憲大夫
袁嘉縉字殿正車田人品端學邃與弟嘉紳有文名時稱二難衣冠言動造次
必循矩矱康熙甲寅縉應歲薦弟紳已早逝矣紳子潔性剛正不苟隨流俗
博通經籍屢空晏如顧躓於棘閣莫慰素志康熙丁酉就明經選年八十猶
赴鄉闈

黃承元字師中樓霞人辛未歲貢幼繼世父埤後順治丁亥奇荒碩本至十餘
兩承元贊襄其父將餘穀百餘碩盡行賑貸生平不事生產家亦中落食蔬
衣布終其身為人嚴正有學行卒年八十三康熙丙子鄉舉正中其長子也
學行亦如其父太守胡應麟延為西賓從不以私干家居好行其德年甫四
十一而卒子廷璧未弱冠廷琳年十二家徒壁立廷璧外奉鬻祖內事孀母
下撫幼弟妹貧而有以自贍兄弟先後補諸生食餼各以館穀事母母袁氏
亦賢母也甘貧無所俯仰廷璧江南塞北作遠遊每出不踰年歸省其子凡
弟之間極天倫之豫為文力追嘉隆而不獲高卒年五十一兩世俱贈文林
郎新津縣知縣廷琳別有傳

郭廷輝字三英南岸人歲貢選授都陽訓導以老辭家居多行義舉族孫永威

幼孤無期功親廷輝撫之飲食教誨以至有成甫三十喪偶義不再娶知縣
顧子雍詳請大中丞白潢採入通志年七十補好讀書能作蠅頭小字手抄
大學衍義補四十餘帙卒年八十長子達字子上康熙戊子副貢入監肄業
揀選教諭敦倫立品尤健於舉業為文渾灑有先正風力其姑氏適張之嗣
病劇達往省與以所積金固辭不受年未五十卒著有文稿待梓長子師齊
邑庠生亦有文名季子師忠字知恩貢生

參府志

林際元字過夫育蘭長子積學工詩文操行醇正寓福鯉於潭厚中接引後進
隨事裁成無遠近皆願矣其光采當事重其名延至皆不赴里有以暮金請
託者力拒之誨以禮讓一鄉多化服性尤純孝事繼母黃氏曲盡歡心母亦
視之如己出羣從十餘人際元為家督敦先人孝友素風一門和順詩禮之

教為通邑首稱年六十二以明經終所著有萊根詩草子五俱見鳴鶴傳中
蕭大過字持簡介上人庠生質敏好學為文洋洋灑灑下筆數千言事親以孝
聞與弟姪合爨同居者四世治家嚴而有恩歲饑捐金賑貸糶穀五百碩為
倡族黨感其意共捐二百碩歲分貸鄉之次貧極貧者有差不取息毫所居
界廬陵人有爭持簡以請排解皆歸於好人深服其盛德云

張天衢字帝升泗下人力學善屬文屢薦鄉闈應康熙甲午歲貢選大庾訓導
以年老辭生平仁心為質邑兩丁歲荒救貧民饑餒率家人減常膳留餘以
資賑貸當事推主賓筵席就時同懷兄弟並躋耄耄遊處相從願身古貌衣冠甚
倜儻者慶美為一門四老長孫逢吉佩服祖訓中康熙丁酉科武舉

趙遜顏字汝夫城內人孤介不諧俗性詩文若性命父官永豐訓導遜顏年十

六欲往省家人阻之不從舟次忽墜水已深入矣念得復出見父死無憾舟
人引篙援之果得出人以為孝感易箒之夕戒二氏無得至門著有梅園錄
子被乾隆丙子鄉舉別有傳

傅尚行字次文城內人歲貢自奉儉約獨緩急人無難色授長寧訓導好汲引
後進有張鄧二生者邑書役子也貧不能具脩脯資以膏火自督課後皆為
名諸生

唐得義字宜匡雍正元年癸卯恩貢邑東北唐漢人幼服庭訓力學篤行衣冠
言動造次必於儒者性耿介不稍希非分謙和之氣流溢眉宇間雖接後輩
見輒長揖選大庾教諭弗就舉鄉飲正賓亦弗就高誼古道粹然典型子綸
孫師龍書香累葉食舊德也

張大毅字帝純城內人廩貢生為人誠懇坦易無城府家固豐喜通財濟人緩急邑改建文廟竭力捐助投廬陵訓導日課士明倫堂教古處摘文雅正沐其教者多有成卒於官舍以子世棟官同知贈奉政大夫

黃宣中字殿元雍正己酉科武舉邑西樓霞人少失怙事母以孝聞持身礪名節細行必飭與人樂易可親然稍弗順於理輒面斥之無恕詞族姓尤多所匡正處家豐儉適宜惟好施予理中緩急恃之本境翔龍橋將圯議建會有難志宣中捐金首倡躬為董役橋成往來德之

傅尚義涓江人由附監考授縣丞嗜學敦品好行其德康熙甲申歲饑尚義捐穀倡賑居恒秉禮範俗尤嚴庭訓子郡廩生紹巡能讀父書有弟紹遜寢疾度不起以親孤託巡巡撫之諭己子雍正甲辰邑議改建學宮巡與協贊當

事雅重巡迄無私謁

袁璉號天逸小北門車田人少為諸生讀書務實學為人公正嚴毅族里中有多事多求質其平允好施予急公嗜義康熙甲申歲歉施粥賑饑雍正丙午教勸資盡發倉粟貸貧民不足借官廩濟之嘗獨力建謝恩橋及新邑學者捐金助木訖學成多恃其力邑人士高其行誼曰教諭劉斯組舉為鄉飲賓辭不赴

鍾學進字勉男觀光人為入方嚴不甚治舉業喜為韻語亦不事矜炫好憇惠人為善與鄉黨子弟言依於孝弟力田治族尤剛毅持正無所假借吉凶儀折節哀古禮屏僧道晚年蒔花治圃與父老優遊頤養蕭然如古逸民卒年八十四子世珩邑諸生壯歲訓經自適其天與世無幾心卒年七十餘德量

如其父子孫膺貢選列序者近十人

夏侯隆字景山池塘人歲貢生安貧嗜學和氣薰人事關名節輒堅確不回當
事重其品誼爭以禮致之卒未嘗有私干

周峻字宗聖醴溪人天資穎異文思敏捷家素貧淡薄自甘以歲貢任定南訓
導衣冠樸素紳士稱為古先生孫大猷少孤服祖訓舉丙子科孝廉司鐸都
陽

黃廷琳字崑山樓霞人父正中為名孝廉琳早孤篤志力學家無宿舛晏如也
歲薦後一遊都門而歸知縣楊宏綱重其學行延為義塾師維持學校及正
邑中大利害羣而不黨從弟邑廩生廷瑾刻苦讀書工詩文立身行己務持
大體子女旦稟庭訓為邑貢生汝昂汝勉並邑諸生

嚴開呈字宏昭介橋人壬戌歲貢少孤侍祖母哀以色養聞力學敦品履空晏
如從兄開祀官御史開呈隨寓京邸權貴交相引重絕無脂韋逢迎態生平
嚴氣正性跬步必謹尤善振後學縣令楊玉樟沈均安劉純煒延主義塾士
林於式子宗珣歲貢生善讀父書品敦金玉孫秉惇秉懋俱守先訓

嚴宗質字素文介橋人歲貢生幼穎悟年十五補郡諸生為文疏宕雋永每試
列前茅存心忠厚處事寬平尤篤厚根本父開宣病瘋癱宗質十年侍左右
未嘗稍懈既丁父憂諸弟俱尚未冠質友愛中加防範皆課之成立生平厭
囂氛履跡不入城市卸患解紛扶持名節有漢長者遺風子秉過恩貢生秉
遜邑諸生皆能讀父書而秉遜嗜學工文年不竟其志士林惜之

黃郁李字仲芳邑北江東人郡庠生少失恃侍父躬溫清撫兄遺孤師昌諭已

子家頗給好行其德青竹魯某舉家嗷嗷變房得十金攜以覓糶道諸途泣而歸幾不欲生或以告郁李使召之至與之銀如其數并助給穀十碩家置學田資子孫膏火子孫後先斐洋壁雍正八年鄉飲介賓卒年九十

張尚鐸字和音泗下人由例監考授州同職家素封好行其德親族中有不足者貸以粟諸姓則以膏火佐其讀每歲舍藥施棺費數百金交遊多端人學上年六十六舉一子人以為好義之報

彭源宏字旦朕西岡人附貢生少失怙事祖父母以孝聞為人厚重簡默以禮自持好行其德有長者之稱好讀書行善族中一應公務俱身為倡率家本素封不屑屑家人生業常遊滇蜀間紀行賦詩俱有別趣

李自謙字益階東溪人附貢生立身持己謹飭老成恒積穀三百碩以貸鄉鄰不取其息行之數十年乞無德邑有羅某者迫於宿逋欲出妻以償自謙聞而贈之金如所應給數羅某夫婦克全鄉人僉稱自謙真長者雍正十年舉鄉飲正賓

鍾元錦字天孫山泗人邑諸生明都御史鍾忻孫居心淳厚植行端方事繼母孝謹無異所生服除猶哀雍正間公舉鄉飲介賓鄉里稱為長者卒年九十

一

袁維振字振侯邑北禮堂人由邑庠生授漕運隨幫庫幹著績擢衛千總優卹運丁勤勞過瘁乞假旋里初家貧事厥父母能以力養材具敏練見義勇為宦遊後杜門韜光惠周鄉里荒年穀踴出粟貸不取息甚或不責償最嚴庭訓尊師友四子並服教饒有父風

李自拔字萃亭禮溪人附貢生為人篤實謹飭幼失恃事繼母喻氏得其歡心
一門羣從相友爱植學論文不事浮華嘗捐貲倡修普惠橋及他道路歲款
捐穀賑貸鄉人稱義行

張聯鳳字敬莊西關人為人嚴毅公正不爽然諾居家醇謹專延名師課讀子
五並克紹先業嘗佐邑令修縣署公堂邑學宮圯竭力捐助癸亥奇荒出穀
賑濟全活甚眾年七十卒知縣林邦琬親題匾額曰古之道愛三子中祐州
史目著山陰分縣乾隆庚子恭遇純皇帝南巡監督御道奉旨獎賞加級以
覃恩得選贈如例子孫應貢選列庠序者十餘人

嚴秉圭號柳亭介橋人諸生內應鄉試被落隨父守亭官北直晉謁淳邸荷賜
金命入成均武北闈卒不售遂絕意進取性孝友事繼母梁宜人順侍異毋

弟秉珠篤撫孤姪恩洽如己子居近郭足不至公庭然有關鄉邑大利病則
從公建議弗避嫌時父遊宦三十年囊無一金子思濟教授於鄉歲以求脩
奉秉圭皆散宗族貧不舉火者嘗容章門遇故人建昌劉明經落魄旅次脫
衣裘贈之其俠如此思濟拔進上令靈山秉圭就養時秉珠任江甯理問渠
宜人任署圭年已六十猶奔馳數千里外定省弗衰少類悟長益博學邑志
九十餘年未輯乾隆丙申間眾舉圭為纂修搜殘補缺同事林有席歐陽星
皆名進士心服其才年七十有二卒

張尚銳字化成號慎齋優貢生泗水人廬陵訓導天報孫常州海防同知世標
子也奉先以孝持身以正敦友于博經史獎善恤患無遺力授進賢訓導檄
署豐城諭諭丁內艱服闋改授南城訓導准任十二載苞苴不入兩膺卓薦

皆力辭歸輯宗譜初尚祠與弟三人叙天倫樂任進賢時何生母蕭氏孀而
貧銀訪厥行實力為題請建坊又南城學署側程三家歲暮計窘欲出其妻
哭聲達內署銳給以資完聚如故值歲款必施粥某貧將鬻子為徵券代
贖其他隱德多類此惜才豈適膏棘閣五薦弗售享年七十一卒長子文
選附貢生文選監生孫宗儀宗儀森春俱從九曾孫敬之邑附生以上舊
志

歐陽亮號雪菴防里人與閻學瑾同族友愛甚篤家貧以孝聞中乾隆壬午副
榜遊大學主理家彭芸榻姚雪門玉賞之為延譽名公卿間長白傅公恒聘
入幕公純公裁出其門後皆以顯仕著聲業既滿就教諭兩歸求朝士欲保
舉教以母老辭遂歸卜築院背山牆東視北道遙自娛年七十餘歲卒子希

哲孫懋皆諸生

袁上巡字觀升國學生紐溪人素性敦行孝弟重然諾卻驕吝為人排難解紛
言出因不服其訕誠且不惜竭己橐以息其爭邑建尊經奎星兩閣捐贖勸
輸慨任不辭尤好敬師延賓子姪肄業外塾身任為東道王者廿餘載遠近
就學之士款洽迎送盡其儀子三長范金歲貢生孫宏燮中嘉慶戊午科鄉
試曾孫大霖邑附生

李師夔字宣樂檀溪人贈登仕佐郎讀書善解博學能文弱冠補弟子員幼失
怙事母以孝逮事祖母得其歡心待弟以及有延慶風勵節砥行果敢多能
邑中公事罔不盡力馬尤樂善好施戊申歲荒常捐金往新諭買米百碩以
濟貧困里鄙稱惠過子甚嚴閭室之內肅若朝典訓以義方不減韓穆家法

卒之日邑侯龔果學師歐陽博席濟弔其廬子回長榮棣國學生次兆楷孝
兆梓俱優附生三榮椿現任山東費縣關陽巡檢同懷弟州同種德亦以孝
友著四子兆梓繼為嗣

袁涵元字欲攀車田人性剛方果決由廩貢捐授訓導以父老不仕其兄澤元
官雲南家託涵及歸殷富比封君諸姪皆知名士嘗出重金置一婢有隱疾
即逐之弗責所償或謂倩媒轉售可得值涵曰寧人欺我勿我欺人縣邑諸
興作涵至策之則摩力畢赴族有佳城在淺灣勢者莫能辨法葬前母夏侯
氏眾皆首肯其為人敬畏復如此美鬚髯大聲音才雄而心細每自詡曰使
涵元得時治事不糊塗也卒阨於過不獲如所欲子三福齡廩生壽齡副貢
生著有山袁山房詩集行世松齡增貢生孫曹林立人伯人价俱邑庠

歐陽上泰號魯嚴防里人父星乾隆己未進士尹臨淄上泰其季子也性明選
好深思秦漢之書關洛之微言力學而求踐之以廩貢候選訓導隱屏教授
有祀春者泰受而不受人有爭春必為之剖論人亦服泰誠輒解贏於貨大
布之衣粗糲之食以其餘救蕩恤患歲戊戌大饑米直一石銀二兩每減直
沽之力不能者亦貸之不責其償鄰有發婦家奇窘將棄子而去泰聞贈以
金遂矢志守母彭孺人疽發背泰禱祝願以身代及卒哀毀廬墓中濕氣遠
不起年四十歲子三敬成進士官連山知縣啟激皆監生

嚴東迪介橋人歲貢邑增生宗賀長子幼服庭訓潛心學問為文典雅工切屢
試高等素善病遵行功過格雖一言一動無稍刻薄親族中有困乏者竭力
以扶助之年五十登明經選堂凡恩貢秉過滄貫經史詩文皆力追先正東

地以師事之著有同堂文稿今東廸長孫升朝次孫教俱列膠庠

李元斌號柏溪雙源人飲賓天性孝友處事公平居族長十餘年置祭田隆享祀立條規鄉中強暴者化之弱者扶之眼見五世年八十六卒子三之巖巖貢生之巖授登仕郎之崑郡廩生孫曰台曰京曰谷曰蒼俱諸生曰可廩貢湖口教諭曾孫錫榮附生錫寵增生煥附生蔚附生

歐陽上憲字濟寬防里人星姪家豐於財從子敬未成進士時多得其資助嘗欲做古義田為義學未就而疾作乃以百二十金屬諸子使商諸族歲厥事歐陽氏至今稱焉城邑鉅工若春暉橋白芒橋贊謀必力其歿也先數夕語家人曰某日吾將棄汝去叩其故不言及期果卒子枚教俱國學生

趙璣字嗣衡號象園城內人家貧幼孤嘗奉母與弟就耕東源里人敬信之

成善俗恒憫弟作苦搗書代教一日執卷吟誦至暮牛逸火覺夜半乃得因嘆曰士各有志安能長作牧豎爰私走外家隨李悅山先生遊復受業安城王孝廉拔萃暨叔祖孝廉南菴先生并附課義學乾隆壬午冬楊明府初任課取第一後縣試即置冠軍入泮次年食餼乃有問婚者至是始成室焉生平為人謹慎每遇公事不辭勞瘁非公亦不至也庚戌歲貢就職訓導享年七十有六歲從學者亦多所造就子銓縣諸生

彭克聖漳源人例授州同廬陵學博即達子醇謹溫厚克世其家大節無虧常捐祭田修祖祠子昕諸生曦監生暄候選縣佐孫斌諸生

袁作梅字惟和歲貢生邑西江邊人生平渾樸正直孝友性成為鄉里所稱仰作文力追先正子從詔邑庠生有聲早遊次從詔亦邑庠生

胡星照字步泉七都新澤人力學未售援例授職舉鄉飲賓為人醇謹剛方樂善好義家有餘粟恒減直以糶歲歉尤減半辛巳奇荒困將罄率家人省膳散給族鄰人多德之常修橋梁置圖產捐祭田修家乘美舉不一性純孝父年七十五奉養無懈病侍床側衣不解帶母年九十五奉寢膳亦如之既歿葬祭盡禮歲時省墓垂老必身親妻萬氏舉案齊眉守鍾郝家法四世一堂食指極繁不聞評語子增齡甲子鄉舉增元增文增榮增慶俱庠生增華業儒孫光第光鼎同科府縣冠軍入泮邑侯曹人傑手書楹帖誌慶享年七十有六

蕭聲清字欽若莊頭人由例監授州同職事母以孝聞好義舉郡建試院分十二棚親獨豎一棚郡守鄭極嘉獎勒碑誌名以垂不朽凡檀廟橋梁道路多

獨修有負金者久不償迫於他務家有重養媳將出之清聞知焚其券並給金使配合至戚有爭產構訟者清出己田排解之嘗製湯藥濟困厄夏設茶於路濟行人見孤貧埋葬無力者贈棺木錢米勿令人知人以為有隱德云年七十九享必祿例貢必被附貢必和從九職

張中祿字帝授西關人聯鳳五子候選布政司理問性孝友幼時奉二親克承歡親卧病累月侍湯藥無倦甫冠明延壽大義兄弟克廉讓三兄官浙西夫婦相繼逝凶訃至中祿方重病未痊力疾攜醫相隨奔迎兩柩往返數千里不辭勞瘁二姪僅數齡撫如己出生平好義樂施嘗捐四百金助修首會貢院郡昌黎書院圮獨豎一齋郡縣修建學宮考棚及邑創賓興會皆輸資邑中興立義學捐租數十石為書院膏火倡建昌峽春暉橋功最鉅暨諸橋

梁道路有工作必輸金金必厚戚友中婚嫁死葬力不贍者加周恤夏則設
茶局以蘇行旅每穀貴減價周鄰里辛巳大歉計口給穀鄉人賴以全安乙
亥鄰村失火延數十家按戶餽錢未其義行無不頌之者年六十九卒卒時
出平素里黨質賦文券力不能償者盡焚之邑侯嘗人傑譔有傳邑侯龔笙
銘其墓于四長曰榜邑庠尤工詩著有雲林草西樓逸編縣令嘗舉孝廉方
正辭不赴次秉機附監生任四川忠州吏目三任原名曰杰附貢議叙藍運
司知事四曰模縣丞職豫曾林立入庠序者數人

劉大文字國華劉家坊人國子生敦行不急事嫡母氏孝居二親憂禮而哀營
祠屋立祭畝享祀無忒歲歉穀昂貴減直以應或弗能婚相與謀成其伉儷
里有貧者某素謹慮劉重之與以資使買其反失偶為續娶既而反負人債

索之急將鬻妻償劉聞之皆代償所負天成磨腦諸橋道贊家樂成計費五
百金昌山春暉橋助鉄鎖陸千餘斤其慷慨如此性灑落愛讀書喜延文士
構別業花草園亭坐客無虛日宛然有雅人高致云年六十有七子三鳳岐
援例授州同

鍾承欽字明侯雁塘人附貢性溫和方直勤於學其父明恭好施與承欽亦然
邑西彰善鄉橋道壞者修之里黨中貧者餓之病者醫之死無所歸者殯之
遇酷暑通衢置茶局往來行人利焉故至今猶嘖嘖稱善行云

袁斯洵字巨源號泉溪禮堂人少孤師大父仲容公家學刻意窮經比長作文
不落時趨獨步熊劉而得其神似雖名途潦倒逾壯始博一衿而嗜學始終
不倦自四子書及五經三傳皆手自抄錄後人猶珍惜之生平慷慨好義歲

款輒捐穀以賑鄉鄰其他煮亭茶修橋梁施棺木種種義舉不可勝數至獨力倡建文昌閣尤其節目之大者晚年公舉鄉飲人咸欽其盛德子二長北相國學次北觀歲貢孫八愉歷任學博愷邑庠懷原任福安縣尉恪性懷忱惻俱國學

袁斯球字廷玉號西園守府維拔子性最孝父病焚香願以身代衣不解帶者匝月母病亦如之歲饑每出積粟平糶以恤貧乏不足乞糶鄰村周庇之質穎敏嗜學工詩古文詞年十六補弟子員觀察嚴曉亭深器之妻以女孫謁相國朱高安尤嘉獎靡已惜數奇屢薦勿售年八十一舉元孫五世一堂愉如也進士林平國鍾安亭二公為請旌堅不從又八年無病卒子北庠鄉賓北魁郡庠均剛直好義孫尚勤尚儉尚慈俱國學尚裕飲賓上鰥鳴鳳

曾孫益俱邑庠

袁范金字聖修號熊軒鈕村人性渾樸不立崖岸言坊行表老成典型少時名噪蠻序艾年歲貢咸均因棘闈莫展所學刻意啟迪後進長善救失所造士率多英俊尤好勸義舉邑中凡有勸建慨捐已貲又殷勤勸輸人皆服其公正如響斯應迄用有成如縣西昌峽浮橋其圖始善後允符精明渾厚之稱年八十有三卒道光二十五年恭遇聖恩賜贈修職郎子宏燮戊午舉人現任

新昌教諭孫大霖庠

張中禧號迎軒附貢生西關人也為人直爽重然諾不妄言笑行年三十餘尚未有嗣一日訪勝宜陽登化咸之巖小憩蕭蒼見沉香南海大士像叩諸僧係前明選貢張氏所為訝為前生奉以來潔室虔祀與其婦劉氏日膜拜宣

佛號五百通遠誕于海蓮年十一補諸生受餼於庠事詳海蓮傳中會昌峽
浮洪渡漂沒八九十衆因糾合同人造舟為梁巡邊制府過而獎之有善惡
人知其後必顯之語他若考棚義學諸善舉靡不傾囊仗助乙亥歲鄰村數
十家不成於火立齋錢米往賑計口分給遠通咸頌其事所謂仁者好偉庶
幾近之以子貴初封修職即享年八十有二兩孫伯煜癸卯舉人伯煦邑庠
生曾孫四人

李朝元子宣猷白芒人受州同加二級職銜性慷慨好施喜讀書交禮儒士嘗
捐百金及腴田助益鈴陽書院諸生膏火邑侯黃公堂贈以額曰資富能訓
見聖宮紅牆傾圮繕墾周匝郡伯趙瑞以耄而好義獎之丙戌春鄰村大火
燒延一百數十家按戶口餽散錢米村人恃以安橋梁道路廢者興之壞者

葺之比比然也荒年糶米或減其直或不責其償隆師贄置祭田事之協於
義樂為成之無吝色亦無矜心杖履所至角巾飄紳人皆指而目之曰此儒
行君子也享年九十有二子福介需次巡檢孫裕慶杰皆邑庠生烈國學生
曾元數十人蓋所謂積厚流光福緣善慶云

習子勤號學齋大補弟負隨父敏之任多所效力為之援例入貢適上憲檄查
倉貯勤實司委積使者至一見深器之無僕啟鑰即以會計報竣而旆返矣
生平厚重簡默為人所欽信雖家有田園性恬淡而解推則有加無已享年
七十有三而卒子家騏邑文學孫五四世賢舉人司諭修江餘俱邑附生
州司馬林以崇別字松亭勅贈承德郎前榜四子也性剛正喜行善事孤寡貧
窮多所周恤死無殯殮者率賻贈之遇公舉尤極懇謹如賓興嘗捐田數十

畝金數百兩鼓勵寒士慷慨類然至好學嗜古延師課讀老年不倦壽逾古
稀子七以長子上倫舉人官崇義教諭邀贈修職郎配黃氏贈孺人次上佐
授同知銜上任邑庠生上儀上鵬上鶴上仲皆國學孫光第邑廩光灼國學
光策邑增光霽邑附濱邑附曾孫宏毅議叙起瑞邑附璽邑增家聲邑附
袁鶴齡郡庠生號松軒中田人例封文林郎品行端方績學未過貽謀燕翼延
師課讀妻昌山李氏詳壽母傳子五長人偉孝廉次人俊歲貢生三人杰邑
增生四寶琛甘肅巡政廳五軒歲貢生子孫繁昌

胡增齡字魯望號鶴亭邑南新澤人伯兄增元仲兄增文學品兼優有聲黌序
獨鶴亭涉獵圖籍慕雅歌投壺輕裘緩帶古名將遺風遂棄舉子業習騎馬
中嘉慶甲子科鄉試既而蟬脫軒冕偃息田園課育子弟以讀書求理孝弟

力田為業並先祠興義倉復以己作穀碾米減價以糶嬰兒無依者代為養
之嘗首倡惜字亭置買田數十畝歲歲僱人尋檢字紙距居數里許有金鳳
寺傾圮剝落倡修既竟獨置僧田若干畝或尤其奉佛過當笑曰香火因緣
處處多也辛年六十有九

夏候焯字明瞻附監生邑西旺溪人廩生槐三子家素封性慷慨乾隆乙酉四
月饑荒異常穀價昂貴捐穀倡賑全活甚眾己亥五月城西大金橋水漲衝
圮費數百金獨力整修身居族長捐祭田修祖祠諄諄然時以敦睦勗子姪
家政肅然尤好培植後學置租百餘石以佐膏火其懿行種種如此子昱鼎
曉俱邑庠早國學孫瑩琳俱邑庠瑛郡增曾孫變邑增

歐陽怡字悅中號曉峯西里人少力學刻苦為文性敦樸長厚無忤無爭邑人

私評之曰此鄉先生也他日可以祀社膺嘉慶庚辰歲貢困踰塲屋至道光二十四年甲辰科尚未脫白吳撫軍乃彙奏云三載賓興未展烟霞于彩筆九聖錫賚稍慰風雨于寒儒遂得欽賜舉人第一享年八十有四頌金剛一偈而卒

林上佐號愛堂賦質英敏與兄孝廉上倫俱嗜學負雋才不過遜淡進取承父志維持家務併理同鄉文昌社賓典局甚善道光壬寅復捐金數百倡建龍標書院俾士子肄業得所每減價平糶以通有無遠近德之至道途橋亭寺觀有廢必興晚膺同知奉政大夫職享年八十四子光炘上庠孫三長宏毅議叙候銓次起瑞邑附生三起榮國學

黃其翔字益彩號石峯候銓縣主簿北鄉樓霞人多識前言往行有經世之志

慷慨行誼排難解紛所至立化嘗輸廣廈為鈴陽書院合西北鄉福建龍標書院俾生童肄業得所仿古荒政就梓里作義倉穀米充牣其中水毀不災不聞嗷嗷然族有寡婦少而貧計無所出以肥產易其硯地勸之矢志卒完其負蓋孝友睦嫻任恤石峯天性使然今不能悉著著其大者享年六十有八椒聊著行喜讀書謹禮數將來昌大其家未有艾云

彭暄號晴軒漳源人克聖第三子候選巡檢與二兄友愛事嫡母以孝聞性爽直慷慨好施每歲穀必減直糶鄉鄰貧者恒周恤之有負金者窘不能還將鬻其童養媳以償晴軒聞之立焚券並給費還家配合嘗謂家人曰吾輩行事力能為者為之非好於飾也鄉之左有溪春夏江漲行人病涉晴軒輸七白金倡建石橋如履平夷其餘善行可類推云年五十七卒于一履坦國學

生孫慶齡舉人曾孫四

張 壬原名曰杰號樂泉西關人千崖三子少讀書通曉大義孝及其天性也
比長入邑庠屢歲秋闈薦而弗售乃援例捐貢後復助修袁城恩授鹽運司
知事郡守贈義重斯文區額家故豐積而能散膏捐巨宅為鉅陽書院俾諸
生肄業得所他如學宮考棚道路橋梁諸義舉或倡或贊靡不竭力於卯冬
北鄉草場有斐語貽害幾成大獄邑侯楊樾圓獨首其名及邑紳其公票上
大憲明其無辜一柯藉以保全自署其居曰樂泉大有粉碎虛空歸心向石
泉之意自足足跡罕涉城府每曰四聖人作易只教人誠一退字鬼谷子之
論吾不敢信為然也因作學易圖沉吟反覆務究其旨暇則考靈樞訂正麻
科行世笑曰吾不能醫國醫人可乎既而人號已象冠帶坐鏡中名為鏡影

圖徵諸文人詩跋並有序標明圖意豈所謂願以宰官身得度即玩宰官而
為說法耶抑亦傳燈錄所謂絕想巖前無陰樹下聽杜宇一聲唱破春曉耶
井中圓空樂泉其庶幾哉然亦可想其生平矣享年五十有八卒子伯煜例
貢

袁裕琳紐村人明孝廉希孔裔孫性敏孝友嗜學工書持正善吟詠貧苦自立
歷官西粵告養請封親沒不仕力行善舉見墓誌銘

謝必驤字雲衢號躋堂泗溪人邑增生芳林子幼穎異為文頃刻脫彙年甫冠
入郡庠旋食餼因慶戰林園屢報罷遂專意延名師課後嗣性孝奉二人得
其歡心喜行善事凡道路橋梁樂意解囊創祠宇興祭典合邑新建試院尤
倡首竭力鄰村不戒于火按百餘戶散給錢米無德色精岐黃術雖雪夜叩

門求診輒爾足而往不索謝無力者贈資調劑迄今里鄙猶稱道弗哀云子
六其絃炳煌俱邑附生其綸國學餘皆俊秀孫曾羅列家孫逢春色附生次
以下皆業儒

歐陽上惺號竹溪家世業儒因貧服賈經商黔蜀二十餘年擁高貲歸援例授
州同加二級封贈先人好拯人急會歲大歉鄉人告糶無門捐己所積貲減
價發糶官道久傾行人多困非數百金不能修惺獨任其事至今成康衢焉
族有童媪未婚夫遠遊貧苦無依將落空門為巖給穀以養之氏終殉夫死
為請旌以表之伯元無後為擇繼分田以贍之道光十四年縣建節孝總坊
為里人出錢二十千元以成其美其他義行率多類此不具傳傳其大者
趙若昂號大莊城內人幼穎悟善詩文咸以大器目之援例入城均欲應南北

鄉試因父早世母老兩目悵悵不敢少離日惟承順無違以博色笑本邑昌
峽浮橋及賓興考棚感舉兼理數十年持正秉公生平好義類如此辛年八
十有六子五炳南恩貢生雲鵬雲龍俱庠生

鄧璘號玉園白芒人大學生言動衣冠穆然有古人風家頗裕分貧振窮凡橋
梁道路諸義舉尤樂解囊無吝色如捐金百餘倡修昌峽浮梁至今稱道不
衰與淑配張氏同屆古稀邑進士林大宏曾祝以序子四錦芳應魁俱大學
生應侯邑庠孫定元綸元德元曾孫數霖敷和俱邑附生其後嗣蕃衍人咸
謂積德之報云

劉鳳岐號仁山城東人例授州同職為人醇厚和平出言不苟跬步必謹與人
交重然諾恭而有禮雖過童子於塗無親疎不少慢事二人生養葬祭如禮

以孝聞同懷弟國子生膺綸家落甚體恤周至篤友于怡怡如也居近市無
囂浮氣精軒岐術青囊經見貧而病者贈藥醫之死無所歸者擇地殯之且
分私基以新祠宇修要道以利行人及一切公舉無少吝鄉鄰稱為長者卒
年六十七子占鰲邑庠生孫俱業儒

吳曰曉號晴川萬溪人少聰慧力學能文兼工書法弱冠以縣案補弟子員旋
食餼棘闈屢薦惜數奇弗售居家孝友恂恂如也性仁慈好拯人患苦親友
族鄰中恤困周貧有求必應平無德色歲荒減價平糶或賒貸不能償亦聽
之邑中如修文廟建賓興諸義舉咸力為贊助其樂於為善類如此未及歲
薦卒子二長其故國學生次其愛歲貢生孫曾森立俱業儒

趙至瑗號遠堂國子生城內北府人端方醇謹潔清自矢有獨行君子風幼失

性善承母氏歡服勞奉養必恭必誠終其身罔攸致鄉鄰稱其孝者都無閉
言生平好善樂施凡別急恤困修橋補路減價平糶人多德之卒無德邑至
于隆師課後尤能別具慷慨將來食報奉父子逢年由府業入膠庠孫元亨
邑諸生

林槐號三莊鈴北顧溪人上舍性坦易而行慷慨凡有公舉無不落成其事至
延師課讀尤不惜重費數十年無倦容所以交遊多名公如宜邑袁筠齋徐
吳山喻邑阮堯階皆以詩章相贈答年六十九卒子八孫曾森此多傑出
郭大用沔村人性樸誠勤儉起家好行善事道光丁酉曾捐王頭嶺田三十畝
增廓鈴陽書院膏火又於沔村江獨建石橋以便行人所費不下千金長子
維嵩國學生次子維盛例貢生享年八十有二

張青萬泗水人附生處事持大體邑中公事如修聖宮建考棚起賓興會與有力焉邑侯黃贈額壽以其仁並跋以表心公亮篤行純備年臻八十有四子八長楷李焯文俱監生孫增朝嘉辰曾孫秉謙俱庠生

袁際肇字勉齋車田人附貢生長身修飾樂行善事倡建昌岐浮橋并考棚及賓興會邑南秀溪臺為明黃忠愍讀書處亦捐贖修葺嘗受業於宗選貢易堂為梓其集行世享年八十有七配張氏享年八十有六子定仁國學邦獻邑附孫旭邑附洪濤邑增

歐陽祐字若拙邑南防里人清考取巡檢贈中憲大夫父敏為邑名宿南北巨族佳子弟多願列門牆祐隨父讀書攻舉業兼詣藝術壯游幕章門充糧道著文業以勞績考取文治第一名授職巡司每年廉俸所入以一半贍眷

屬一半助公益四十餘年無稍吝如聖宮試院永濟橋及南昌義渡育嬰黃河賑濟曾捐鉅金鄰村亦谷遭祝融災黎啼飢號寒祐遣人送米帛以救其命族有妻婦貧不能舉火被姑迫令再醮祐出米代養其姑十餘年卒全婦節每歲荒必舂米散賑時疫必製藥救護賴活者無算卒年七十有三其後四子七孫進士舉人五貢廩增附監職官一門無白丁

趙錫誠字琢軒鳳水人生有至性事父母以孝聞慷慨好善點夜燈四載施茶水三載給棺木二百餘具歷年有五掛野墓一百多塚歷年有十橋路寺廟竭力捐助因讀書未成援例投國學生精攻黃病人求診者不但不索謝且給酒食果貧者並贈藥資子二長完璧任縣督學教育指導員次洪恩豫章法政畢業代理分宜縣長江蘇水上警察廳督察長

吳協恭字子和邑東萬溪人性聰穎博通經史尤長試帖以業首入泮旋食餼
一時士林推為偽才平日寡靜寡欲積德行善如文昌宮惜字會廣興樂泮
各局以及橋梁道路無不極力欣助當時宰官無論新令舊尹遇有公益善
舉必倚為左右手臨終時王縣令之視親臨祭奠表彰門閭為士林模範子
四長華國清附生四淞濤陸軍第三十六師中校軍法處長副官處長孫鎮
寰高中畢業

謝廣颺字虞廷邑南緣溪人邑附生品學兼優經史貫通助修城堞改建聖宮
及倡建南左樂泮一切義舉靡不學刻贊勸于實榮充吉新公安四邊保衛
團總

潘元介邑南賀元人貢生樂善好施每值歲歉減價周急有佃民負款自立粟

據介姻其困苦當即焚券又某負債無力履行將鬻妻以還介聞之亦焚券
以示造亭治道倡起茶會捐建文祠不甚枚舉子二國積德行善舉渝邑附
孫三江邑附藻增貢

黃啟焜字敬齋邑北文蔚人清附貢生秉性忠厚急公好義曾捐田租數十石
振興族學修石路數萬丈便利行人輸捐千金於楊橋寶興龍標等局維持
鄉教凡邑中義舉雖值家用窘迫亦勉力行之而樂善好施之心老而愈篤
子四桂芬雲備明備順備或補邑增生或畢業專門及大學

潘作鍼邑南易家橋人倡建下亭石橋一座

李嗣編邑南東溪人貸穀賑飢收本諒急倡建長源石橋一座

朱慈祥邑南棲霞人施棺百具

黃之階邑北丁坑人施棺百具獨建百福亭一所
黃順正邑北泗背人建江城修萬壽宮築醉月亭

張鉞六邑北彰教坊人獨建石橋一座

鍾非八邑北夏塘人屢施棺木寒衣獨建雨亭兩所修路數千丈

黃和九邑北雙井人手建雨亭三所修路數千丈

黃其盛邑北洞村人施米救荒獨建百福亭

袁瑞鳳邑北禮堂人施粥貸穀樂洋賓興三樂學校捐助千餘金

清授修職郎邑庠生宋文藻字鈺卿清源人幼失怙事節母張氏順志無違性

剛直好行善舉福建三板石橋號江水福亭一手經理而利濟渡關岳廟鈴

岡廟募捐助成游頭金雞鋪茶會各處修路會歲與紳耆排解難紛歷三十

年享壽七十子二子長步衢考職巡檢次步瀛農業講習所畢業

歐陽暖字春和邑南防里人例授修職郎父時為邑耆宿有任俠風暖承父業

慷慨好施建興賢局獨捐鉅款築房祖祠仗助重金其他道路橋梁社會義

學靡不首先至成恤孤濟貧垂老彌篤為八厚重少文不事雕琢卒年八十

有餘子三孫十二拔貢生曾蔭即其第十孫

袁周庠邑北禮堂人為慷慨素喜行善凡興學育才建橋修路減價糶賑諸事

每費多金而不吝其鄉里人有急難貸不取息無力償還者輒焚其券長子

漢江西縣政人員訓練所畢業任宜豐縣區長三子金台劍聲中學畢業充

保聯中心小學校長

清國學生林曰儉之妻黃氏顧村人遺孀桑林氏相夫起家中年失偶撫三子

以養以教念藐茲諸孤成敗未卜每日焚香禱告天地神祇及林氏祖先生
庭中各三子而告之曰兒等能承先澤則未亡人可告無罪如其不然我將
遁入空門三子聞言泣下唯唯從命由是朝夕操作家道漸裕性好施與修
橋補路救災賑饑無不捐捐必鉅醵寡孤獨乞丐拖鉢無不贈贈必豐其尤
為人所難能者夫遺下債權賬簿票摺藏諸篋中塵封網結十餘年未曾啟
視諸子於罷讀歸家時偶一檢及氏大驚呵曰此種債券多屬貧民無力清
還願兒等體念余心效法馮驩為孟嘗君市義立飭將債券付之一炬貧民
聞之終其身感恩戴德者百數十戶大總統黎元洪賜額褒獎一時道路喧
稱林氏有賢母矣晚年見孫曹林立善舉愈多乃長齋繡佛滌除苦惱以樂
餘年享壽七十有二無病而終子三長金相優附生舉孝廉方正國會議員

伴金滿歷任崇仁進賢鄱陽縣知事李金鼇饒州權運局長與修縣志

